民國叢書

第五編 • 10 •



第五編 · 10 · 哲學・宗教類

孫子兵法校釋 孫子新詮

陳啟天著述

陳華元著

王治壽總校

上海吉店

孫子十家注

王治壽總校

孫子序森 子兵衛

操聞上古有弧矢之利論語曰足兵【註一】尚書八政曰師易曰師貞 魏武帝策

将西破强楚入郢北威齊晉後百歲餘有孫臏是武之後也【註四】審計 矣孫子者齊人也名武為吳王闔閭作兵法一十三篇試之婦人卒以爲 用兵【註三】 戢而時動不得已而用之吾觀兵書戰策多矣孫武所著深 人故殺人殺之可也恃武者滅恃文者亡【註二】夫差偃王是也聖人之 人吉詩曰王赫斯怒爰征其旅黃帝湯武咸用干戚以濟世也司馬法曰

重舉明書深圖不可相誣而但世人未之深亮訓說況文煩富行於世者

一」御覽足兵上有足食二字 【註二】三特字御覽皆作用 【註三】御覽作聖賢之

失其旨要故撰為略解焉

採 子 -1-家 äŧ 序

魏武序

人事於吳王闔閭爲吳將作兵法十三篇正義所引即謂此文七

於兵也

採

子十家註

序

【註四】自孫子さ以下五十字據御覧補按史記正義引舞武帝注云孫子才齊

孫子兵法序

正義云十三篇爲上卷又有中下二卷則上卷是孫子手定見於吳王故 吳王問答見於吳越春秋諸書者甚多或卽八十二篇之文今惟傳此十 陳有萃車之陳見周官鄭注有算經今存有雜占六甲兵法見隋志其與 三篇者史記稱闔閭有十三篇吾盡觀之之語七錄孫子兵法三卷史記 吳王客孫武冢是其證也其著兵書八十二篇圖九卷見藝文志其圖八 功歸之子胥故春秋傳不載其名蓋功成不受實越絕書稱巫門外大家 於六藝良不魄也孫子爲吳將兵以三萬破楚二十八萬入郢威齊晉之 之仁義佐以權謀其說甚正古之名將用之則勝違之則敗稱爲兵經比 篇最古古人學有所受孫子之學或卽出於黃帝 黃帝李法周公司馬法已佚太公六韜原本今不傳兵家言惟孫子十三 其書通三才五行本

孫子

家

兵法序

戾

渗盂 杜佑實 杜佑而 牧五 尙 公為曹操或以孟氏置唐人之後或不知何延錫之名稱為何氏或多出 所集見宋藝文志稱十家會注 魏 之法則謂其捷要杜牧疑爲魏武删削者謬也此本十五卷爲宋吉天保 歷代傳之勿失也秦漢已來用兵皆用其法而或秘其書不肯注以傳世 質詡 武始為之注云撰為略解謙言解其觕略漢官解詁稱魏氏瑣 氏諸人古注故有王子曰即淩也今或非全注本孫 陳皡六賈林七宋梅聖兪八王 (未注孫子其文卽通典也多與曹注同而文較備疑佑用曹公王 沈友鄭本所採不足今佚矣曩予游關中 置在其孫杜牧之後吉天保之不深究此書可 十家者一魏武二梁孟氏三唐李筌四 哲 九 何 延錫千張預也書 ·讀華陰嶽 知今背校勘更正 子有王淩張子 開道 弡 一藏見有 連孫 哎

改 杜

此書後有鄭友賢遺說一卷友賢亦見鄭樵通志蓋宋人又從大興朱氏

Ü

皆不 仁而敗兵者危機當用權謀孔子猶有要盟勿信微服過宋之時安得妄 法 危將不素習未可以人命爲嘗試則十三篇之不可不觀也項梁教籍兵 **父書之言以爲成法不足用又見兵書有權謀有反閒以爲非聖人之法** 叉日 予遂刊 當用古本是正其文適吳念湖太守畢恬溪孝廉皆爲此學所得或過于 知 禮 處 籍 或行軍好謀則學之或善將將如伍子胥之用孫子又何必自學之故 正樂只則五禮之一不必以爲專門之學故云未學所爲聖人有所不 見明人刻本餘則世無傳者國家令甲以孫子校士所傳本或多錯謬 知其意略不肯竟學卒以傾覆不知兵法之弊可勝言哉宋襄徐偃 知吾儒之學者吏之治事可習而能然古人猶有學製之懼兵凶 我戰則克也今世泥孔子之言以爲兵書不足觀又泥趙括徒能讀 ____ 篇以課武士孔子日軍旅之事未之學又日我戰則克孔子定

孫

淮

兵法序

享承平之福者久也陽湖孫星衍撰 及深考吾家出樂安眞孫子之後娘余徒讀祖書考證文字不通方略亦 以為景公賜姓言非無本又泰山新出孫夫人碑亦云與齊同姓史遷未

責孫子以言之不純哉孫子蓋陳書之後陳書見春秋傳稱孫書姓氏書

孫子十家註

兵法序

맫

以爲變之妙是則武之意不得謂盡於十家之註也然而學兵之徒非十 見十三篇之法如五聲五色之變惟詳其耳目之所聞見而不能悉其所 孫子十家註遺說序鄭維通志戴文略孫子 之神徒推步其輝光之迹而不能考其所以為神之深十家之註出而愈 由之而莫能知之迨夫九師百氏之說興而益見大易之義如日月星辰 籠百家以奇正相生爲變是以謀者見之謂之謀巧者見之謂之巧三軍 者見之謂之仁智者見之謂之智百姓日用而不知武之爲法也包四種 亦儒者之易乎蓋易之爲言也兼三才備萬物以陰陽不測爲神是以仁 之爲書其道深遠而不可窮學兵之士嘗患武之爲說微妙而不可究則 至於益深不窮而後可以重教於當時而傳諸後世矣儒家者流惟苦易 求之而益深者天下之備法和叩之而不窮者天下之能言也爲法立言

採

子十家註

遺說序

家之說亦不能窺武之藩籬葬流而之源由徑而入戶於武之法不可謂 孫子十家

a.

遺説序

者之間具其應答之義名曰十註遺說學者見其說之有遺則始信益深 無功矣頃因餘暇撫武之微旨而出於十家之不解者略有數十事託或 之法不窮之言庶幾大易不測之神矣滎陽鄭友賢撰

孫子十家註遺說序終

孫子牛家註遺說

其人 故兵敗長平而趙亡。師喪遼水而隋滅。太公曰。無智略大謀 勇輕戰。敗軍散衆。以危社稷。王者愼勿使爲將。此其先後之次 而死。兵死於內。則國亡於內。是外之生死。繫內存之亡也。是 或問死生之地。何以先存亡之道。曰。武意以兵事之大。在將得 將能則兵勝而生。兵生於外。則國存於內一將不能則兵敗 。强

計之校。得四五者爲多。得二三者爲少。五七俱得者爲全勝。不 武之文。固不汗漫而無據也。蓋經之以五事。校之以七計。彼我 或問得算之多。得算之少。況於無算。何以是多少無之義 也。故曰 之算。盡於此矣。五事之經 。知兵之將。生民之司命。國家安危之主也 。得三四者爲多。得一二者爲少。七 0 日

0

孫 子

十 家註

遺 詽

得者為 無算 0 所謂冥冥而決事。先戰而求勝。圖乾沒之利。出浪

戰之師

者也

意。五事七計者。當法之利也。詭道不可先傳者。權勢之變也 變 常求而勝。如膠膠柱鼓瑟。以書御馬。趙括所以能書而不能戰 常者法也。變者勢也。書者可以盡常之言。而言不能盡變之

或問計利之外。所佐者何勢。曰。兵法之傳有常。而其用之也有

易言而

尙有 因利制權之勢。在我能用耳 0 日

於吳。恐吳王得書。聽計而棄已也。故以此辭動之。乃謂書之外

不知變也。蓋法在書之傳。而勢在人之用。武之意初求用

0

械之用。不可假人。亦不可假於人。器之於人。固在積習便熟 或問因粮於敵者 無遠輸之費也。 取用必於國者。何也。

0

而 適其長短重輕之宜。與夫手足不相鈕鋙。而後可以濟用而害敵

中自備 G

日 而習慣於三軍 。萃除戒器。以戒不虔。太公曰。慮不先設。器械不備。此皆 |。吾之器。敵不便於用。敵之器。吾不習其利。非國 。則安可一旦,倉卒。假人之兵。而給已之用哉。易

言取用於國 一不可因於人也

或問兵以伐謀為上者。以其有屈人之易。而無血刃之難。伐兵攻

之不暇者 衝 城。為之次下明矣。伐交之智。何異於伐謀之工。而又次之。曰 破謀者不費而勝一破交者未勝而費。帷幄營俎之閒。而揣摩折 ¢: 心戰計勝 。伐謀之義也。或遣使介。約車乘聘幣之奏。或使閒諜 ,其未形已成之策。不煩毫釐之費。而彼率北降服

土地金玉之資。張儀散六國之從。陰厚者數年。尉繚子破諸 孫 子 十家註 遺 說

子

註

遺 説

四

非加以征伐

之勞。則未見全勝之功。宜乎次於晏嬰子房寇恂荀彧之智也

或問武之書皆法也。獨**曰。此謀攻之法也。此軍爭之法也。**曰

餘法概論兵家之術。惟二篇之說及於用。誠其易用而稱其所難

o ٥

以全爲上。以破次之。得其法。則兵不鈍而利可全。非其法 **夫告人以所難。而不濟之以成法。則不足爲完書。蓋謀攻之法** 一则

有殺士三分之災

。軍爭之法。以迂爲直。以患爲利。得其法

。則

難者 後發而先至。非其法。則至於擒三將軍。此二者豈用兵之易哉 乃云必以全爭於天下。又云莫難於軍爭。難之之辭也。欲濟其所 。必詳其法。凡所謂屈人非戰。拔城非攻。毀國非久者。乃

謀攻之法也。凡所謂十一而至。先知迂直之計者。乃軍爭之法也

見其 法而知其難於餘篇矣

0

0

奉行

方便

О

罔不克捷

0

。 El

0

知

此 而後

或問將 之耶 新書從事。殊不識公之御將 者付之以閫寄 御之則勝也。夫將帥之列。才不一概。智恩勇怯 可 遠失指教 **違教者率多敗失** ,有大帥之略。假以節度 守鬭之偏才也 以用武之意。 。傳日 能而君不御者勝 。多致奔亡。二者不幾於御之而後勝哉 将能而君御之。 。不能者授之以成算。亦猶後世責曹公使諸將。以 旣曰將能而君不御者勝。則其意固謂將不能而君 。齊神武任用將帥出討 。合淝之戰 。後魏太武命將出師。從命者無不制勝 o 便宜從事 0 6 封以函書。節宣其用。夏侯惇兄弟 則為縻軍 因其才之小大而縱抑之。 O

1。隨器

而

任

Э 用

採

4 ٠ [-

家

üΕ

遺

jį.

不

拘 科制

。何嘗一概而御

張遼樂進

。將不能而君委之。

則為

Ηî.

獲軍 。惟公得武之法深。而後太武神武。庶幾公之英略耳,非司

孫

子 + 家

Æ

遺 説

馬宣王。安能知武之蘊哉 或問勝可 知而不可為者。以其在彼者也。佚而勞之。親而離之。

佚與親在敵。而吾能勞且離之。豈非可爲歟。曰

。傳稱用師觀發

敵有赞不可失。蓋吾觀敵人無可乘之赞、不能强使爲吾可

勝之資者。不可為之義也。 。而不失敵之敗者 可知之義也 敵人既有可乘之隊。吾能置術於其間 使敵人主明而賢。將志而忠

0

而動

c

級。 不信小說而疑。不見小利而動。其佚也安能勞之。其親也安能離 之。有楚子之暗、與囊瓦之貪。而後吳人亟肄以疲之。有項王之 與范增之隘 o 而後陳平以反間疏之。夫費除之端。隱於佚親

之前。勞離之策,發於釁隙之後者。乃所謂可知也。則惟無釁隊,

敵不知其所攻矣。所謂藏於九地之下者是也。有餘者。盛之稱也 或問守則不足。攻則有餘。其義安在。曰。謂吾所以守者力不足 也 者 以固已勝敵。夫所謂不足者。吾隱形於微。而敵不能窺也。有餘 nj 示敵以不足。攻之法。要在示敵以有餘者。太宗也。夫攻守之法 。固非已實强弱。亦非虛形視敵也。蓋正用其有餘不足之形勢。 0 當吾之攻也。若迅雷驚電。壞山決塘。作勢於盛强有餘之極 吾所以攻者力有餘者。曹公也。謂力不足者可以守。力有餘者 以攻者。李筌也。謂非强弱爲辭者。衞公也。謂守之法 0 滅迹於不可見。韜聲於不可聞。藏形於微妙不足之際 吾乘勢於盛 |。而敵不能支也。不足者。微之稱也。當吾之守 。而使 。 要在

孫

子十家

註

遺説

4

者。乃不可爲也

٥

使敵不知其所守矣。所謂動於九天之上者是也。此有餘不足之

義也

而

孫 子 + 家

āŧ

或問三軍之衆。可使必受敵而無敗者。奇正是也。受敵無敗。二

義也。其於奇正。有所主乎。曰。武論分數形名奇正虛實四者 以正合。以奇勝。正合者。正主於受敵也。奇勝者。奇主於無敗 獨於奇正云云者。知其法之深。而二義所主夫日也。復曰 也。以合為受敵。以勝爲無敗。不其明哉 0 0 凡 戰 0

或問武論奇正之變。二者相依而生。 何獨曰善出奇者。曰。闕文 竭

0

相生相變之義 也。凡所謂如天地江河。日月四時。五色五味。皆取 相生如循環之無端。豈以一奇而能生變。交相無已哉。 。故首論以正合奇勝。終之以奇正之變。不可勝窮 無窮無 宜日善

出 奇 正者。無窮如天地也

力雖

扎

强弓之末

不能穿 或問 來。 也。是故麴義破公孫瓚也。發伏於數十步之內。周訪敗杜曾也 者 。非節量短近而適其宜。則不能害物 至於竭羽翼之力。安能擊搏而毀折哉 其勢險者。其義易明。 。亳末之輕也。衝風之衰不能起。鷙鳥雖疾也。高下而遠 其節短者。其旨安在。曰。 0 魯縞之脆 。嘗以遠形爲難戰者此 也 0

或問十三篇之法。各本於篇名乎。曰。其義各主於題篇之名。未

奔赴於三十步之外。得節短之義也

0

0

之用 嘗泛濫而爲言也 而彼虛。 。但文者差異耳 則我 虚而彼實。不然。則虛實在於彼此。而善者變實而 0 如虚實者。一篇之義。首尾次序。皆不離虚實 。其意所主。非實卽虛 O 非 虚即實 0 非我實

孫

子 H

莊

遺 龣

九

孫 子 -1-家

爲 虚 0 變虛 而爲實也。 雖 周流萬變 0 而其要不出此二端

而已

彼也 所謂待敵者。佚者力實也。趨戰者。 。不致於人者。實在我也。 利之也者 勞者力虛也 0 役彼於虛也 。致人者 。實之也 1。虚在

者。養我之實也。佚能勞之。飽能飢之。安能動之者。佚飽安

0

彼之虚 實也 不攻者 0 勞飢動 0 。而資我之實也。攻其所不守者。避實而擊虛也。守其 措實 而備虚也。 0 虚也。 彼實而我能虛之也。行于無人之地 敵不知所守者。 鬬敵之虚也敵不 知 者 所攻 趨 所

者 乘敵備之虛也。不可追者。畜我力之實也。 犯我之實也 Ç 無形無聲者。虛實之極而入神 攻所必救 微也。不 者 可禦者 0 乘虛

則實 彼虚實之審也。無形而我專者。示吾虛實之妙也。所與戰約者 者虚 也 0 乘其所之者。能實則虛者實也 0 形人 뺍 敵 分

者

0

見 0

彼 虚無以當吾之實也。寡而備人者。不識虛實之形也。衆而備已

峇 候之形之角之者。 實也。失也。靜也 信人之虚實也、越人無益於勝者。 能 料虚實之情也 辨虛實之術也。得也。 。一里會戰者 。死也。不足也者。 。預見虛實也。左右不能救者 越將不識吳之虛實也。策之 虚也。 動也。 生也。有餘也者 不能窺謀者

常之神也。五行,勝者。寶也。內者。虛也。四時 11 以虛實之變惑敵人也。 0 水因地制流 o 兵因敵制勝者 莫知吾制勝之形者。 。以水之高 內以虚實之法愚士衆 下。喻吾虛實變化不 。來者 一。實也

皆做於此 0 但說者不能詳之耳 0

者

一。虚

1 虚

。皆虛實之類。不可拘也。以此推之。餘十二篇之義

往者

也

。日長者

0 實

也 0

知者。

虚也。月生者

。實也。

死

孫 子. + 家 ñŧ. 遺 設

[11] 軍 Q 武之辭 爭 繑 利 。未曾妄發而無謂也。軍爭爲利者。下所謂軍爭之 0 衆爭為危 軍之與衆 也。利之與危也 0 義果 異乎

ÞΫ.

孫

- j-

- | -

家

űŧ.

遺

討

者。下所謂舉軍而爭利也。夫惟至舉三軍之衆而

爭。則不及於利

法

Ū.

Ç

夫

惟所

争而得此軍爭之法

。然後獲勝敵之利矣

0

衆爭爲危

0

反受其危矣

。蓋軍爭者

, 案法而爭也。衆爭者

0 舉軍

而趨也

為利者 而

後發而先至也。為危者。擒三將

軍

<u>[]</u>

0

c

蚁 問兵以許立 。以利動。以分合爲變 。 立 立 動 變也]。三者

先後 伽 加 έφ. E 0 先王之道 0 兵家者流 0 所用皆有本末先後之次

ihi 所 尚不同耳 。蓋先王之道尙仁義。而濟之以權。兵家者流貴 法以義

治之。 詐 利 c 孫武以利動。司馬法以正不獲意則權。孫武以分合為變 īm 終之以變 0 司馬法以仁爲本。 孫武以許立 0 司馬

0

日變 一本仁者治必爲義。立詐者動必爲利。在聖人謂之權。在兵家名 0 非 本與 九 0 無以自修 。非治 與動 0 無以趨時 非 權 與變

濟 治 動 0 治 動 所以輔· 本立 O 此 本末先後之次略同 耳 o

無以勝敵

。有

本立而後能治

動

0 能治

動而後可以權變

0

權變所以

0

或問 名居前者 武之法 是先節制 自治其軍。未嘗不以奇兵權變而勝敵。其於論勢也 武所論 奇正貴乎 m 。自治之節制 |後權變也。凡所謂立於不敗之地。 0 舉軍動衆皆法也。獨稱 相 生 也。以奇正虛實居後者。勝敵 0 節 制權變 o 兩用而 此用衆之法者。 無窮 而不失敵之敗 0 既以正兵節 之權變也 。以分數形 何 也 0 。修 日 制 o

採 at. 遺 涉

旗。 道而

所以

人之耳目

0 V

(既事一

。勇者不得獨進

0

怯者不得獨退

保

凄.

o

自保而全勝者。

指相

生兩用

0

先後之術也

。蓋鼓鐸旌

孫 子.

4 家 誰

遺 說

此 机何法也 。是筛制自治之法也。止能用吾三軍之衆而已。其法

或問奪氣者必曰三軍。奪心者必曰將軍。何也。曰。三軍主於鬬 是權謀勝敵之奇法也。 然。曰。此用吾衆之法也。凡所謂變人之耳目。而奪敵之心氣。 也 。固未及於勝人之奇也。談兵之流。往往至此而止矣。武則不

於鬭 死者。氣使之也,深思遠慮。以應萬變者。心生之也。氣奪則怯 。則吾 : 舉而乘之矣。傳曰。一鼓作氣。三而竭者。奪鬭氣也 。心奪則亂於謀。下者不能鬭。上者不能謀。敵人上下怯亂 0

將軍主於謀,鬭者乘於氣。謀者運於心。夫鼓作鬭爭。不顧萬

先人有奪人之心者。奪謀心也。三軍將軍之事異矣 0

或問自計及閒。上下之法。皆要妙也。獨云此用兵之法妙者。

何

勿攻 或問 之理 謂高陵勿向。背邱勿逆。蓋亦有可向可逆之機。佯北勿從 之變也。九而言五者 散輕爭交衢重圮圍死 外。尚有反覆微妙之術。智者不疑而能决。所謂用兵之法妙也 謹其守。固其結。繼其食。進其塗。塞其闕。示不活。 。不至於猶豫者。其所得固過於衆人。而通於法之至妙也。所 九變之法 0 。亦有可從可攻之利。餌兵勿食。歸兵勿遏。亦有可食可遏 圍師必闕 採 子. + 。所陳五事者。何也。曰。九變者。九地之變也。 家 。窮寇勿追。亦有不闕可追之勝。此兵家常法之 aŧ. 0 。此九地之名也。 遺 闕而失次也。下文曰。將通於九變之地利 3 一其志。使之屬。趨其後 一 五. 此 · 銳卒 儿

地

也

。 []

决者爲智。用兵之法。出於衆人之所不可必者。而吾之明智了

。夫事於可疑。而後知不疑者爲明。機至於難决。而後知

知用兵矣。將不通於九變之利者。雖知地形。不能得地之利

0

子

+ 家 註

遺

說

者 將不通九變之利。又曰治兵不知九變之術。蓋九地者。陳變之利 而不知名 爲五利。 知 人之用。是故六地有形。九地有名。九名有變。九變有術。知 o 術 故曰不知變不得地之利。九變者。言術之用 。不可不察也。然則旣有九地。何用九變之文乎。曰。武所論 李筌以塗有所不由而下五利。兼之爲十變者。誤也 是九變主於九地明矣。故特於九地篇曰。九地之變 。臨用而事屈。此所以六地九地九變。皆論地利而爲篇異也 何嘗有五利之義也。絕地無留。當作輕地。蓋輕有無止 。决事於冥冥。 知名而不 知變 0 驅衆而浪戰 。故曰不知術不得 。復指下文 0 知 。人情之 變而

形

之辭

道。戰則有乘勢之便。守則有處實之固。居則有養生足食之利 乏芻牧樵採之利。面面受敵。則絕出入運饋之路。可上而不可下 也。嵩山盤石。其上亭亭。無有草木。四面受敵。蓋無草木。則 豈好高之義乎。曰。武之高。非太公之高也。公所論天下之絕險 或問凡軍好高而恶下。太公曰。凡三軍處山之高。則爲敵所棲 得因高乘下。建瓴走丸。轉石決水之勢。加以養生處實。先利粮 去則冇便道向生之路。雖有百萬之敵安得棲我於高哉。太武棲姚 處隆高邱陵之地。使敵人來戰。則有高隆向陵逆邱之害。而我 可死而不可久。此固有棲之之害也。武之所論。假勢利之便也

遺 說 忌。而先得棲敵之法明矣。學孫武者深明好高之論。而不悟處於 興於天渡。李先計令遣奇兵邀伏。絕柴壁之粮道。此興犯處高之

八八

家 a±

太公之絕險. 孫 子 - | -知其勢利之便者。後可與議其書矣 0

或問六地者。 泥勝貧之理於地形者 地形也。復論將有六敗者。何也。曰。後世學兵者 0 故日 。地形者兵之助 。非上將之道也 0

0

也。所謂料敵制勝者 太公論主帥之道。擇善地利者三人而委之。則地形固非將軍之事 o 不知此為將之道者。戰則必敗。凡所言曰走曰弛崩曰陷曰亂曰 。此六者敗之道。將之至任。不可不察也。是勝敗之理。不 。上將之道也。 知此爲將之道者。戰則必勝

地之理也 可泥於地形。而繫於將之工拙也。 0 將軍之事。靜以幽。正以治。驅三軍之衆 至於九地亦 然。曰剛柔 О 如羣羊往 。皆得

北

者

深旨也 來。不知其所之者。將軍之事也。特垂誠於六地九地者。孫武之

或 就其 嗣 死焉不得士人盡力。諸家釋爲二句 (甚難 者 。不顧其甚易 。捨其至大者。 者。 不客其 何 也。曰。夫人之情 (至微 0 死難

於

生也 0 甘其萬死之難。則況出於生甚易者哉。身大於力也。 0 棄其

慮。 所往 身 之大 況於生乎 。則白刃在前。有所不避也。死且不避。況於生乎。身猶不 。則況用於力之至微者哉 0 故曰死且不 訑 。夫三軍之士。不畏死之難 。武意以謂三軍之上 投之無 者 。安

或日 0 方 7馬埋輪 0 諸家釋爲方縛。 或謂縛馬爲方陳者。 何 也 0

得不人人用力乎。死焉不得士人盡力。諸家斷為二句者。非武之

本意也

武之說本乎人心離散 解方爲縛者義不經 孫 子 家 淮 0 0 遺 據縛而方之者非武 則雖强爲固止而不足恃也。固止之法 訜 本辭。蓋方當爲放字 九

孫

子

+

家

准

遺

說

固止而 過 於桅其所行 亦不足恃之爲不散也。 不散 。不得齊勇之政。雖放去其馬而牧之。陷輪 。古者用兵 。人乘車而 卼 o 車中之士。轅不得馬而 戰。車 駕馬而行 1。今欲 於地而 駕 0 帕 使 埋

得轍

丽

馳

。尙且奔走散而亂不一

。則固在以政而齊其

心

Ū

0

之前 測而蘊於中者。情也。見於施爲而成乎其外者。事也 或問兵情主速。 O 而 主速者 事 ·顯於情之後 。蓋吾之所由所攻 叉曰爲兵之事。 。此用兵之法。隱顯先後之不同 夫情與事義果異乎 o 欲出於敵人之不虔不 0 国 。情隱於事 一。不可 戒 也。所謂 也 0 夫

以神速之兵 旣順而可詳。敵釁已形而可乘。一向並敵之勢。千里殺敵之將 露 0 雖暫者深閒 。出於人之所不能虞度者而戒備者。 。不 施 前謀先窺也 0 所謂為 兵之事 [i]在 者 中情祕密而 0 蓋 一敵意

使 0 故 陳 ĺÌ 不 所謂 - 暇戰 55能成 0 而城不及守者。 4 놤 0 此 113 彼敗事 0 是則情 已顯 事之異 。而吾兵業已成於外也 0 **隱顯先後** 世

而 者訴之。 或曰 也 吾踵軍在後 絕地無變 越吾之境土。 0 司 0 司馬法曰 九地之中 此絕地之謂 ก 。告畢書絕者。所以禁人內顧之情 故論於九地之中 o 書親 而 0 初 復行絕地 絕 也 入 0 0 敵 然而 是謂絕顧壹慮尉繚子 人之地 者 不預 0 0 丽 0 何 不 儿 强場 也 |地老何 得列其數 0 乏限 日 興師動衆 。 九 0 也 踵 肵 0 軍 而止其還近之心 c 地之法皆有 過 或以越境為 合日 關 。去吾之國 梁 1 0 遇有還 岁 變 0 越 使 r[i 0

或問 軍 o 不 示 用 知諸侯之謀 鄕 導 0 不能得 。不能預交 地 利 0 重言於軍爭九地二篇者 0 不 知 山 林險阻沮澤之形 0 何也 . v ·能行 0 E

人之國

0

如秦越晉伐鄭者

0

鑿

也

採

子

-1-

家

Œ

遺

說

孫

家

之法。方變迂爲直。後發先至之爲急也。九地之利。盛言爲客深 此三法者。皆行師爭利。出沒往來。遲速先後之術也。蓋軍爭 粧 遺 說

卽庭 表。求鄉人之習熟者。爲之前導引。動而必迷。舉而必窮。 入。利害之爲大也。非此三法。安能舉哉。噫。與人爭迂直之變 趨險阻之地。踐敵人之生地。求不識之迷途。若非和鄰國之援 爲之引軍。明山川林麓。險難阻阨。沮洳濡澤之形。而爲之標 (無處。惟入於林。不行其野。强違其馬。欲爭迂直之勝。圖 何異

深入之利。安能得其便乎。稱之二篇。不亦旨哉。

而因利制權。故賞不可以拘常法。令不可以執常政。噫。常法之 之政。蓋有常理。今欲犯三軍之衆。使不知其利害。多方悞敵 或問何謂無法之賞。無政之令。曰。治軍御衆。行賞之法。施令

有時 賞 。不足以愚衆。常政之令。不足以惑人。則賞有時而不以令。 imi 不執者。將軍之權也。夫進有重賞。有功必賞 。賞法之常

所之。李愬襲元濟。初出。衆請所向。 也 0 先庚後甲。三令五申。政令之常也。 0 吳子相敵 0 北者有賞。馬隆募士。未戰先賞。此無法之賞也 若曰若驅羣羊 曰東六十里止。 . 至張柴 往來莫知 0

或問用閒使閒 諸將請所止。復曰入蔡州。此無政之令也 或以事 。或以權。不必人也。聖者無所不通。智者深思遠慮。 。聖智仁義 。其旨安在。 日。 用閒 者。 用閒之道 也

0

非此 之與閒。彼此有可疑之勢。吾疑閒有覆舟之禍。 非仁恩不足以結閒之心。 聖智之明。安能坐以事權閒敵哉。使閒者 非義斷不足以決已之惑。主無疑於 0 使人爲閒 疑閒我有害已之 也 。 吾

孫 子 家 äŧ 遺 ī)

[74]

0 客無猜於 Ŧ 。而後可以出入於萬死之地而圖攻矣。秦王使張

容

孫

子

+

äĖ

遺 說

儀相 數年無效。而陰厚之者。恩結閒之心也。高祖使陳平用

砚 2

企數 一萬 。離楚君臣。平楚之亡廢也。吾無問其出入者。義

之惑也

或問伊摯呂牙。古之聖人也。豈嘗爲商周之閒耶。武之所稱

0 贵

非尊閒之術而重之哉。曰。古之人。立大事。就大業。未嘗不守

。則未嘗不假權以濟道。事夫業至於用權

0 刞

何

於正

0

正不獲意

所不為哉。但處之有道。而卒反於正。則權無害於聖人之德也

呂牙不在商。不能就武之德。非此二人者。不能立順天應人。伐

。不能成湯之美。武不得呂牙。不能密商王之罪 。在聖人謂之權。湯不得伊摯。不得悉夏政之惡

0

伊

示在

夏

兵家名曰閒

罪弔民之仁義 。則非爲閒於夏商 而何。惟其處之有道。而 終歸於

正

0

故名曰權

。兵家之閒

。流而

不反

。不能合道。而入於詭詐之

0

實同 域 ó 而名異 故名曰閒 0 。所謂以上智成大功者。眞伊呂之權也。權與閒

之辭 或問 可易言也。所謂非聖智不能用閒 也。武始以十三篇干吳者。亦欲以其書之法 閒 何以終於篇之末。 日。用兵之法 。非微妙不能得閒之實者。難之 。惟閒爲深微神 。敎闔閭之知兵 妙 Mi

0

皆通 攻形勢虛實軍爭之術 次序。而導之使不惑也。是故始教以計量校算之法。而次及於戰 U 而後 教人之初 子 可以論問道之深矣。噫。敎人之始者。務令明白易曉 + 。蒙昧之際 aE 漸 遺 至於行軍九變地形地名火攻之備 。要在從易而入難 0 先 明而 後 幽 0

説

採

諸法

本末

孫 子

+

家 註

遺

說

通謂

而期之以聖智微妙之所難 示可驟而語易者哉。或曰。廟堂多算。非不難也。 。則求之愈勞。而索之愈迷矣。何異王 何 不列之

宜 也。夫敵人之情。最爲難知 於終篇也。 可驗於度。先知者必在於閒。蓋計待情而後校。情因閒 乎以閒爲深 曰。計之難者。經之以五事。校之以七計。 。而以計爲淺也。孫武之蘊至於此 。不可取於鬼神 。不可求象於事。不 。而知十家之說 而後 而索其情 知 0

孫子十家註遺說終

不能盡矣。

總校王詒壽分校陳 銛校

孫子武者。齊人也。以兵法見於吳王闔閭。闔閭曰。子之十三篇

吾盡觀之矣。可以小試勒兵乎。對日

。 可

。闔閭曰。可試以婦

右視右手。後即視背。婦人曰。諾。約束旣布。乃設鉄鉞 與左右手背乎。婦人曰。知之。孫子曰『前則視心。左視左手。 。即三

隊。以王之寵姫二人。各為隊長。皆令持戟。令之曰。汝知而心 人乎。曰可。於是許之。出宮中美人。得百八十人。孫子分爲二

東不 令五申之。於是鼓之右。婦人大笑。孫子曰。約束不明。申令不 乃欲斬左右隊長。吳王在臺上觀見。且斬愛姫。大駭。趣使使 。將之罪也。復三令五申。而鼓之左。婦人復大笑。孫子曰約 剪 採 。申令不熟。將之罪也。旣已明而 子 ---家 傅 不如法者 。吏上之罪也

軍 0 0 於是闔 ·罷休就舍。寡人 口 試 閭 下觀之 知孫子能用 0 唯 不願下觀。孫子曰。王徒好其言 Ė 兵 所 。卒以爲 欲用之。 雖赴水 將 ò 归 1破强楚 火猶 Τū ·U 0 後百餘 入 。不能用其實 吳王 郢 0 議而 北 日 | 威齊

起 斬 勿

o

拧

中

規矩繩墨

0

無敢出聲。於是孫子使使報王曰

0

东

受 咏

願

兵旣整齊

跪

0

0 將 隊

長二人以徇。用其次爲隊長。於是復鼓之。婦人左右前後

孫臏 法 召孫臏 0 顯名諸 龐 0 臏 涓 。臏至。龐涓恐其賢於己。 旣 生阿鄄 事 侯。孫子與有力焉。孫武 魏 之間 0 得為 0 惠王 臏亦孫武 將 軍 0 之後世孫也 疾之。則以法刑斷其兩足而黥 mi 既死 自以爲能不 0 0 能ご **臏嘗與龐涓俱學兵** 及孫臏

0

乃陰

使

有

勝 射。孫子見其馬足不甚相遠 為奇 之。 屮 0 及臨質 其 -駟。 取 君第 0 卒得王千金 後 。竊 欲隱勿見。齊使者如梁。孫臏以刑徒。陰見說齊使。齊 魏 重射 ·伐趙。趙急請救於齊。齊威王欲將孫臏。臏辭 君 載與之齊 c 中駟 孫 。臣能令君勝 子曰。今以君之下駟。與彼上駟 |。於是忌進孫子於威王。威王問兵法。遂以爲帥 。與彼下駟。旣馳 。齊將田忌善而客待之。 。田忌信然之。與王及諸公子逐射 。馬有上中下輩。於是孫子謂田忌曰 。二輩 華。 忌數 而 υ 取 與齊公子馳逐重 田忌一不勝而 君上駟。與彼 謝日 千金 使以 0 刑 再

孫

不拔威 謀。田忌 餘之人不

0 批

亢擣虚

。形格勢禁。而自爲解耳

。今梁趙相

攻。

輕兵

可

。於是乃以田忌爲將。

孫子為

師

o 居輜

車

中

坐 0

爲

計

|欲引兵之趙。孫子曰。夫解雜亂紛糾者不控捲。救門者

銳卒。必竭於外。老弱罷於內。君不若引兵疾走大梁。據其街路

孫 子

+

家 註

傳

也 龐 法百里而趨利者蹶上將 晉之兵。素悍勇。輕齊。齊號爲怯。善戰者因其勢而利導之。兵 年魏與趙攻韓。韓告急於齊。齊使田忌將而往。直走大梁 衝其 涓聞之。 。田忌從之。魏果去邯鄲。與齊戰於桂陵 方虚 去韓而歸。齊軍旣已過而西矣。孫子謂田忌曰 o 彼必釋趙而自救 0 【註二] 五十里而趨利者軍半至。使齊軍 。是我一舉解趙之圍。而收弊於魏 。大破梁軍 0 後 。魏將 0 彼三 十五.

棄其 入 。大 魏地。爲十萬竈。明日爲五萬竈。又明日爲二萬竈。龐涓行三 馬陵道狹而旁多阻隘。可伏兵。乃斫大樹而書之曰。龐涓死於 步 喜 車 0 0 與 **口我固知齊軍怯** 其輕銳 。倍日幷行逐之。 。入吾地三日。士卒亡者過半矣。乃 孫子度其行。暮當至馬陵

此樹之下。於是令齊軍善射者。萬弩夾道而伏。期日暮。見火舉

而俱發。龐涓果夜至斫木下。見白書。乃鑽火燭之。讀其書未畢 齊軍萬弩俱發。魏軍大亂相失。龐涓自知智窮兵敗。乃自剄曰

。遂成豎子之名。齊因乘勝盡破其軍。虜魏太申以歸。孫臏以此

名顯天下。世傳兵法。

【註一】越絕書曰吳縣巫門外大家孫武家也去縣十里 【註二】魏武帝曰蹶猶挫也

孫子

史記曰。孫子武者。齊人也。以兵法見於吳王闔閭。卒以爲將。 文登

畢以珣

撰

王意者。子胥知王之不定。乃薦孫子於王。孫子者。吳人也。善

吳越春秋曰。吳王登臺。向南風而嘯。有頃而嘆。羣臣莫有曉

爲兵法。辟隱幽居。世人莫知其能。 辨證書曰。齊敬仲五世孫書。爲齊大夫。伐莒有功。景公賜姓 按孫子本齊人。後奔吳。故吳越春秋謂之吳人也。鄧名世姓氏

史記又曰。後百餘歲有孫臏。亦武之後世孫也。

四族謀作亂。奔吳爲將軍是也。

孫氏。食釆於樂安。生馮。爲齊卿。馮生武。字長卿。以田鮑

孫 子十家註 敍

按姓氏辨證書曰武生三子。馳明。敵明。食釆於富春。

採 7

-{-

家 äŧ

急 **6**%

生臏

言。 又按紹興四年。鄧名世上其書。胡松年稱其學有淵源。多所按 即破魏軍擒太子申者也。按此所說。則臏乃武之孫也。史記之 猶為 未審

凡有所長 據。序叉云

。盡用其說。是其書內所云。皆可依據也

o

。自五經子史。以及風俗通姓苑百家譜姓**纂諸書**

o

越絕書曰。巫門外大家。吳王客孫武家也。去縣十里

其史稱

乎。曰可。於是許之。出宮中美人。得百八十人。孫子分爲二隊 史記 按武惟爲客卿。故春秋左氏傳言伍員。而不詳孫武也。 伐楚及齊晉者。蓋武以客卿將兵故也。 。闔閭曰。可以小試勒兵乎。對曰可 0 闔 間日

。可試以婦人

。以王之寵姫二人各爲隊長。皆令持戟。令之曰。汝知而心與左

手。後即視背。婦人曰。諾。約束旣布。乃設鉄鉞。即三令五申 明.。中令不熟。將之罪也。旣已明而不如法者。更士之罪也。乃 之罪也。復三令五申。而鼓之左。婦人復大笑。孫子曰。約束不 之。於是鼓之右。婦人大笑。孫子曰。約束不明。申令不熟。將 右手背乎。婦人曰知之。孫子曰。前則視心。左視左手。右視右 也 曰。寡人已知將軍能用兵矣。寡人非此二姫。食不甘味。願勿斬 欲 皆中規矩繩墨。無敢出聲。於是孫子使使報王曰。兵旣整齊。王 長二人以徇。用其次爲隊長。於是復鼓之。婦人左右前後跪起。 :斬左右隊長。吳王在臺上觀見。日斬愛姫。大駭。趣使使下令 . 孫子曰。臣旣已受命爲將。將在軍。君命有所不受。遂斬隊

錄

。將軍罷

٥

可試 下觀之。唯王所欲用之。雖赴水火猶可也。吳王曰

孫

子 +

莊

敍

鐰

是闔閭 吳越春秋曰。吳王問曰。吳法寗可以小試耶。孫子曰。可。可以 顯名諸侯。孫子與有力焉 休就舍。寡人不願下觀。孫子曰。王徒好其言。不能用其實。於 小試於後宮之女。王曰諾。孫子曰。得大王寵姫二人以爲軍隊長 各將一隊。令三百人皆被甲兜鍪。操劍盾而立。告以軍法。隨 。知孫子能用兵。卒以爲將。西破强楚入郢。北威齊晉 .

鼓爲戰形。於是宮女皆掩口而笑。孫子乃親自操抱擊鼓。三令五 鼓進退左右迴旋。使知其禁。乃令曰。一鼓背振。二鼓操進。三 申 聲如駭虎。髮上衝冠。項旁絕纓。顧謂執法曰。取鈇鑦。孫子 其笑如故 。孫子顧視。諸女連笑不止。孫子大怒。兩目忽張

不却行。士之過也。軍法如何。執法曰斬。武乃令斬隊長二人。 日。約束不明。申令不信。將之罪也。旣以約束。三令五 中。卒

卽吳王之寵姫也。吳王登臺觀望。正見斬二愛姫。馳使下之令曰 寡人已知將軍用兵矣。寡人非此二姫。食不甘味。宜勿斬之。

子復撝鼓之。當左右進退。迴旋規矩。不敢瞬目。二隊寂然無敢 顧者。於是乃報吳王曰。吳已整齊。願王觀之。惟所欲用。使赴 孫予曰。臣旣已受命爲將。將法在軍。君雖有令。臣不受之。孫

水火。

猶無難矣。而可以定天下。吳王忽然不悅曰。寡人知子善

子曰 用兵 可空試。故爲兵者。誅伐不行。兵道不明。今大王虔心思士。欲 0 Ü 王徒好其言。而不用其實。子胥諫曰。臣聞兵者凶事。不 雖可以霸 採 ÷ 十家註 。然而無所施也。將軍罷兵就舍。寡人不願。孫 敍 錄

踰泗。越于里而戰者乎。於是吳王大悅。因鳴鼓會軍。集而攻楚 興兵戈以誅暴楚。以霸天下而威諸侯。非孫武之將。而誰能涉淮 0 孫子爲將。拔舒。殺吳亡將二公子蓋餘燭傭

史記曰。光謀欲入郢。將軍孫武曰。民勞未可。且待之。

可。闔廬從之。悉興師。五戰。楚五敗。遂人郢。吳越春秋曰 子對曰。楚將子常貪。而唐蔡皆怨之。王必欲大伐。必得唐蔡乃 叉曰。 闔廬謂伍子胥孫武曰。始子之言郢未可入。今果何如

吳王謀欲入郢。孫武曰。民勞未可恃也。 楚聞吳使孫子伍子胥白

叉曰。闔閭聞楚得湛盧之劍。遂使孫武伍胥白喜伐楚。拔六與潛 喜爲將。楚國苦之。羣臣皆怨

一邑。

又曰。楚使公子囊瓦伐吳。吳使伍胥孫武擊之。圍於豫章大破之

楚之爲兵。天下强敵也。今臣與之爭鋒。十亡一存。而王入郢者 又曰。吳王謂子胥孫武曰。始子言郢不可入。今果何如。二將曰 曰。囊五者貪。而多過於諸侯。而唐蔡怨之。王必伐得唐蔡。 天也。臣不敢必。吳王曰。吾欲復擊楚。奈何而有功。伍胥孫武 。夫戰借勝以成其威。非常勝之道。吳王曰。何謂也。二將曰 0

怛。垂涕舉兵將西伐。伍胥白喜孫武決。三戰破吳王奔發 叉曰。樂師扈子非荆王信讒佞。作窮刧之曲。曰。吳王哀痛助枫

淮南子曰。君臣乖心。則孫子不能應敵

劉向新序曰。孫武以三萬破楚二十萬者。楚無法故也 孫 十家註 敍

八

型記とす。 ※記しばいませ、 ※正三二 漢官解詁曰。魏氏瑣連。孫武之法。

史記义曰。孫武以兵法見于吳王闔閭。闔閭曰。子之十三篇。吾

盡觀之矣。

英史記。惟言以兵法見闔閭。不言十三篇作於何時。考魏武序 五、爲吳王闔閭作兵法一十三篇。試之婦人。卒以爲將。則是,

勝。吾將留之。不聽吾計則必敗。吾將去之。是其干之之事也 必勝。留之。將不聽吾計。用之必敗。去之。言聽從吾計則必 十三篇特作之以于闔閭者也。今考其首篇云。將聽吾計。用之

之也。九地篇云。吳人與越人相惡也。當其同舟而濟。遇風。 叉按虛實篇云。越人之吳雖多。亦奚益於勝敗哉。是爲闔閭言

其相救也。如左右手。亦對闔閭言也。故魏武云。爲吳王闔閭

作之。其言信已。

吳越春秋曰。吳王召孫子。問以兵法。每陳一篇。王不知口之稱

閭作十三篇以千之。旣見闔閭。相與問答。武又定著爲若干篇 按十三篇之外。又有問答之辭。見於諸書徵引者。蓋武未見闔

吳王問孫武曰。散地士卒顧家。不可與戰。則必固守不出。若敵 皆在漢志八十二篇之內也。

攻我小城。掠吾田野。禁吾樵採。塞吾要道。待吾空虚而急來攻 。則如之何。武曰。敵人深入吾都。多背城邑。士卒以軍爲家。

孫 子十家 註 敍 錄

專志輕鬥。吾兵在國。安土懷生。以陳則不堅。以鬥則不勝。當

吳王問孫武曰。吾至輕地。始入敵境。士卒思還。難進易退。未 意。襲其懈怠。可以有功 得。轉輸不至。野無所掠。三軍困餒。因而誘之。可以有功。若 集人合衆。聚穀蓄帛。保城備險。遣輕兵。絕其粮道。彼挑戰不 與野戰。則必因勢依險設伏。無險則隱於天氣陰晦昏霧。出其不 孫 子 + 家 註 敍 0 錄

壘。 背險阻。三軍恐懼。大將欲進。士卒欲退。上下異心。敵守其城 地。士卒未專。以入爲務。無以戰爲。故無近其名城。無由其通 整其車騎。或當吾前。或擊吾後.。則如之何。武曰。軍至輕

。若其不至。捨之而去。

軍見得。進乃不懼。分吾良卒。密有所伏。敵人若來。擊之勿疑 路。設疑佯惑。示若將去。乃選騎銜枚先入。掠其牛馬六畜。三

吳王謂孫武曰。爭地。敵先至。據要保利。簡兵練卒。或出或守

揚塵 以備 敵得其處。愼勿攻之。引而佯走。建旗鳴鼓。趣其所愛。曳柴 。惑其耳目。分吾良卒。密有所伏。敵必出救。人欲我與 我奇 。則如之何 . 武曰。爭地之法。讓之者得。爭之者失

之道也

人棄吾取

固守其所。輕吳追之。分伏險阻。敵人還鬭。伏吳旁起。此全勝

。此爭先之道。若我先至。而敵用此術。則選吾銳卒。

o

吳王問孫武闩。交地。吾將絕敵。令不得來。必全吾邊城

。修其

以來。吾分卒匿之。守而易怠。示其不能。敵人且至 所備 而我不可往。衆寡又均。則如之何。武曰。旣我不可以往 。深絕通道。固其阨塞。若不先圖 採 Ŧ + 家 註 敍 錄 。敵人已備。彼可得來。 。設伏隱廬 。彼可

孫 Ŧ ٥

出 [其不意。可以有功也

吳王問孫武曰。衢地必先。吾道遠發後。雖馳車驟馬。至不能先

國 。所謂先者。必重幣輕使。約和傍國。交親結恩。兵雖後至 則如之何。武曰。諸侯參屬

。其道四通。我與敵相當

。而傍有

衆以屬矣。簡兵練卒。阻利而處。親吾軍事。實吾資粮。令無車 人驚恐。莫知所當 騎。出入瞻候。我有衆助。彼失其黨。諸國犄角。震鼓齊攻。敵

地 還 0 勢不 士卒輕勇 可過。欲食於敵。持兵不失。則如之何。武曰 0 輕輸不通。則掠以繼食。下得粟帛 。皆貢於上。 。凡居重

吳王問孫武曰。吾引兵深入重地。多所踰越。粮道絕塞

。設欲歸

多者有賞。士無歸意。若欲還出。切爲戒備。深溝高壘。示敵且

久。敵疑通途私除。要害之道。乃令輕車。銜枚而行。塵埃氣揚 。以牛馬爲餌。敵人若出。鳴鼓隨之。陰伏吾士。輿之中期。丙

在吾前。而伏吾後。營居吾左。而守吾右。良車驍騎。要吾隘道 吳王問孫武曰。吾入圮地。山川險阻。難從之道。行久卒勢。敵 則如之何。武曰。先進輕車。去軍十里。與敵相候。接期險阻

外相應。其敗可知。

乃止

或分而左。或分而右。大將四觀。擇空而取。皆會中道。倦而

吳王問孫武曰。吾入圍地。前有强敵。後有險難。敵絕粮道。利 我走勢。敵鼓噪不進。以觀吾能。則如之何。武曰。圍地之宜 0

必寒其闕。示無所往 子十家註 。則以軍爲家。萬人同心。三軍齊力。丼炊 敍 錄

孫

+ 家 註

敍 錄

四

數日。無見火烟。故爲毀亂寡弱之形。敵人見我。備之必輕。告

勵士卒。令其奮怒。陳伏良卒。左右險阻。擊鼓而出。敵人若當

疾擊務突。前鬥後拓。左右犄角。

而勿摶。交而勿去。此敗謀之法。

又問曰。敵在吾圍。伏而深謀。示我以利。縈我以旗。紛紛若亂 。不知所之。奈何。武曰。千人操旒。分塞要道。輕兵進挑。陳

己上皆孫子遺文見通典

地。當選驍騎。伏要路。我退敵追。來則擊之也。

又曰。軍入敵境。敵人固壘不戰。士卒思歸。欲退且難。謂之輕

吳王問孫武曰。吾師出境。軍於敵人之地。敵人大至。圍我數重

欲突以出。四寒不通。欲勵士激衆。使之投命潰圍。則如之何

武曰。深溝高壘。示爲守備。安靜勿動。以隱吾能。告令三軍

力。或攻兩旁。震鼓疾譟。敵人亦懼。莫知所當。銳卒分兵。疾 捐冠。絕去生慮。將無餘謀。士有死志。於是砥甲礪刃。丼氣一 。示不得已。殺牛燔車。以饗吾士。燒盡粮食。塡夷井竈。割髮

之窮寇。擊之之法。伏卒隱廬。開其去道。示其走路。求生逃出 吳王曰。若我圍敵。則如之何。武曰。山峻谷險。難以踰越。謂 攻其後。此是失道而求生。故曰困而不謀者窮。窮而不戰者亡。 必無鬥志。因而擊之。雖衆必破。兵法又曰。苦敵人在死地。

兵。隱而不覩。使吾弓弩。俱守其所。【註一】

士卒勇氣。欲擊之法。順而勿抗。陰守其利。絕其粮道。恐有奇

已上見何氏注

孫子十家註 敍錄

一六

按此皆釋九地篇義辭意甚詳故其篇帙不能不多也

吳王問孫武曰。敵勇不懼。驕而無慮。兵衆而强。圖之奈何。武

曰。詘而待之。以順其意。無令省覺。以益其懈怠。因敵遷移 0

潛伏候待。前行不瞻。後往不顧。中而擊之。雖衆可取。攻驕之

見通典

道。不可爭鋒。

吳王問孫武曰。敵人保據山險。擅利而處之。粮食又足。挑之則

不出。乘間則侵掠。爲之奈何。武曰。分兵守要。謹備勿懈。潛 然變改。待離其固。奪其所愛。敵據險隘。我能破之也。 探其情。密候其怠。以利誘之。禁其樵牧。【註二】久無所得 自自

見通典及太平御覧

按以上問答皆非十三篇文吳越春秋所云問以兵法不知口之稱善

孫子曰。將者。智也。仁也。敬也。信也。勇也。嚴也。是故智

士盡力。氣勇益則兵威令自倍。威令一則惟將所使 以折敵。仁以附衆。敬以招賢。信以必賞。勇以益氣。嚴以一令 車騎也。隘寨山林者。所以少擊衆也。沛澤杳冥者。所以匿其形 孫子曰。故曰深草蓊穢者。所以逃遁也。深谷險阻者。所以止禦 孫子曰。凡地多陷曲曰天井。 故折敵則能合變。衆附則思力戰。賢智集則陰謀利。賞罰必則 按此釋行軍篇義見太平御覧 按此所釋計篇五事亦答闔閭之問也見潛夫論 孫 子十家註 敍 錄 七七

也。

孫 子 + 家 註

敍 錄

見通典

孫子曰。强弱長短雜用。

叉曰。遠則用弩。近則用兵。兵弩相解也。

叉曰。以步兵十人。擊騎一匹。

亦見通典

孫子曰。人効死而士能用之。雖優游暇譽。令猶行也。

义曰其鎭如岳。其停如淵。

义曰。長陳爲甄。

見文選注

按已上七條今十三篇內亦無之

孫子八陣。有苹車之乘。

見鄭君周禮注

孫子占曰。三軍將行。其旌旗從容以向前。是爲天送。必亟擊之

按隋經籍志有孫子八陣圖一卷此其遺文也

失。三軍將行。旍旗亂於上。東西南北。無所主方。其軍不還

。得其大將。三軍將行

。 其旌旗墊 音店 若然雨。是爲天霑

1。其帥

。雨師。是爲浴師。勿用陣戰。三軍將戰。有雲其上而

三軍將陣

。右周絕軍其將亡。右周中其師得粮。

赤。勿用陣。先陣戰者。莫復其迹。三軍方行。大風飄起於軍前

見太平御覧

按隋志又有孫子雜占四卷此其遺文也

孫子

十家註

敍

錄

九

之而無隱。危之而不懼。故良將之動也。猶璧玉之不可汚也 义按北堂書鈔 。引孫子兵法云。貴之而無驕。委之而不專。扶

太平御覧。以爲出諸葛亮兵要。又引孫子兵法祕要云 。良將思 c

魏 計 法 如飢 |武有兵法接要一卷。或亦名為孫子兵法接要。猶魏武所作兵 亦名爲續孫子兵法也。北堂書鈔。又引孫子兵法論云。非 。所以戰必勝。攻必克也。按兵法祕要。孫子無其書 。善用兵者有三略焉。上略伐智

中略伐義。下略伐勢。按此亦不似孫武語。蓋後世言兵 文無以平治。非武無以治亂 (。多祖

陳 振孫書錄解題曰。孫武事吳闔閭。而事不見於春秋傳。未知其 孫 武 c 故作兵法論。卽名爲孫子兵法論也。附識於此以備考。

果何代人也。

又曰。孫吳或是古書。

按孫子生於敬王之代。故周秦兩漢諸書。皆多襲用其文。陳氏

于此猶有不盡信之言。疏謬甚矣。

戰國策。孫臏曰。兵法百里而趨利者蹶上將。五十里走者軍半至

。【註三】

又曰。攻其懈怠。出其不意。【註五】 又曰。馬陵道狹。而旁多阻險。可伏兵。【註四】

吳起曰。投之無所往。天下莫當。【註六】

又曰。凡過山川邱陵。亟行勿留。【註七】

又曰。治寡如治衆。【註八】

|文曰。以半擊倍。百戰不殆。【註九】

孫

子十家註

敍錄

孫

。必死則生。幸生則死。【註十】

又曰。以近待遠。以佚待勞。以飽待飢。【註十二】

又曰。夫鼙鼓金鐸。所以威目。旌旌麾幟。所以威耳。【註+二】

又曰。遇諸邱陵林谷。深山大澤。疾行亟去。勿得從容。[註+四] · 畫以旌旗旛幟爲節。夜以金鼓笳笛爲節。【註十三】

叉曰

叉曰。敵若絕水。半渡而擊之。【註十五】

又趙奢救閼與。軍士許歷曰。先據北山者勝。後至者敗。【註十六】

尉繚子曰。守法一而當十。【註十七】

叉臼。治兵者。若祕於地。若邃於天。【註十八】

鹖冠子曰。發如鏃矢。聲如雷霆。【註十九】

叉曰。執急節短。【註二十】

又曰。百戰而勝。非善之善者也。不戰而勝。善之善者也。【註二

+:3

史記陳餘曰。吾聞兵法。十則圍之。倍則戰之【註廿二】

久黔布擊楚。或說楚將曰。兵法自戰其地爲散地。【註二十三】

义高帝遣劉敬視匈奴。劉敬曰。此必能而示之不能。【註二十四】

又韓信曰。兵法不曰陷之死地而後生。置之亡地而後存乎。【註二

十五

呂氏春秋曰。若鷙鳥之擊也。摶攫則殪。【註二十六】

又曰。夫兵貴不可勝。不可勝在已。可勝在彼。聖人必在已者。

不必在彼者。【註卅七】

淮南子曰。高者爲生。下者爲死。【註二十七】

子十家註

敍

义曰。同舟而濟於江。卒遇風波。捷梓抬杼船若左右手。【註世八】 子十家 莊 敍 錄 二四

义曰。卒如雷霆。疾如風雨。若從地出。若從天下。【註三十】 义曰。主孰賢。將孰能。【註二十九】

义曰。勇者不得獨進。怯者不得獨退。【註三十二】 ·。不襲堂堂之寇。不擊塡塡之旗(註三十二)

义日

又曰。是故令之以文。齊之不武。是謂必取。【註三十四】

义曰。如決積水於千仞之隄。若轉員石於萬丈之谿。【註三十三】

义曰。疾如彍弩。勢如發矢。【註三十五】 。晝則多旌。夜則多火。【註三十六】

叉目 。避實就虛。若驅羣羊。【註三十七】

义曰。故曰無恃其不吾奪也。恃吾不可奪。【註三十八】

又曰。飢者能食之。勞者能息之。有功者能得之。【註三十九】

潛夫論曰。將者民之司命。而國安危之主也。【註四十二】

又曰。其敗者。非天之所災。將之過也。【註四十三】 【註六】語本九地篇 【註七】語本行軍篇 【註八】語出勢篇 【註九】語意本謀攻篇 字誤當作採 【註一】按何氏引此文亦云兵法曰即知問答之詞亦在八十二繑之內也 【註二】按牧 【註三】語本孫子軍政篇 【註四】語意本行軍篇 【註五】語出計篇

【二十三】語出九地篇 【註二十四】語出計篇 意本地形篇 三】語意本軍爭篇 【註十四】語意本行軍篇 【註十五】語出行軍篇 【註十六】語 【註十】語意本九變篇 【註十一】語出軍爭篇 【註十二】語意本軍爭篇 【註十 【註二十】語出勢篇 【註二十一】語本謀攻籍 【 註二十二】語出謀攻稿 【註十七】謀意本謀攻篇 【註十八】語意本形然 【註十九】語意本軍 【註二十五】語出九地結 【註二十

<u>_</u>

孫子十家註

敍錄

錄

六】語出勢篇]語本九地篇 【註二十七】語出形篇 【註二十八】語本計篇及行軍篇 【註二十九 【註三十】語本計篇 【註三十一】語本軍爭及形篇 【註三十二】語

出軍爭篇 【註三十三】語出軍爭篇 【註三十四】語本勢篇 【註三十五】語出行軍

【註三十九】語本九變篇 【註四十】語意本虛實篇【註四十一】語本數篇 【註三十六】語本勢篇 【註三十七】語本軍爭篇 【註三十八】語出勢篇及九地

按孫子惟爲古書。故先秦兩漢。多述其文。東漢以後。諸傳記 四十二】語出作戰篇 【註四十三】語出地形篇

孫子曰。不知三軍之事。而同三軍之政。則軍士惑矣。不知三軍 之權。而同三軍之任。則軍士疑矣。 所徵引者。更不可以悉舉。乃陳氏忽疑其書。並疑其人何也。

按孫子古書。多存古義。今略舉數事。以祛陳氏之惑。按同有

冒義。故字從闩也。釋言云。弇蓋也。弇同也。是同有覆旨之

義也。同三軍之政。同三軍之任者。猶言奄有其政。奄有其任

也。此古訓不作同異解。向來注者殊夢夢。

也。 义按尚書。太保奉同瑁。馬氏以同瑁爲一物。天子所執玉瑞名

孫子曰。恵秆一石。當吾二十石 按意說文作糞。,豆稭也。其忌聲同。故又作意也。詩云。夜如

鬯弓忌。是也。此其作意者。春秋己後或體字也。字書皆缺載

何其。其語助。以聲同。又偕忌爲之。詩又云。抑釋棚忌。抑

孫子曰。朝氣銳。晝氣惰。暮氣歸。

按廣雅。歸息也。列子云。鬼歸也。又云。占者謂死人爲歸人 0 是歸乃滅息之義也。左氏一鼓作氣。再而衰。三而竭。竭虚

子十家註

敍 錄

正與減息義相發明。今杜佑等欲歸釋之。言若七卒暮而欲歸 孫 子 --家 註 敍 錄 0

孫子曰。爲兵之事。在於順詳敵之意。

不明古義。疏矣

o

按曹注曰。佯愚也。是以詳爲佯。古通用字也。

孫子曰。不得已則鬥。 按書内鬥字皆如此。說文云。鬥兩七相對。兵杖在後。象鬥形

孫子曰。勵於廟堂之上。以誅其事。 也。今諸書皆假鬭爲之。鬥字弗著于篇矣。

可假借為之。猶且得為此。期得為近。折得為斯之類。是也 他字書皆不載。 按說文。誅討也。討治也。故誅亦得爲治也。又誅治聲近。故

-

孫子曰。絕水必遠水。

留。言過斥澤則不可處軍。必亟去之勿留也。爾雅曰。正絕流 依谷。言過山而處軍。必依於谷也。又云。絕斥澤。唯亟去勿 按絕者越也。言過水而處軍。則必遠於水也。故上文云。絕山

是鄭固以絕為越也。至孔穎達則云。水以流爲順。橫渡則絕其 雅以衣涉水為厲是也。詩云。涉渭為亂。鄭君云。絕流而南 曰亂。正絕流。猶言直渡水也。其名爲亂者。亦厲之意。卽爾

盛守者。皆其淺者也。所簡守。皆其深者也。是絕訓爲越之證 流。是爲隔絕之義。唐人不達古訓。無足怪也 章子令人視水可絕者。有芻水旁者曰。水淺深易知。荆人所 叉呂氏春秋日

孫子十家註 敍 錄

也

二九

又按此古訓諸字書皆缺 孫 子 + 家 載

註

敍

錄

孫子曰。將者君之輔也。輔周則國必强。輔隙則國必弱

故云 則强 按周 者 0 不能周則弱也。今實氏以才周其國釋周字,以內懷其武 圍師必闕。圍者周 。無缺也。隙者。有缺也。周隙相對言之。古語之常 也。闕者隙也。此言將之智勇 0 能

周

孫孒曰。犯三軍之衆。若使一人。

釋隙字。不明對文之義

7。疏矣

0

犯字 以言。犯之以利。勿告以害。若以用釋之。下文不可通矣 爲動。魏武不明於聲音訓詁之源流。以用釋犯。旣不經見。妄 曹注謂犯爲用非。當云犯動也。故下文云。犯之以事。勿告 本 無用意 。蓋凡文字皆有本訓。有轉訓。犯爲侵。故又得 。叉

孫子曰。是故方馬埋輪。不足恃也。為之說。謬已。

於方人之義。率臆改之。非鄭原本也。 鄭本方作謗。按此似唐以後人不明注意。以爲言人過悪。無當 人。 木方版以爲舟楫。言併其版。亦拘縛之意也。又爲法爲所。 舟曰維舟。繁併兩舟曰方舟。故方又有併義 其頭。謂聚束兩船之頭也。爾雅諸俟維舟。大夫方舟。維繫四 按方者。繫縛之也。曹注 。遊必有方。是方爲所。亦繫定之意也。論語又曰。子貢方 鄭注 。謂言人過恶。言以禮法拘縛人也。陸德明釋文云。 。方。縛也。是已 。說文方象兩舟總 。呂氏春秋曰。窬

綸

孫

子

义按書內古義。多不經見。而精當不可移易。眞古書也。後之 子 +

孫

家 註

敍 錄

Ξ

經則云 考孫子兵法形篇云。兵法。一曰度。二曰量。三曰數。四曰稱 議之。謬之謬矣。 爲字書者。以其兵家言。不悉置意。故多漏略。陳氏不察而妄 起於粟。凡大數之法。萬萬曰億。篇首卽以度量數稱四事。分 义按今所傳孫子算經三卷。無名字。宋史藝文志云。不知名 又中興書目云。或云。五曹算經。出于孫武。按此所說是也。 爲四節。與他算書不同。則斷知其爲孫武之書無疑也 。五曰勝。地生度。度生量。量生數。數生稱。稱生勝 。度之所起。起於忽。稱之所起。足於黍。量之所起。

。而算

五曹者。一爲田曹。地利爲先也。旣有田疇。必資人力。故次

兵曹。人衆必用食飲。次集曹衆既會集。必務儲蓄。次倉曹。 倉廩貨幣相交質。次金曹。而其意則以兵爲要。田疇食幣。皆

爲兵用也。又按夏侯陽算經曰。田曹云。度之所起。起於忽。

孫子篇卷異同 漢藝文志兵權謀家。吳孫子兵法八十二篇。圖九卷。 固知其爲一人之書也。書目之言。信足徵已。 倉曹云。量之所起。起於粟。以孫子算經之文而謂之五曹。則

平御覧所引是也。外又有牝八變陣圖。戰鬥六甲兵法。俱見隋 文是也。一爲八陣圖。鄭注周禮引之是也。一爲兵法雜占。太 法是也。其一爲問答若干篇。旣見闔閭所作。卽諸傳記所引遺 按八十二篇。其一爲十三篇。未見闔閭時所作。今所傳孫子兵 子十家註 敍

敍 錄

孫 子

七錄孫子兵法三卷。史記正義曰。案十三篇爲上卷。又有中下二 之內也。 經籍志。又有三十二壘經。見唐藝文志。按漢志。惟云八十二 篇。而隋唐志於十三篇之外。又有數種。可知其具在八十二篇

案此孫子本書無注文。其云义有中下二卷。則唐時故書猶存

隋書經籍志兵部, 孫子兵法二卷。 吳將孫武撰。魏武注三卷。 不僅今所傳之十三篇也。 又按所云三卷者。蓋十三篇爲上卷。問答之辭爲中下卷也。其 按宋藝文志。有孫武孫子三卷。朱服校定孫子三卷。卽此也。 八陣圖雜占諸書。則別本行之。故隋唐志諸書。亦皆別出。又

【註1】孫子兵法一卷。魏武王凌集解。 【註1】孫武兵經二卷。張

六)又孫子八陣圖一卷亡。(註七)吳孫子牝八變陣圖一卷。(註八)孫 兵法二卷。孟氏解詁。(註五)孫子兵法一卷。吳處士沈友撰。 【註 子尚注。【莊三鈔孫子兵法一卷。魏太尉賈詡鈔。【莊四】梁有孫子

子兵法雜占四卷【註九】梁有孫子戰鬪六甲兵一卷。【註十】

【註一】諸書皆云三卷惟晁氏讀書志以爲一卷文獻通考因之 【註二】諸書無著錄惟 七】亦見通志略 【註八】見通志略 【註九】見通志略 【註十】諸書皆不著錄 五】亦見唐志及通志略 【註六】見唐志及通志略唐志云三卷通志略云二卷 通志略有之 【註三】通志略云三卷諸書無錄 【註四】諸書無錄通志略有之

新唐書藝文志兵書類。魏武注孫子三卷。 沈友注孫子三卷。 孫子三十二壘經一卷。【註二】李筌注孫子二 卷。【註二】杜牧注孫子三卷【註三】陳瞻注孫子一卷。【註四]賈林注孫 孟氏解孫子二卷。

敍

二卷。【註五】

孫子十家註

敍錄

略及宋史皆云一卷 【註三】通志略云一卷案杜牧注最為詳贍故諸書皆錄為三卷作 【註一】通志略作三十三壘經濟字誤 【註二】晁氏讀書志作三卷文獻通考因之通志

按唐志义有兵書捷要七卷。孫武撰。此字誤。當云魏武也。見

一卷者誤 【註四】晁氏志云三卷通考因之 【註五】晁氏志無錄文獻通考同

隋志及通志略。

郡齋讀書志兵家類。魏武注孫子一卷。李筌注三卷。杜牧注三卷 陳皞注三卷。紀變注三卷。梅樂俞注三卷。【莊二】王督注主三

卷。【註三何氏注三卷。【註三】

【註一】宋志無錄通志略云一卷 【註二】宋志無錄 【註三】朱志無錄通志略云一卷

又晁氏云未詳其名近代人也按何氏名延錫通志略

直齋書錄解題兵書類。孫子三卷。漢志八十一篇。魏武削其繁冗

· 定為十三篇。 杜牧之注孫子三卷

通志兵略。孫子兵法三卷。吳將孫武撰魏武注。又一卷。魏武王 按書錄解題。惟載曹杜二家注。他書皆未及見也。

凌集解。又二卷蕭吉注。【註二】又二卷孟氏解詁。又二卷吳沈友 撰。又一卷唐李筌撰。又一卷唐杜牧撰。又一卷唐陳暐注。又一

皙注。一叉卷梅堯臣撰。孫武兵經三卷張子尚注。鈔孫子兵法一 卷唐賈林注。又一卷何延錫注。又一卷張預注。【註三】又三卷王

卷。魏太尉賈詡鈔。續孫子兵法二卷。魏武撰。孫子遺說一卷。 鄭友賢撰。右兵書。孫子八陣圖一卷。吳孫子牝八變陣圖二卷。 右營陣。吳孫子三十三疊經一卷。孫子兵法雜古四卷。右兵陰陽。

子上家註 一敍 錄

孫

隋唐志無錄 【註二】宋志無錄

Æ

敍 鉄

文獻通考。魏武注孫子一卷。李筌注二卷。杜牧注三卷。陳皞注

三卷。紀燮注三卷。梅聖俞注三卷。王哲注三卷。何氏注三卷。

宋史藝文志兵書類。孫武孫子三卷。朱服校定孫子三卷。魏武注 按通考所錄。悉本晁公武讀書志。

孫子三卷。蕭吉注孫子一卷。或題曹蕭注。賈林注孫子一卷。陳

• 注孫子一卷。宋奇孫子解。幷武經簡要二卷。 【註二】李筌注孫

子一卷。五家注孫子三卷。魏武杜牧陳皞賈林孟氏。杜牧孫子注 三卷。曹杜注孫子三卷。吉天保十家孫子會注十五卷。【註二】

四家注志內皆不著錄 【註一】諸書皆不著錄 【註二】按今本十三篇爲十三卷又按梅堯臣王晳何延錫張預

杜牧曰。孫武書數十萬言。魏武削其繁剩。筆其精粹。成此書 0 按孫子十三篇者 。出於手定。史記兩稱之。而杜牧以爲魏武

筆削所成 。誤已

卷。 晃公武曰。唐李筌以魏武所解多誤。約歷代史依遁甲。注成三

論兵。欲試而不得者。其學能道春秋戰國時事。甚博而詳 不釋 叉曰。唐杜牧以武書大略。用仁義。使機權。曹公所注解。十 。蓋惜其所得自爲新書爾。因備注之。 世謂牧慨然最喜 。 知

叉日 。唐陳皡以曹公注隱徽。杜牧注闊疎。重爲之注

兵者有取焉

o

叉日 孫 。唐紀燮集唐孟氏賈林杜佑三家所解 子 + 家 註 敍 錄

三九

歐陽修曰。世所傳孫子十三篇。多用曹公杜牧陳皞注。號三家 孫 子 + 註 敍 鐰

晃公武曰。王晳以古本校正闕誤。又爲之注。仁廟天下承平。 又曰。三家之注。皡最後。其說時時攻牧之短。

按今孫子集注。本由華陰道藏錄出。卽宋吉天保所合十家注也 人言兵矣。故本朝注解孫武書者。大抵皆當時人也。 人不習兵。元昊旣叛。邊將數敗。朝廷頗訪知兵者。士大夫人

。十家者。一魏武。二李筌。三杜牧。四陳皡。五賈林。六孟

十家本內。又有杜佑君卿注。案杜佑乃作通典。引孫子語而訓 氏。七梅堯臣。八王晳。九何延錫。十張預也。

釋之。非注也。通典引孫子曰。利而誘之。親而離之。注云。

以利誘之。使五閒幷入。辯士馳說。親彼君臣、分離其形勢 若秦遣反閒誑趙使。廢廉頗而任趙奢之子是也。考利而誘之。 親而離之二語。孫子本文不相屬。通典摘引之。又爲之注

。求

0

又按杜佑注例 其意義。幾成一事。與孫子句各爲義者。異已 。每先引曹注。下附已意。故前之所説。後或不

同也。

又杜佑注。自引用曹注之外。亦或閒引孟氏 0

氏之前。今改正 杜佑雖非為孫子作注。然旣引用其文。不當次于賈林之後 于陳皡賈林之後誤也。今改正。晁公武以爲唐人亦誤也 又按十家注 子 十家註 。自魏武之後 。次孟氏。又按杜牧者佑之孫也。原本列牧于 敍 銋 。孟氏爲先。見隋書經籍志。原本次

。叉按

。梅

又孫子道藏原本題曰集注。大興朱氏本題曰注解。今改爲孫子

孫 子

+

家 註

敍 錄

佑前。大謬 ٥

家注。從宋志也

又道藏本有鄭友賢孫子遺說一卷。見通志藝文略。今仍原本。

附刻於後。

孫子篇目

計篇第

作戰篇第二

謀攻篇第三

行軍篇第九

勢篇第五

軍爭篇第七

虚實篇第六 形篇第四

地形篇第十 九變篇第八

用間篇第十三 九地篇第十一

四三

孫子敍錄篇卷考卷終

孫 子 十家

淮

敍 長

四四四

賜進士出身署萊州府知府候補同知吳人驥同校賜進士及第署山東提刑按察使升巡兗沂曹濟黃河兵備道孫皇衎 言篇也太乙遁甲先以計神加德宮以斷主客成敗故孫子論兵亦以計爲篇首 杜計篇曹公曰計者選將量敵度地料卒遠近險易計於廟堂也 李筌曰計者吳之上

事計算優劣然後定勝負勝負旣定然後奧師動衆用兵之道莫先此五事故著爲篇首收曰計算也曰計算何事曰下之五事所謂道天地將法也於廟堂之上先以彼我之五 後兵出境板用兵之道以計為首也或曰兵貴臨敵制宜曹公謂之於廟堂者何也曰. 王晳曰計者謂計主將天地法令兵衆士卒賞罰也. 張預曰管子曰計先定於內

而耳

孫子日 。兵者國之大事。

於將之所裁非可以喻於也將之賢愚敵之强弱地之遠近兵之衆寡安得不先計之及乎兩軍相臨變動相應則在

杜牧曰 故講武練兵 0 傳曰 。國之大事 。實先務也 0 在祀與戎 0

o

張預曰。國之安危在

死生之地 兵 0 。存亡之道 o 不可不察也。

孫

子

+ 家

詳

卷

孫

÷

+ 家

註

卷

者也 李筌日 失其便則死 賈林曰。地猶所也。亦謂陳師振旅戰陳之地。得其利則生 。杜牧日 0 兵者凶器 。國之存亡。人之死生。皆由於兵。故須審察也 故日死生之地。 0 死生存亡繫於此矣。是以重之。恐人輕行 道者 權機立勝之道。得之則

兆於此 有亡道者。推之亡之。 0 ٥ 則國之存亡見於彼。然死生曰地。存亡曰道者。以死 王哲曰。兵舉則死生存亡繫之。 梅聖兪曰。地有死生之勢。 張 預曰。民之死生 戰有存

存。失之則亡。

故曰不可不察也。書曰

。有存道者。

輔而固之

o

0

故經之以五校之計 生在勝賢之地。 而存亡繁得失之道也 。 而索其情。(註一) 。得不重慎審察乎

有核之以計句故臆改之也按本書言兵之所重在計故云総之以五校之計也且五事與【註一】通典古本如此今本作經之以五專校之以計益後人因注內有五事之言又下文

計自一事原非截然兩端今因注內五事之言而改其文然則下文又有七事之語又可臆

曹公曰。謂下五事。彼我之情。【註二】李筌曰。謂下五事也。 改為七計平從通典

校量也。量計遠近。而求物情以應敵。

杜牧曰。經者。經度

也。五者。卽下所謂五事也。校者。校量也。計者。卽篇首計

算也。索者。搜索也。情者。彼我之情也。此言先須經度五事 之優劣。次復校量計算之得失。然後始可搜索彼我勝負之情狀

賈林曰。校量彼我之計謀。搜索兩軍之情實。則長短可知

道天地將法耳。就而校之以七計。然後能盡彼己勝貧之情狀也 經常也。又經緯也。計者謂下七計。索盡也。兵之大經。不出 。勝貿易見。 梅堯臣曰。經紀五事。校定計利。 王晳曰

子十家註

,

【註一】原本作謂下五事七計求彼我之情也按此亦後人臆增從通典御覽改正

張預曰。經。經緯也。上先經緯五事之次序。下乃用五事。以

校計彼我之優劣。探索勝負之情狀。

日道。

杜佑曰。德化。【註二張預曰。恩信使民。

【註一】據通典補下四句同

二日天。

杜佑曰。惠覆。 張預曰。上順天時。

杜佑曰。慈愛。 張預曰。下知地利。

三日地

四

四日 將

0

杜 化日 。經略。 張預曰。委任賢能

日五法

杜佑曰制作。

杜牧曰。此之謂五事也。

王晳曰。此經之五

舉兵伐罪。廟堂之上。先察恩信之厚薄。後度天時之逆順。次 此之謂矣。 具。然後議舉兵。兵舉必須將能。將能然後法修。孫子所次。 張預曰。節制嚴明 。夫將與法在五事之末者。凡

事也。夫用兵之道。人和爲本。天時與地利。則其助也。三者

審地形之險易。三者已熟。然後命將征之。兵旣出境。則法令

從於將。此其次序也。

道者。令民與上同意也。(註一) 採 子十家註 卷

六

所謂命民與上同意之道也 所謂命民與上同意之道也 。悅

故可與 以犯難 張預曰。以恩信道義撫衆。則三軍一心。樂爲上用 0 民忘其死 0 。易日

通典引民作人避唐諱危作倪字之誤也【註一】原本作可以與之死可以與之生而不畏危令據通典北堂書鈔太平御覽改正又 ()之死 。可與之生。而民不畏危。【註二】

疑 曹公曰。謂道之以敎令。危者。危疑也 。謂始終無二志也。一作人不危。道謂道之以政令。齊之以 o 孟氏曰 。一作人不

禮教 道 。大道廢而有法 0 故能化服民志 。法廢而有權。權廢而有勢。勢廢而有術 0 與上下同一 也。故用兵之妙。以權術爲 o

其欲也。故以權術之道。使民上下同進趨 術廢而有數 。大謂淪替 。人情訛僞 。非以權數而取之 。同愛憎 。一利害 0 則不得

其君。輕爲之死。復對趙孝成王論兵曰。百將一心。 故與處存亡之難。不畏傾危之敗。若晉陽之圍。沈麤產蛙。人 令。齊之以禮敎也。危者。疑也。上有仁施。下能致命也。 若子之事父。弟之事兄。若手臂之掉頭目而覆胸臆也。如此始 卿。對曰。彼仁義者。所以修政者也。政修。則民親其上。樂 其同用。何亡之有。 杜牧曰。道者。仁義也。李斯問兵於荀 無叛疑心矣。 李筌曰。危。亡也。以道理衆。人自化之。得 可與上同意。死生同致。不畏懼於危疑。 杜佑曰謂導之以政 臣之於君也。下之於上也。若子之事父。弟之事兄。若手臂 。可與俱同死力。動而不至危亡也。臣之於君。下之於上。 孫子十家註 軍同力

故人心歸於德。得人之力。無私之至也。故百萬之衆。其心如

之掉頭目而覆胸臆也。如此始可令與上同意。死生同致。不

人同 懼於危疑也。 母 。視敵如仇讎者。非道不能也。黃石公云。得道者昌。失道 利 |共患。則士卒服。自然心與上者同也。使士卒懷我如父 陳皡註同杜牧。 賈林曰。將能以道爲心。與

者亡 能得民心也。夫得民之心者。所以得死力也。得死力也。所以 戾去。故主安與安。主危者與危。 ٥ 梅堯臣日 0 危。戾也。主有道則政教行 王哲曰。道。謂主有道。 。人心同則危

平 濟患難也。易曰。悅以犯難。民忘其死。如是則安畏危難之事 張預曰。 危。疑也。士卒感恩。死生存亡與上同之。决

然無所疑懼 0

0

天者 。陰陽寒暑時制也。【註一】

【註一】通典制上有節字誤御覽一引作節制一引作時制

者。剛柔盈縮也。用陰則沈虛固靜。用陽則輕捷猛厲。後則用陰 天有寒暑。兵有生殺。天則應殺而制物。兵則應機而制形。故曰 先則用陽 曹公曰。順天行誅。因陰陽【註一】四時之制。故司馬法曰。冬 夏不興師 0 陰無蔽也。陽無察也。陰陽之象無定形。故兵法天 。所以兼愛民也。 孟氏曰。兵者。法天運也。 陰陽 0

【註一】通典及御覽陰陽下有剛柔二字天也。

夏不興師 杜佑曰。謂順天行誅。因陰陽四時剛柔之制。故司馬法曰。冬 道遠 而 。所以兼愛吾人。岩細雨沐軍 無功。雲類羣羊。必走之道。氣如驚鹿。必敗之勢 。臨機必有捷。囘風相

孫子小

家註

氣雲出壘。赤黑臨軍。皆敗之兆。若烟非煙。此慶雲也。必 註

慎碑竈之徒。皆有著述。咸稱祕奧。察其指歸。皆本人事。準 背之類是也。今五緯行止。最可據驗。巫咸 【註三】 唐蒙史墨梓 膀。若霧非霧。是泣軍也。是知風之占。其來久矣。【註一】李 星經曰。歲星所在之分不可攻。攻之反受其殃也。左傳昭三十 筌曰。應天順人。因時制敵。 杜牧曰。陰陽者。五行刑德向

紀。歲星三周。三十六歲。故曰不及四十年也。此年歲在星紀 吳乎。越得歲而吳伐之。必受其凶。註曰。存亡之數。不過三 二年。夏吳伐越。始用師於越。史墨曰。不及四十年。其越有

所在之國分大吉。君令合於時。則歲星光嘉。年豐人安。君尙 秦。歲星聚於東井。秦政暴虐。失歲星仁和之理。違歲星恭肅 本色。芒角大小。隨爲禍福。各隨時而占之。淳風曰。夫形器 舉此二者。其他可知。況所臨之分。隨其政化之善恶。各變其 年。以此推之。歲爲善星。一福無道。火爲罰星。不罰有德。 而禍吳。秦之殘酷。天下誅之。上合天意。故歲星禍秦而祚漢 君。德均勢敵。闔閭輿師。志於吞滅。非爲拯民。故歳星福越 星所在。或有福德。或有災牂。豈不皆本於人事乎。夫吳越之 暴虐。令人不便。則歲星色芒角而怒。則兵起。由此言之。歲 之道。拒諫信讒。是故胡亥終於滅亡。復曰。歲星淸明潤澤。 。熒惑。罰星也。宋景公出一善言。熒惑移三舍。而延二十七

孫子十家註

著於下。精象係於上。近取之身。耳目爲肝腎之用。鼻口實心 子 十家註 卷

腹所資矣。彼此影響。豈不然歟。易曰。在天成象。在地成形。

刑德天官之陳。背水陳者爲絕紀。向山坂陳者爲廢軍。武王伐 變化見矣。蓋本於人事而已矣。刑德向背之說。尤不足信。夫 · 今可目覩者。國家自元和已後。至今三十年間。凡四伐趙寇 昭義軍加以數道之衆。常號十萬。圍之臨城縣。攻其南不拔 ?。背淸水向山坂而陳。以二萬二千五百人。擊紂之億萬之衆

國。豈天道二百年間。常在乾方。福德常居鶉首。豈不曰穆公 城堅池深。糧多人一哉。復以往事驗之。秦累世戰勝。竟滅六 內。東西南北。豈有刑德向背王相吉辰哉。其不拔者。豈不曰

攻其東不拔。攻其西不拔。其四度圍之。通有十歲。十歲之

。卑身趨士。務耕戰。明法令。而致之乎。故梁惠王問尉

而任能 言凶。卜筮不吉。星凶争災。請還師。太公怒曰。今紂剖比干 不待禱祀而福從 鬼神視之不見。聽之不聞。故智者不法。愚者拘之。若乃好賢 兵者。順天道未必吉。逆之未必凶。若失人事。則三軍敗亡。 德也。夫舉賢用能者。不時日而利。明法審令者。不卜筮而吉 不然。黃帝所謂刑德者。刑以伐之。德以守之。非世之所謂刑 繚子曰。黃帝有刑德。可以百戰百勝。其有之乎。尉繚子曰 貴功養勞者。不禱祠而福。周武王伐紂。師次於汜水共頭山 風雨疾雷 。舉事而得時。此不看時日而事利。不假卜筮而事吉 。鼓旗毁折。王之驂乘。惶懼欲死。太公曰。夫用 。遂命驅之前進。周公曰。今時太歲逆。龜灼

孫

子十家註

子十家註

囚箕子。以飛騰爲政。伐之有何不可。枯草杇骨。安可知乎

乃焚龜折著。率衆先涉。武王從之。逢滅紂。宋高祖圍慕容

會有風雨從賊後來。太史進曰。天不助人。將士飢渴。願趾避

之。崔浩曰。千里制勝一日。豈得變易。風道在人。豈有常也

孫子敍之。何也。答曰。夫暴君昏主。或爲一瑤一馬。則必殘 。帝從之。昌軍太敗。或曰。如此者。陰陽向背。定不足信。 甲子日亡。帝曰。周武豈不以甲子日興乎。崇無以對。逢戰破

之。後魏太武帝征夏赫昌於統萬城。師次城下。昌鼓噪而前。

日。我往彼亡。吉孰大焉。乃命悉登。遂克廣固。後魏太祖武

帝。討後燕慕容麟。甲子晦日進軍。太史令鼉崇奏曰。昔紂以

超於廣固。將攻城。諸將諫曰。今往亡之日。兵家所忌。高献

人所得知耶。其諸十數家紛紜。抑未足以取審矣。寒暑。若吳 雲氣象也。善消息之以助軍勝。然非異人特授其訣。則末由也 夏不興師。所以兼愛民也。王晳曰。謂陰陽總天道五行四時風 寒。馬無橐草。驅中國士衆。遠涉江湖。不習水土。必生疾病 寒暑時氣。節制其行止也。周瑜爲孫權數曹公四敗。 一曰今盛 人逞志。非以天道鬼神。誰能制止。故孫子敍之。蓋有深旨。 若黄石授書張良。乃太公兵法是也。意者豈天機神密 兵必參天道。順氣候。以時制之。所謂制也。司馬法曰。冬 讀時制爲時氣。謂從其善時。占其氣候之利也。 此用兵之忌也。寒暑同歸於天時。故聯以敍之也。 梅堯臣日 買林日 ・非常

子

註

云。天時不作。弗爲人客是也。 張預日。夫陰陽者。非孤虛

向背之謂也。蓋兵自有陰陽耳。范蠡曰。後爲用陰。先則用陽 盡敵陽節。盈吾而陰節奪之。又云。設右爲牝。益左爲牡

之陰陽。奇正者。天人相變之陰陽。此皆言兵自有陰陽剛柔之 早晏以順天道。李衞公解曰。左右者。人之陰陽。早晏者。天 用。非天官日時之陰陽也。今觀尉繚子天官之篇。則義最明矣

惑也。太公曰。聖人欲止後世之亂。故作爲譎書。以寄勝於天 。太白陰經。亦有天無陰陽之篇。皆著爲卷首。欲以决世人之

兵苟便於人事。豈以避忌爲疑也。寒暑謂冬夏興師也。漢征匈 道。無益於兵也。是亦然矣。唐太宗亦曰。凶器然甚於兵。行 奴。士多墮指。馬援征蠻。卒多疫死。皆冬夏興師故也。時制

亂之天時。非孤虛向背之天時也。 者。謂順大時而制征討也。太白陰經言天時者。乃水旱蝗雹荒

【註一】故司馬扶日以下原本無今據通典及太平御覽補 【註二】甘氏石氏

地者。遠近險易。廣狹死生也。

曹公曰。言以九地形勢不同。因時制利也。【莊二】論在九地篇 李筌曰。得形勢之地。有死生之勢。 梅堯臣曰。知形

易則能審步騎之利。知廣狹則能度衆寡之用。知死生則能識戰 勢之利害。凡用兵貴先知地形。知遠近則能爲迂直之計。知險

【註一】通典及御覽作制

散之勢也。

將者。智信仁勇嚴也。【註二】

孫

子十家

註

卷

【註一】按曆夫論引作智仁敬信勇嚴是漢時故書如此

十家註

曹公曰。將宜五德備。 丈人之稱也。 杜牧曰。先王之道。以仁爲首。兵家者流。用 智爲先。蓋智者機權。識變通也。信者使人不惑於刑賞也。仁 者愛人憫物。知勤勞也。勇者決勝乘勢。不逡巡也。嚴者以威 **戰智爲始。仁次之。勇次之。不智則不能知民之極。無以詮度** 刑肅三軍也。楚申包胥使於越。越王勾踐將伐吳。問戰焉。夫 天下之衆寡。不仁則不能與三雷 共飢勞之殃。不勇則不能斷疑 恃勇力則暴。令過嚴則殘。五者兼備。各適其用。則可爲將帥 以發大計也 梅堯臣曰。智能發謀。信能賞罰。仁能附衆。勇能果斷。 賈林曰。專任智則賊。偏施仁則固。守信則愚。 李筌曰。此五者。爲將之德。故師有

嚴能立威。

應機。非信不可以訓人率下。非仁不可以附衆撫士。非勇不可 可。故曹公曰。將宜五德備也。 不懼。能果穀也。嚴者。以威嚴肅衆心也。五者相須。闕一不 信者。號令一也。仁者。惠撫惻隱。得人心也。勇者。徇義 王晳曰。智者。先見而不惑。能謀慮。通權變也 何延錫曰。非智不可以料敵

。曲制官道主用也 五德皆備。然後可以爲大將。

預曰。智不可亂。信不可欺。仁不可暴。勇不可懼。嚴不可犯 以決謀合戰。非嚴不可以服强齊衆。全此五才。將之體也。張

法者

曹公曰。曲制者。部曲旛幟融鼓之制也。官者。百官之分也。

道者。糧路也。主用者。主軍費用也。【註一】李筌曰。曲。部 孫 子 十家 莊 卷

杜牧曰。曲者部曲

曲也。制。節度也。官。爵賞也。道。路也。主。掌也。用者 o 軍費用也。皆師之常法。而將所治也。 十家 註

卷

養。職守主張其事也。用者。車馬器械。三軍須用之物也。荀 卿曰。槭用有數。兵者以食爲本。須先計利糧道。然後興師 除伍有分畫也。制者金鼓。進退有節制也。官者。偏裨校列 各有官司也。道者。營陳開闔。各有道徑也。主者。管庫廝 梅堯臣曰。曲制。部曲隊伍。分畫必有制也。官道。裨校首

長。統率必有道也。主用。主軍之資糧。百物必有用度也。

王晳曰。曲眷。卒伍之屬。制者。節制其行列造退也。官者 羣吏偏裨也。道者。軍行及所舍也。主者。主守其事。用者。 凡軍之用。謂輜重糧積之屬。 張預曰。曲。部曲也。制。節

制也。官謂分偏裨之任。道謂利糧餉之路。主者職掌軍資之人 。用者計度費用之物。六者用兵之要。宜處置有其法。

以上五事。人人同聞。但深曉變極之理則勝。不然則敗。 曹公曰。同聞五者。將知其變極。卽勝也。【註一】 張預曰。

凡此五者。將莫不聞。知之者勝。【註一】不知者不勝。

【註一】御覽無知字非

【註一】原本作主君誤今從通典御覽改正

故校之以計。【註二】 而索其情。 【註一】通典上有用兵之道四字此意增也又御覽計字上有五字 【註一】原本誤於而索其情下今改正

曹公曰。索其情者。勝覓之情。

杜佑曰。索其勝負之情。索

孫子十家註

盡知也。言雖周知五事。待七計以盡其情也。 則敗。 知校量。計算彼我之優劣。然後搜索其情狀。乃能必勝。不爾 陳五事。自此而下。方考校彼我之得失。探索勝頁之情狀也。 賈林曰。書云。非知之艱。行之惟難。 張預日。上已 王晳曰。當

曰主孰有道。 【註一】據通典御覽補

杜牧曰。孰誰也。言我與敵人之主。誰能遠佞親賢。任人不疑

也。 梅堯臣曰。誰能得人心也。 王晳曰。韓信言項王匹夫

毫無所害。除秦苛法。秦民亡不欲大王王秦者是也。 之勇。婦人之仁。名雖爲霸。實失天下心。謂漢王入武關。秋 何氏日

之道也。若淮陰料項王。仁勇過高祖。而不賞有功。爲婦人之 曰。先校二國之道。誰有恩信之道。卽上所謂令民與上同意者 書曰。撫我則后。虐我則讎。撫虐之政。孰有之也。

將孰有能。

必先考之兩國之君主知能否也。【註三】 曹公曰。道德智能。【註一】杜佑曰。道德智能主君也。【註二】 若荀息料虞公。貪而好

杜牧曰。將孰有能者。上所謂智信仁勇嚴。若漢高祖料魏將柏 籫。宮之奇懦而不能强諫。是也。 主。必有智能之將。范增辭楚。陳不歸漢。卽其義也。【註四】 李筌曰。孰實也。有道之

孫子十家註 拳一

直不能當韓信之類也。

Ξ

孫

【註一】按御覽引校之以計作校之以五計五計者主孰有道將孰有能一

二四

也天地孰得二

道將孰有能爲一節兵衆孰强士卒孰練爲一節今杜佑注于兵衆士卒二句亦合解之然 也法令執行三也長來執强士卒執練四也賞罰執明五也故其注文各附正文而主執行

下今改正【註二】原本作主君也道道德也此台注者改之今從通典御覽訂正 則魏武解辨本詳其注意亦與杜佑同也道德智能四字旣統釋二句不當在主孰有道句 二】原本作兩國之君誰知誰否也據通典御覽改正 【註四】按李筌及杜佑注原本誤

附于主就有道句下今故正

八地孰得

曹公李筌並曰。天時地利。 杜佑曰。視兩軍所據 0 知誰得天 。 上

時地利 所謂遠近險易廣狹死生也。 ۵ 杜牧曰。天者 0 上所謂陰陽寒暑時制也。 梅堯臣曰。稽合天時。審察地利 地者

王晳同杜牧註。 張預曰。觀兩軍所舉。誰得天時地利。若

魏武帝盛冬伐吳。慕容超不據大帳。則失天時地利者也。

法令孰行。 【註二】發號出令。知誰能施行也。 【註二】 曹公曰。設而不犯。犯而必誅。杜佑曰。設而不犯。犯而必誅 杜牧曰。縣法設

預曰。魏絳戮揚干。穰苴斬莊賈。呂蒙誅鄉人。臥龍刑馬謖。茲 以法。一衆以令。 令。貴賤如一。魏絳戮僕。曹公斷髮是也。 王晳曰。孰能法明令便。人聽而從。 梅堯臣曰。齊衆 張

所謂設而不犯。犯而必誅。誰爲如此。

【註一】原本删去此八字今據通典御覽補 【註二】原本作校熟下不敢犯今從通典

孫子

十家註

卷

二 抗

兵衆孰强

杜牧曰。上下和同。勇於戰爲强。卒衆車多爲强。梅堯臣曰。

良。士勇兵利。聞皷而喜。聞金而怒。誰者爲然。 内和外附。 王晳曰。强弱足以相形而知。 張預日。車堅馬

杜佑曰。知誰兵器强利。士卒簡練者。故王子曰。士不素習。

士卒孰練。

當陳惶惑。將不素習。臨陳闍變。 國精粗。 張預曰。離合聚散之法。坐作進退之令。誰素閑習。 王晳曰。孰訓之精。 何氏曰。勇怯强弱。豈能一 梅堯臣曰。車騎閑習。孰

賞罰孰明

槪。

杜佑曰。賞善罰恶。知誰分明者。故王子曰賞無度。則費而無

堯臣曰。賞有功。罰有罪。 恩。罰無度。則戮而無威。 杜牧曰。賞不僭。刑不濫。 王晳曰。孰能實必當功。罰必稱

情。 馬法曰。賞不逾時。罰不遷列。於誰爲明 . **張預曰。當賞者雖仇怒必錄。當罰者雖父子不舍。又司** o

吾以此知勝預矣。

情。知勝覓所在。(莊一)賈林曰。以上七事。校彼我之政。則 曹公曰。以七事計之。知勝貧矣。 勝敗可見。 俱優。則未戰而先勝。七事俱劣。則未戰而先敗。故勝覓可預 梅堯臣曰。能索其情。則知勝頁。張預曰。七事 杜佑曰。以上七事。料敵

知也

【註一】振通典御覽補

子十家註

卷

註

將聽吾計。用之必勝。留之。將不聽吾計。用之必敗。去之

去。故春秋傳曰。允當則歸也。 彼自備護。不從我計。形勢均等。無以相加。用戰必敗。引而 吾計畫而勝。則留之。違吾計畫而敗。則除去之。杜牧曰。若 曹公曰。不能定計。則退而去也。 陳皡日。孫武以書千闔閭 孟氏曰。將。裨將也。聽

日聽用吾計策。必能勝敵。我當留之不去。不聽吾計策。必

此辭動之。謂王將聽吾計。而用戰必勝。我當留此也。王將不 言主而言將也。 十三篇。寡人盡觀之矣。其時闔閭行軍用師。多用爲將。故不 當貧敗。我去之不留。以此感動。庶必見用。故闔閭曰。子之 梅堯臣曰。武以十三篇千吳闔閭。故百篇以

聽我計。而用戰必敗。我當去此也。

王晳曰。將行也。用謂用兵耳。言行聽吾此計。用兵則必勝。

辭也。孫子謂今將聽吾所陳之計而用兵。則必勝。我乃留此矣 我當留行。不聽吾此計。用兵則必敗。我當去也。張預曰 將不聽吾所陳之計而用兵。則必敗。我乃去之他國矣。以此

辭激吳王而求用

計利以聽。乃爲之勢。以佐其外。

曹公曰。常法之外也。李筌曰。計利旣定。乃乘形勢之便也 佐其外,。常法之外也。 杜牧曰。計算利害。是軍事根本。 0

利害既見聽用。然後於常法外更求兵勢。以助佐其事也。 計其利。聽其謀。得敵之情。我乃設奇譎之勢以動之。 買

外者。或傍攻。或後躡。以佐正陳。 林日 梅堯臣曰。定計於內。

孫

子十家註

卷

以佐其外。 為勢於外。以助成勝。王晳曰。吾計之利己聽。復當知應變。 當復爲兵勢。以佐助其事於外。蓋兵之常法。卽可朔舊於人。 張預曰。孫子又謂吾所計之利。若已聽從。則我

勢者。因利而制權也。 兵之勢利。須因敵而爲。

之利。或因敵之利。見我之害。然後始可制機權而取勝也。 曹公曰。制由權也。權因事制也。李筌曰。謀因事勢。杜牧曰 。自此便言常法之外勢。夫勢者不可先見。或因敵之害。見我

張預日。所謂勢者。須因事之利。制爲權謀以勝敵耳。故兵者 。不能先言也。自此而後。 略言權變。

梅堯臣曰。因利行權以制之。 王晳曰。勢者。乘其變者也。

兵者。詭道也。

爲道。若息侯誘蔡。楚子謀宋也【註二】李簽曰。兵不厭許。 曹公曰。兵無常形。以詭詐爲道。杜牧曰。兵無常形。以詭詐

者所以求勝敵。御衆必以信也。 然其取勝必在詭詐。故鬼柴揚麈。欒枝之譎也。萬箸齊發。孫 張預日。用兵雖本於仁義。

非譎不可以行權。非權不可以制敵。王晳曰。詭

梅堯臣曰。

騰之奇也。千牛俱奔。田單之權也。囊沙壅水。准陰之詐也。

此皆用詭道而制勝也

【註一】據御覽補

故能而示之不能。 張預曰。實强而示之弱。實勇而示之怯。李牧敗匈奴。孫臏斬 孫子十家註

龐涓之類也

孫 子

莊

农

用而示之不用。

龐涓。李筌曰。言已實用師。外示之怯也。漢將陳豨反。連兵 匈奴。高祖遣使十輩視之。能言可擊。復遣劉敬。報曰。匈奴 杜佑曰。言已實能用師。外示之怯也。 [註二] 若孫臏滅竈而制

不可擊。上問其故。對曰。夫兩國相制。宜矜誇其長。今臣往 。齊虜以口舌得官。今妄沮吾衆。械擊敬廣武。以三十萬衆至 。徒見羸老。此必能而示之不能。臣以爲不可擊也。高祖怒曰

必有應。傳曰。鷙鳥將擊。必藏其形。如匈奴示羸老於漢使之 杜牧曰。此乃詭詐藏形。夫形也者。不可使見於敵。敵人見形 白登。高祖爲匈奴所圍。七日乏食。此師外示之以怯之義也

義也。 。衆示寡。進示退。速示遲。取示捨。彼示此。 王晳曰。强示弱。勇示怯。治示亂。實示虛。智示愚 何氏曰。能

īE.

之退。欲速而視之緩。班超擊莎車。趙奢破秦軍之類也。

註一)原本作言已質能用外示之以不能用使敵不我備也據此後人所改今從御覽訂

用者。李牧按兵於雲中。大敗匈奴是也。

張預曰。欲戰而示

而示之不能者。如單于贏師誘高祖圍於平城是也。用而示之不

近而示之遠。遠而示之近。

杜佑曰。欲進而之去道也。言多宜設其近。【註二】誑耀敵軍。

【註二】李筌曰。令敵失備也。漢將韓信。虜魏王豹。初陳舟欲 示之以遠。本從其近。若韓信之襲安邑。陳舟臨晉而渡夏陽

孫子十家註

卷

渡臨晉。乃潛師浮木爨。從夏陽襲安邑。而魏失備也。耿弇之

吳至黎陽。將渡河。曹公北敦延津。荀攸曰。今吳少不敵。分

渡於夏陽。此乃示以近形而遠襲敵也。後漢未。曹公袁紹相持 示以遠去之形。欲遠襲敵。必示以近進之形。韓信盛兵臨晉而

官渡。紹遣將郭圖,于瓊顏良等攻東郡太守劉延於白馬。紹引

兵襲白馬。掩其不備。顏良可擒也。公從之。紹聞兵渡即留。 兵勢可。公致兵延津。將欲渡兵向其後。紹必西應之。然後輕

分兵西應之。公乃引趨白馬。未至十餘里。良大驚來戰。使張

也。賈林曰。去就在我。敵何由知。

梅堯臣曰。使不其能測

遼關羽前進擊破。斬顏良。解白馬圍。此乃示以遠形而近襲敵

征張步。亦先攻臨淄。皆示遠勢也。善杜牧曰。欲近襲敵。必

何氏曰。遠而示之近者。韓信陳舟臨晉而渡

欲近襲之。反示以遠。吳與越夾水相拒。越爲左右句卒。相去 夏陽是也。近而示之遠者。晉侯伐虢假道于虞是也。張預曰。 襲之。吳大敗是也。欲遠攻之。反示以近。韓信陳吳臨晉而渡 各五里。夜爭鳴鼓進。吳人分以禦之。越乃潛涉。當吳中軍而 。王晳同上註。

於夏陽是也。 【註一】原本作欲近而設其遠也欲遠而設其近也按此後人改之以牽合二句群義接今 從御覽訂正 【註二】陳舟句原本删去今從御覽補

利而誘之。

杜牧曰。趙將李牧。大縱畜牧人衆滿野。匈奴小入。佯北不勝 以數千人委之。單于聞之大喜。率衆大至。牧多爲奇陳。左

孫子十家註 三 王

有形。我所以因形制勝也。

請無扞釆樵者以應之。於是絞人獲楚三十人。明日絞人爭出。 曰。示以小利。誘而克之。若楚人伐絞。莫敖曰。絞小而輕。 何氏曰。利而誘之者。如赤眉委輜重而餌鄧禹是也。 張預 梅堯臣日。彼貪利則以貨誘之。

李筌曰。敵貪利。必亂也。秦王姚興征秃髮傳檀。悉驅部內牛

驅楚役徒於山中。楚人設伏兵於山下而大敗之是也。

亂而取之。

將掩而擊之。大敗秦人。斬首七千餘級。亂而取之之義也 羊散放於野。縱秦人虜掠。秦人得利。旣無行列。傉檀陰分十 杜牧曰。敵有昏亂。可以乘而取之。傳曰。兼弱攻昧。取亂侮

亡。武之善經也。 賈林曰。我令姦智亂之。候亂而取之也。

梅堯臣曰。彼亂則乘而取之。王晳曰。亂爲無節制。取言易也 千。示不整而誘越。罪人或奔或止。越人爭之。爲吳所敗是也 言敵亂而後取者。是也。春秋之法。凡書取者。言易也。魯 張預曰。詐爲紛亂。誘而取之。若吳越相攻。吳以罪人三

實而備之。

師取邿是也。

欲圍魏之樊城。懼吳將呂蒙襲其後。乃多留備兵守荆州。蒙知 曹公曰。敵治實。須備之也。 李筌曰。備敵之實。蜀將關羽

子十家註

杜牧曰。對壘相持。不論虛實。常須爲備

其旨。遂祚之以疾。羽乃撤去其備。兵遂爲蒙所取。而荆州沒

吳。則其義也。

臼。彼敵但見其實。而未見其虛之形。則當蓄力而備之也 信。士卒精練。卽須備之。不待交兵。然後爲備也。 也。李靖軍鏡曰。觀其虚則進。見其實則止。 虚也。言敵人兵勢旣實。則我當爲不可勝之計以待之。勿輕舉 張預曰。經曰。角之而知有餘不足之處。有餘則實也。不足則 彼實則不可不備。 此言居常無事。鄰封接境。敵若條政治實。上下相愛。賞罰明 。敵若不動。完實謹備。則我亦自實以備敵也。 梅堯臣曰。 王晳曰。彼將有以擊吾之不備也。 陳寧日

何氏

强而避之。

當退避。以何其虛懶。變而應之。

曹公曰。避其所長也。

杜佑曰。彼府庫充實。士卒銳盛。則

李筌曰。量力也。楚子伐

閲隙而擊之。晉末嶺南賊盧循徐道覆乘虛襲建鄴。劉裕禦之曰 所長。言敵人乘兵强氣銳。則當須且囘避之。待其衰懈。候其 也。不從。隨師敗績。隨侯逸。攻强之敗也。 杜牧曰。逃避 當避之。不可輕肆也。若秦晉相攻。交綏而退。蓋各防其失敗 正正之旗。無擊堂堂之陳。言敵人行陳修整。節制嚴明。則我 日。敵兵精銳。我勢寡弱。則須退避。 張預日。經曰。無邀 弱制强。理須待變。 梅堯臣曰。彼强則我當避其銳。 焚舟直上。循以爲不可。乃泊於薬洲。竟以敗滅 - 賈林曰。以 。右無良焉。必敗。偏敗。衆乃攜矣。少師曰。不當王。非敵 賊若新亭直上。且當避之。囘泊蔡州。乃成擒耳。徐道覆欲

隨。隨之臣季梁曰。楚人上左。君必左。無與王遇。且攻其右

也。

怒而撓之。

曹公曰。待其衰懈也 將之多怒者。權必易亂。性不堅也。漢相陳平謀撓楚。權以 孟氏曰。敵人盛怒。當屈擾之。李筌曰

太牢具進楚使。驚是亞父使邪。乃項王使邪。此怒而撓之者也

杜牧曰。大將剛戾者。可激之令怒。則逞志快意。志氣撓

亂。不顧本謀也。 王晳曰。敵持重。以激怒則撓之。 梅堯臣曰。彼藊易怒則撓之。使憤急輕戰

曰。寬不可激而怒。言性寬者則可激怒而致之也。 志氣撓惑。則不謀而輕進。若晉人執宛春以怒楚是也。尉繚子 漢兵擊曹咎於汜水是也。 張預曰。彼性剛忿則辱之。令怒 何氏曰。怒而撓之者

卑而驕之。

杜佑曰。彼其舉國輿師。怒而欲進。則當外示屈撓。以高其志

之與智。示之猶卑。靜而下之。 。俟惰歸。娶而擊之。故王子曰。善用法者。如狸之與鼠。力 李筌曰。幣重而言甘。其

不小。後趙石勒稱臣於王浚。左右欲擊之。浚曰。石公來。欲

言上禮。實以塡諸待巷。使浚兵不得發。乃入薊城。擒浚於廳 奉我耳。敢言擊者斬。設饗禮以待之。勒乃驅牛羊數萬頭。聲

斬之而幷燕。卑而驕之則其義也 東胡强。使使謂冒頓曰。欲得頭曼時千里馬。冒頓以問羣臣 杜牧曰。秦末匈奴冒頓初立

愛一馬乎。遂與之。居頃之。東胡使使來曰。願得單于一關 羣臣皆曰 。千里馬。國之寶。勿與。冒頓曰。奈何與人鄰國

四

孫

子十家註

卷

不與亦可。冒頓大怒曰。地者國之本也。本何可與。諸言與者 有棄地千里。吾欲有之。冒頓問羣臣。羣臣皆曰。與之亦可。 曰。與人鄰國。愛一女子乎。與之。居頃之。東胡復曰。匈奴 氏。頓問羣臣。皆怒曰。東胡無道。乃求閼氏。辭擊之。冒頓

謀也。 所欲必無所顧恡。子女以惑其心。玉帛以驕其志。范蠡鄭武之 皆斬之。冒頓上馬。令國中有後者斬。東襲東胡。東胡輕冒頓 北。皆所以令其驕怠。吳子伐齊。越子率衆而朝。王及列士皆 南。北侵燕代。悉復收秦所使蒙恬所奪匈奴地也。 驕之。彼不虞我而擊其閒。 。不爲之備。冒頓擊滅之。冒頓遂西擊月氐。南幷樓煩白羊河 梅堯臣曰。示以卑弱。以驕其心。王晳曰。示卑弱以 **張預曰。或卑辭厚賂。或嬴師佯** 陳皡日。

伐庸。七遇皆北。庸人曰。楚不足與戰矣。遂不設備。楚子乃-有賂。吳人皆喜。惟子胥懼曰。是豢吳也。後果爲越所滅。楚

爲二隊以伐之。遂滅庸。皆其義也。伐庸。七遇皆北。庸人曰。楚不足與

佚而勞之。 【註二】

【註一】御覽作引而勞之親而離之下又有佚而勞之四字按本文誘與取爲韻備與避爲

爲三師以肆焉。我一師至。彼必盡衆而出。彼出我歸。亟肄以 勞之者。善功也。吳伐楚。公子光問計於伍子胥。子胥曰。可 一本作引而勞之。 曹公曰。以利勞之。 韻撓驕與勞爲韻不應于親而離之下復重出也 李筌曰。敵佚而我

疲之。多方以誤之。然後三師以繼之。必大克。從之。楚於是

始病吳矣。杜牧曰。吳公子光問伐楚於伍員。員曰。可爲三軍

iiŧ

以久持之。將軍據山河之固。有四州之地。外結英豪 命。於是乎始病。吳終入郢。後漢末曹公旣破劉備。備奔袁紹 以誤之。然後三師以繼之。必大克。從之。於是子重一歲七奔 以肄焉。我一師至。彼必盡出。彼出則歸。亟肄以疲之。多方 彼已困矣。不及三年。可坐克也。今釋廟勝之策。而决成敗於 擊其左。敕左則擊其右。使敵疲於奔命。人不安業。我未勞而 戰。然後揀其精銳。分爲奇兵。乘虛迭出。以擾河南。救右則 彼之勞。 引兵欲與曹公戰。別駕田豐曰。操善用兵。未可輕舉。不如 戰 1。悔無及也。紹不從。故敗。 王晳曰。多奇兵也。彼出則歸。彼歸則出。救左則 梅堯臣日。以我之佚。待

。內修農

右。救右則左。所以罷勞之也。

何氏曰。孫子有治力之法

張預日 以佚而待勞。故論敵佚我宜多方以勞弊之。然後可以制勝 。我則力全。彼則道敝。若晉楚爭鄭。久而不决 '。晉知 0

與之爭。又申公巫臣教吳伐楚。於是子重一歲七年命是也 武子乃分四軍爲三部。晉各一動而楚三來。於是三駕而楚不能

親而離之。 廉頗而任趙奢之子。卒有長平之敗。 馳說。親彼君臣。分離其形勢。若秦遣反閒 曹公曰。以閒離之。 杜佑曰。以利誘之。使五閒幷入。辯士 (註一) 李筌曰。破其行約 。欺誑趙君 。使廢

敗 惟懼趙用括耳。廉頗易與也。趙王然之。乃用括代頗。爲秦所 閒其君臣。而後攻也。昔秦伐趙。秦相應侯閒於趙王曰 坑卒四十萬於長平。則其義也。 杜牧曰。言敵若上下相

。我

四五

子十家註

萬斤金。閒其君臣。彼必内相誅。漢因舉兵而攻之。滅楚必矣 。不過亞父鍾離昧龍且周毀之屬。不過數人。大王誠能用數 0 則當以厚利 而離閒之。陳平言於漢王曰。今項王骨鯁之

不急此下滎陽。漢王遁去。 漢王然之。出黃金四萬斤與平。使之反閒。項王果疑亞父。 陳皡曰。彼恡爵祿。此必捐之

o

彼嗇財貨。此必輕之。彼好殺罰。此必緩之。因其上下相猜。 得行離閒之說。由余所以歸秦。英布所以佐漢也。 梅堯臣同

其交援 0 使相離貳。然後圖之。廳侯閒趙而退廉頗。陳平閒楚

杜牧註。

王晳曰。敵相親則以計謀離閒之。

張預日

或閒

而逐范增。是君臣相離也。秦晉相合以伐鄭。燭之武夜出說秦 。今得鄭則歸於晉。無益於秦也。不如捨鄭以爲東道主。

秦伯悟而退師。是交援相離也。

通典摘引利而誘之親而離之二語故其釋之如此

0

攻其無備 曹公日 怠 於不意。謀莫善於不識。 ◎使敵不知所以敵也 。擊其懈怠。出其空虛。 。出其不意 。故曰兵者無形爲妙。太公曰 杜佑曰。擊其懈怠不備之處。攻其 孟氏曰。擊其空虛。襲其懈 。動莫神

李筌曰。擊懈怠。襲空虛。 郭嘉曰。 梅堯臣王晳註同上。 空虛之塗也。太公曰。動莫神於不意。謀莫大於不識 胡恃其遠。必不設備 何氏曰。攻其無備者。魏太祖征烏桓 杜牧曰。擊其空虛。襲其懈怠 因其無備 。卒然擊之。可破 0 (註) 滅 0 o

太祖行至易水。嘉曰。兵貴神速。今千里襲。人輕重多難 誹

四七

0

也

0

孫 子

+

單於庭合戰。大破之。唐李靖陳十策以圖蕭銑。總管三軍之任 以趨利。不如輕兵兼道以出。掩其不意。乃密出盧龍塞。直指 路危。必謂靖不能進。遂不設備。九月靖率兵而進。曰兵貴神 速。機不可失。今兵始集。銑尚未知。乘水漲之勢。倏忽至城 閣 也。進兵至夷陵。銃始懼。召江南兵。果不能至。勒兵圍城 。一以委靖。八月集兵夔州。,以時屬秋潦。江水泛漲。三峽 所謂疾雷不及掩耳。縱使知我。倉卒無以應敵。此必成擒

銑遂降。出其不意者。魏末遣將鍾會鄧艾伐蜀。蜀將姜維守劍 閣之軍不還。則應陪之兵寡矣。軍忠云。攻其無備。出其不意 成都。奇兵衝其腹心。劍閣之軍必還赴涪♥則會方軌而進。劍 。會攻維。未克。艾上言。請從陰平。由邪徑出劍閣。西入

將匱 百餘里。鑿山通道。造作橋閣。山高谷深,至爲艱險。又糧運 。今掩其空虚。破之必矣。冬十月艾自陰平。行無人之境。七 。瀕於危殆。艾以氈自裹。自轉乃下。將士皆攀木緣崖

橋渡河 禪降。又齊神武爲東魏將。率兵伐西魏。屯軍蒲坂。造三遣浮 列陳相拒。太敗之。斬瞻及尚書張遵等。進軍至成都。蜀主劉 魚貫而進。先登至江油。蜀守將馬邈降。諸葛瞻自涪還縣竹 。又遣其將竇泰趣潼關。高敖曹闈洛州。西魏將周文帝

出軍

廣陽。召諸將謂曰。賊今掎吾三面。又造橋於河。示欲必

今出其不意。襲之必克。克豪。則數不戰而自走矣。諸將咸曰 策也。且高歡用兵。常以泰為先驅。其下多銳卒。屢斷而 渡。欲綴吾召。使竇繁得西入耳。久與相持。其計得行。非良

賊 《在近。捨而遠襲。事若蹉跌。悔無及矣。周文曰。歡前再 孫 +

襲潼關。吾軍不過霸上。今者大來。兵未出郊。賊固吾但自守 耳 晨至潼關。竇泰卒聞軍至。惶懼依山爲陳。未及陳列。周文擊 。無遠鬥志。又狃於得志。有輕我心。乘此擊之。何往不克 周文遂率騎六千還長安。聲言欲往隴右。辛亥潛出軍。癸丑 賊雖造橋。未能徵渡。比五日中。吾取資泰必矣。公等勿疑

而走。 破之。斬泰傳首長安。高敖曹適陷洛州。聞泰沒。燒輕重棄城 1。謂虛空之地。敵不以爲慮者則襲之。譬鄧艾伐蜀。行無人 若燕人畏鄭三軍。而不虞制人。爲制人所敗是也。出不意 張預曰。攻無備者。謂懈怠之處。敵之所不虞者則擊

之地七百里是也

五〇

此兵家之勝。不可先傳也。【註一】

【註一】御覽先作豫注同

曹公曰。傳。猶洩也。兵無常勢。水無常形。【註一】臨敵變化 也。此言上之所陳。悉用兵取勝之策。固非一定之制。見敵之 備不意。攻之必勝。此兵之要祕而不傳也。 。不可先傳。故曰料敵在心。察機在目也。【註二】李筌曰。無 杜牧曰。傳。言

决勝。則不可預傳述也。 形。始可施爲。不可先事而言也。 豈可預前言之。 王皙曰。夫校計行兵。是爲常法。若乘機 **張預曰。言上所陳之事。乃兵家之** 梅堯臣曰。臨敵應變制宜

勝策。須臨敵制宜。不可以預先傳言也。

孫子十家註

【註一】御覽作兵無皮勢無常形按此用下篇語也御覽誤 孫子十家 註 卷 【註二】原本傳下有也字 五二

数下無曰字今從御覽改正

夫朱戰而廟算勝者。得算多也。未戰而廟算不勝者。得算少也。

"多算勝。少算不勝。【註一】而況於無算乎。吾以此觀之。勝貧見

【註一】通典作少算敗此臆改之也【註二】通典見上有易字

矣。【註二】

外離心。如商周之師者。是爲未戰而廟算勝。太一遁甲。置算 曹公曰。以吾道觀之矣。 李筌曰。夫戰者决勝廟堂。然後與 人爭利。凡伐叛懷遠。推亡固存。兼弱攻昧。皆物之所出。中

算。主人敗。客少算臨多算。主人勝。此皆勝敗易見矣。 之法。因六十算已上爲多算。六十算已下爲少算。客多算臨少 計所得者多 齋於廟。授以成算。然後遣之。故謂之廟算。籌策深遠。則其 氏曰。計有巧拙。成敗繫焉。 未戰而廟謀先勝。少算。故未戰而廟謀不勝。是不可無算矣。 王晳日 。此懼學者惑不可先傳之說。故復言計篇義也 。故未戰而先勝。謀慮淺近。則其計所得者少。故 張預曰。古者興師命將。必致 梅堯臣曰。多算。故 0 何

勝兵先勝而後求戰。敗兵先戰而後求見。有計無計。勝貿易見

未戰而先頁。多計勝。少計不勝。其無計者。安得無敗。故曰

孫 子 + 家 註 卷

五三

孫子十家註

卷

總校王詒壽分校雖職同校

五四

孫子十家註卷二

賜進士出身署萊州府知府候補同知吳人驥问校賜進士及第署山東提刑按察使分巡兗沂曹濟黃河兵備道孫是衎 作 |戦篇 戰次計之篇也 王晳曰計以知勝然後興戰而具軍費猶不可以久也曹公曰欲戰必先算其費務因糧於敵也 李筌曰先定計然後修戰具

是以

孫子曰。凡用兵之法。馳車千駟 【註一】御覽作千乘 (註二) 革車千乘。帶甲十萬

械運糧草藥費用以作戰備敌次計張預曰計算已定然後完車馬利器

也。言萬騎之重也。一車駕四馬。【註二 李叶騎一重。 曹公曰。馳車。 輕車也。駕駟馬。凡千乘。【註一】革車 。重車 【註三】

養二人。主炊。家子一人。主保固守衣裝。廬二人。 養馬。凡五人。步兵十人重。以大車駕牛。養二人。主炊。家 【註四】

発

莊

李筌日

子 十

家 註

戰車也。古者車戰。革車。輕車重車也。載器械財貨衣裝也。 軍資之數。以十萬爲率。則百萬可知也。 子一人主守衣装。凡三人也,带甲十萬。 士卒數也。 。馳車 步卒七十人。計千駟之軍。帶甲七萬。馬四千匹。孫子約以 。戰車也。革車。輕車也。帶甲步奔車一兩。駕以駟馬 杜牧曰。輕車。乃

用度計 人。故二乘兼一百人爲一隊。舉十萬之衆。革車千乘。校其費 衣裝五人。顧養五人。樵汲五人。輕車七十五人。重車二十五 司馬法曰。一車甲士三人。步卒七十二人。炊家子十人。固守 甲士步卒七十五人。舉二車各千乘。是帶甲者十萬人。 革車。重 。則百萬之衆。皆可知也。 |車也。凡輕車一乘。甲士步卒二十五人。重車 梅堯臣曰。馳 車。輕車也 一乘

晳曰 車也。一乘四馬爲駟。千駟則革車千乘。曹公曰。重車也。晳 。曹公曰。輕車也。駕駟馬。凡千乘。晳謂馳車。謂駕革

權制數 帶甲十萬。步卒數也。晳謂幷田之法 調革車 車 人步卒七十二人。千乘總七萬五千人。此言帶甲十萬。豈當時 左右角二隊。共七十五人。守軍一乘。炊子十人。守裝五人 也。革車。即守車也。按曹公新書云。攻車一乘。前拒一隊 十萬 養五人。樵汲五人。共二十五人。攻守二乘。凡一百人。 0 。兵車也。有五戍。千乘之賦。諸侯之大者。曹公曰 0 何氏曰。十萬 。舉成數也。

。甸出兵車一乘。甲士三

張預曰。馳車。即攻

【註一】據御覽補按王哲引曹注亦有凡千乘三字 孫 子 十家 則用車二千。輕重各半。與此同矣。 註 苍 【註二】原本作萬騎之重車駕四馬

【註三】原本作率三萬軍令據御覽改

【註四】御覽職作斯

千里饋糧。

曹公日越境千里。 李筌日道理縣遠。

然後十萬之師舉矣。【註二】 則內外之費。賓客之用。膠漆之材。車甲之奉。日費千金【註一】

【註一】御覺無費字脫 【註二】通典御覽師作衆

曹公曰。謂贈嘗猶在外。【註二】李筌曰。夫軍出於外。則帑藏

人也。 。完輯修繕。言膠漆者。舉其細徵。千金者。言費用多也。猶 杜牧曰。軍有諸侯交聘之禮。故曰賓客也。車甲器械

竭於內。舉千金者。言多費也。千里之外羸糧。則二十人奉一

贈嘗在外也。 賈林曰。計費不足。未可以興師動衆。故李太

尉曰。三軍之門。必有賓居論議 粮千里。日費如此。師久之戒也。 o 王晳曰。內謂國中。外謂 梅堯臣曰。舉師十萬。饋

軍所也。賓客若諸侯之使。及軍中宴饗吏士也。膠漆車甲

何氏曰。老師費財。智者慮之。

張預日。去國

。舉

甲者 極也。賓客者。使命與遊士也。膠漆者。修飾器械之物也。車 千里。卽當因糧。若須供餉。則內外騷動。疲困於路。蠹耗無 。膏轄金革之類也。約其所費。日用千金。然後能興十萬

細與大也。

之師。千金言重費也。贈嘗猶在外。

(註一)原本贈譌作購今改正杜牧亦云贈賞猶在外

其用戰也。勝久 【註一】則鈍兵。 【註二】 挫銳攻城則力屈

0

【註一】御覽無勝字 【註二】通典御覽俱作頓兵下同

孫子十家註

註

卷

曹公曰 I。鈍 。弊也 。屈。盡也。 杜牧曰。勝久。淹久而後能

勝也。言與敵相持久而後勝 人力殫盡出折也。 賈林日 。戰雖勝人。久則無利。兵貴全勝 。則甲兵鈍弊。銳氣挫,。攻城則

仗鈍弊 。而軍氣挫銳。攻城而久。則力必殫屈 0 王晳日 。屈

鈍兵挫銳。士傷馬疲則屈。

梅堯臣曰。雖勝且久。則

必兵

及交兵合戰也。 窮也。求勝以久。則鈍弊折挫 久而後能勝。則兵疲氣沮矣。千里攻城。力必 。攻城則益甚也 o 張預日 0

困屈

久暴師則國用不足 孟氏日 0 久暴師 ۰

堯臣曰。師久暴於外。則輸用不給。 。露衆千里之外。則軍國費用不足相供 張預曰。日費千金。師

梅

久暴則國用豈能給。若漢武帝窮徵深討。久而不解。及其國用

空虚。乃下哀痛之詔。是也。

夫鈍兵挫銳 。屈力殫音單 貨【註一】則諸侯乘其弊而起。雖有智者

。不能善其後矣。

(註一)通典御覽並作力屈貨殫

李密乘其弊而起。縱蘇威高頻。豈能爲之謀也。 師也。隋大業初。煬常重兵好征。力屈鴈門之下。兵挫遼水之 衆舉。日費千金。非唯頓挫於外。亦財殫於內。是以聖人無暴 杜佑曰。雖當時有用兵之術。不能防其後患。 |。疏河引淮。轉輸彌廣。出師萬里。國用不足。於是楊元感 李筌日。十萬 杜牧曰。蓋

Ł

以師久不勝。財力俱困。諸侯乘之而起。雖有智能之士。亦不

孫

子十家

註

孫 子十 家

侯乘此弊而起襲我。我雖有智將。不能制也。 亦不能救此亡敗也。 能於此之後。善爲謀畫也。賈林曰。人離財竭。雖伊呂復生。 梅堯臣曰。取勝攻城。暴師且久。則諸 何氏曰。其後謂兵不勝而敵乘其危殆 王晳曰。以其

矣。財已匱矣。鄰國因其罷弊。起兵以襲之。則縱有智能之人 。亦不能防其後患。若吳伐楚入郢。久而不歸。越兵逢入。當 雖智者不能盡其善計而保全。

張預曰。兵已疲矣。力已困

弊甚。必有危亡之憂。

是時。雖有伍員孫武之徒。何嘗能爲善謀於後乎。

故兵聞拙速。未睹巧之久也。

雖拙有以速勝。 曹公李筌曰。雖拙有以速勝。未睹者。言其無也。 杜佑註同孟民。 杜牧曰。攻取之間。雖出

孟民日

陳皡曰。所謂疾雷不及掩耳。卒電不及瞬目。 尚以速勝 。然以神速爲 。未見工而久可也 上。蓋無老師費財鈍兵之患。則爲巧矣。 2 王晳曰。晳謂久則師老財費 梅堯臣曰

っ 拙

萬 。久雖 國虛人困 堡。密引符登 IJ 。恐生後患也。後秦姚萇與符登相持 。巧者保無所患也。 。萇與登戰。敗於馬頭原。收衆復戰。姚碩德 何氏曰。速雖拙。不費財力也 。萇將苟曜據逆

輕兵直進。凐據吾東。必苟曜與之連結耳。事久變成 賊 謂諸將曰。上愼於輕戰。每欲以計取之。今戰旣失利 0 必有由也 。聞養而謂碩德曰 。登用兵遲緩。不識虛實 。其禍難 。而更逼 令

(之)。武后初。徐敬業舉兵於江都。稱匡復皇家。以**塾**屋尉魏 。所以速成者。欲使苟曜豎子謀之未就。好之未深耳。果大 子十家註

敗 測

孫

卷二

在匡復 計死傷與粮競者。斯可謂欲拙速也。 率 思恭密謂杜求仁曰。兵勢宜合不可分。今敬業不知幷力渡 霸之業。然後率兵北上。鼓行而前。此則退有所歸。進無不利 之。兼有大江 將士。知公有勤王之舉。必以死從。此則指日刻期。天下必定 ٥ 則 實良策也。敬業以爲然。乃自率兵四千人。南渡以擊潤州 敬業欲從其策。薛璋又說曰。金陵之地。王氣已見。宜早應 山東之衆以合洛陽。必無能成事。果敗。張預曰。但能取勝 **| 寗拙速而無巧久。若司馬宣王伐上庸。以一月圖一年。不** 。兵貴拙速。宜早渡淮北。親率大衆。直入東都。山 。設險足可以自固。請且攻取常潤等州 。以爲王 淮

0 0 思恭為謀主。問計於思恭。對曰。明公旣以太后幽繫少主。志

夫兵久而國利者。【註一】未之有也。

【註一】御覽作圖利非

襄子所擒。身死國分。故新序傳曰。好戰窮武。未有不亡者也 杜佑曰。兵者凶器。久則生變。若智伯圍趙。逾年不歸。卒爲 李筌曰。春秋曰。兵猶火也。弗戢。將自焚。 買林日

故不盡知用兵之害者。則不能盡知用兵之利也。

預曰。師老財竭。於國何利

0

兵久無功。諸侯生心。梅堯臣曰。力屈貨殫。何利之有。

張。

杜佑日 。言謀國動軍行師。不先慮危亡之禍。則不足取利也。

蘇之禍也。 若秦伯見襲鄭之利。不顧崤函之敗。吳王矜伐齊之功。而忘姑 李筌曰。利害相依之所生。先知其害。然後知其

子

十家

註

卷

孫 子 十家 卷 _

利也。 杜牧曰。害之者勞人費財。利之者吞敵拓境。茍不顧

己之患。則舟中之人盡爲敵國。安能取利於敵人哉

0

買林日

三載。利也。百姓虛。公家費。害也。苟不知害 將驕卒惰。貪利忘變。此害最甚也。 王晳曰。久而能勝。未免於害。速則利斯盡也。 梅堯臣曰。不再籍。不 。叉安知利 張預曰。先

善用兵者。役不再籍。【註一】糧不三載 知老師殫貨之害。然後能知擒敵制勝之利。

【註一】通典及御覽籍作藉按此與曹注台後作籍者字之譌 【註二】御覽作再載

曹公曰。籍猶賦也。言初賦民便取勝。不復歸國發兵也。始載 杜佑曰

藉猶賦也。言初賦人便取勝。不復歸國發兵也。始載糧。遂因 糧。後遂因食於敵。還兵入國。不復以糧迎之也。

o

食於敵。還方入國。因釁而動。兼惜人力舟車之運。不至於三

農周禮註曰。役謂發兵役。籍乃伍籍也。比參爲伍。 寄軍令。 牧曰。審敵可攻。審我可戰。然後起兵。便能勝敵而還。鄭司 載糧迎之。謂之三載。越境則館穀於敵。無三載之義也。 發關中之卒。是以有陳吳之難也。軍出。度遠近饋之。軍入。 也。【註一】李筌曰。籍。書也。不再籍書。恐人勞怨生也。秦 而役也。 不竭乎國 ٥ 張預曰。役謂興兵動衆之役。故師卦註曰。任大役重 糧者。往則載焉。歸則迎之。是不三載也。不困乎兵 。籍謂調兵之符籍。故漢制有尺籍伍符。言一舉則勝 伍籍發軍起役也。, 。言速而利也。

陳皡曰。籍。借也。不再借民

因 內政。

孫 + 家 註

卷

<u>=</u>

梅堯臣同陳皡註。

王晳同曹公

凶

萴

無功

四

迓之。是不三載也。此言兵不可久暴也。 不可再籍兵役於國也。糧始出則載之。越境則掠之。歸國則

【註一】據通典補

取用於國 曹公曰。兵甲戰具。取用國中。糧食因敵也。 。因糧於敵。故軍食可足也。

師千里。無匱乏也。 晉師館穀於楚。是也。 戰具。取用國中。糧食因敵也。取資於我國。因糧食於敵家也 梅堯臣曰。軍之須用。取於國。軍之糧 李筌曰。具我戎器。因敵之食。雖出 杜佑日。兵甲

得其儲積也。 **張預曰。器用取於國者。以物輕而易致也**

銄

因 於敵

o

何氏曰。因謂兵出境。鈔聚掠野。至於克拔城

粮食因於敵者。以粟重而難運也。夫千里饋粮。則士有飢色

0

故因粮則食可足。

國之貧於師者遠輸。遠輸則百姓貧 0

里。則衆有饑色。此言粟重物輕也。不可推移。推移之。則農 李筌曰。兵役數起而賦斂重。 則國無一年之積。粟行四百里。則國無二年之積。粟行五百 杜牧曰。管子曰。粟行三百里

外。財則費於道路。人有困窮者。 耗於道路。弊於轉運。百姓日貧 0 張預曰。以七十萬家之力 孟氏曰。兵軍轉運千里之

夫耕牛。俱失南畝。故百姓不得不貧也。

賈林曰。遠輸則財

近於師者貴賣。貴賣則百姓財竭

供餉十萬之師。於千里之外。則百姓不得不貧

0

曹操曰。軍行已出界。近師者貪財皆貴賣。則百姓虛竭也。 子 十家註 卷

註

卷

李筌曰。夫近軍必有貨易。百姓徇財殫產而從之竭也。 子 賈林

曰。師徒所聚。物皆暴貴。人貪非常之利。竭財物以賣之。初

ग्री 雖獲利殊多。終當力疲貨竭。又云。旣有非常之斂。故賣者求 價無厭。百姓竭力買之。自然家國虛盡也。杜佑曰,言近軍師 多非常之賣。當時貪貴以趨末利。然後財貨殫盡 。家國虛

也 匱民之道也。 梅堯臣曰。遠者供役以轉饋。近者貪利而貴賣。皆貧國 王晳曰。夫遠輸則人勞費。近市則物騰貴 へ。是

故久師則爲國患也。曹公曰。軍行己出界。近於師者。貪財皆

張預曰。近師之民。必貪利而貴貨其

物於遠來輸餉之人。則財不得不竭。

貴賣

。晳謂將出界也。

財竭則急於丘役

張預曰。財力殫竭。則戶井之役急迫。而不易供也。或曰。戶 「上十六井。旬六十四井。 如魯成公作戶甲也。國用急迫。乃使戶出甸賦。違常制也

力屈財殫。【註二】中原內虛於家。百姓之費十去其七。

【註一】御覽無財殫二字

曹公曰。戶十六并也。百姓財殫盡。而兵不解。則運粮盡力於 怨曠。困於輸輓丘役。力屈財殫。而百姓之費。十去其七 原野也。十去其七者。所破費也。 李筌曰。兵久不止。男女

也 。屋三爲井。四井爲邑。四邑爲丘。四丘爲甸。丘蓋十六井 上有戎馬一匹。牛四頭。甸有戎馬四匹。牛十六頭。 丘車 孫 子 卷 七

杜牧曰。司馬法曰。六尺爲步。步百爲畝。畝百爲夫。夫三爲

孫 子 註 卷

百姓粮盡財竭。力盡於原野。家業十耗其七也。 聚也。聚斂賦役。以應軍須。如此則財竭於人。人無不困也 乘。甲士三人。步卒七十二人。今言兵不解。則丘役益急。 陳皞曰。丘

王晳曰。急者。暴於常賦也。若魯成公作兵甲是也。如此則

兵不解則逕粮盡力於原野。 民費大牛矣。要見公費差減。故云十七。曹公曰。丘十六井。 何氏曰。國以民為本。民以食為

天。居人上者。宜乎重惜。

其所費 張預曰。運粮則力屈。輸餉則財殫。原野之民。家產內虛。度 。十無其七也

公家之費 六。【註二】 破車罷馬。甲胄矢弩。戢楯蔽櫓。上牛大車。十去其

【註一】御覽費作用非罷作疲俗字也又矢弩作弓矢蔽櫓作干櫓丘作兵誤其六作五六

矣。 其資十損乎六。是以竭賦窮兵。百姓弊矣。役急民貧。國家虛 轂車也 預曰。兵以車馬爲本。故先言車馬疲蔽也。蔽櫓。楯也。今謂 役。奉軍之費。其資十損乎七。公家以牛馬器仗。奉軍之費 近之費。公家之物。十損於七也。 。古所謂匹馬丘牛也。大車。牛車也。易曰。大車以載 本作十去其七 排。戶牛。大牛也。大車必革車。始言破車疲馬者 王晳曰。楯。于也。蔽。可以屛蔽。櫓。大楯也。丘牛 李筌曰。匕。大也。此數器者。皆軍之所須。言遠 0 曹公曰。丘牛。謂丘邑之牛。大車。乃長 梅堯臣曰。百姓以財粮力 調調 0 攻

九

車也。次言丘牛大車者。卽輜重之革車也。公家車馬器

戰之馳

- 家註

卷

械。亦十損其六。

故智將務食於敵。食敵一鍾。當吾二十鍾。意秆一石。當吾二十

石。

曹公曰。六斛四蚪爲鍾。計千里轉運。二十鍾而致一鍾於軍中 也。【註1】意。豆稭也。秆。禾藁也。石者。一百二十斤也。

轉輸之法。費二十石得一石。一云。荩音忌。豆也。七十斤爲

一石。當吾二十。言遠費也。 孟氏曰。十斛爲鍾。計千里轉

運。道路耗費。二十鍾可致一鍾於軍中矣。 鍾之粟。費二十鍾。方可達軍。將之智也。務食於敵。以省 李筌曰。遠師轉

总。豆楷也。秆蘩也。或言总秆蘩也。秦攻匈奴。使天下運糧 已之費也。 杜牧曰。六石四卧爲一鍾。一石。一百二十斤。

起於黃睡瑯琊。頁海之郡。轉輸北河。率三十鍾而致一石

音直瑞反。又音誰。在東來北河。即今之朔方郡。 千里轉輸之法。費二十石得一石。不約道里。蓋漏闕也。黃 漢武建元中。通西南夷。作者數萬人。千里預擔饋糧 鍾致一石。今校孫子之言。食敵一鍾。當吾二十鍾。蓋約平地 梅堯臣注 李

百二十斤也。轉輸之法。費二十乃得一。晳謂上文千里饋糧 則轉輸之法 同曹公。 。謂千里耳 王晳曰。曹公曰。荩。豆稭也。秆。藁也。石者 c

阳 **薬**也。千里饋糧。則費二十鍾石。而得一鍾石到軍 張預曰。六石四函爲鍾。一百二十斤石。意。豆楷也。秆。禾 則 所 0 若越險

猶 不啻。故秦征匈奴。率三十鍾而致一石。此言能將必

故殺敵者怒也 因糧於敵也

曹公曰。威怒以致敵。 李筌曰。怒者。軍威也。杜牧曰。萬

人非能同心皆怒。在我激之以勢使然也。田單守即墨。使燕人 劓降者。掘城中人墳墓之類。是也。 買林曰。人之無怒。則

之降者盡劓。齊人皆怒。愈堅守。田單又縱反閒曰。吾懼燕人 不肯殺。 王晳曰。兵主威怒。 何氏曰。燕圍齊之卽墨。齊

掘吾城外冢墓。戮辱先人。可爲寒心。燕軍盡掘壠墓。燒死人 。卽墨人從城上望見。皆泣涕。共欲出戰。怒自十倍。單知士

卒可用。遂破燕師。後漢班超使西域。到鄯善。會其東土三十

六人。奥共飲酒酣。因激怒曰。今俱在絕域。欲立大功以求富

爲豺狼食矣。官屬皆曰。今在危亡之地。死生從司馬。超曰 。虜使到裁數日。而王禮貌卽廢。如收吾屬送匈奴。骸骨長 .

善 。初夜將吏士奔虜營。會天大風。超令十人持鼓藏虜舍後

知我多少。必大震怖。可殄盡也。滅此虜則功成事立矣

。衆日

不入虎穴。不得虎子。當今之計。獨有因夜以火攻虜。使彼不

約曰。見火然。皆當鳴鼓大呼。餘人悉持弓弩。夾門而伏 順風縱火。 備日 。此大事不可倉卒。及璋使備擊張魯。乃從璋求萬兵及 **廣衆驚亂。衆悉燒死** 。蜀龐統勸劉備襲益州攻劉璋 超

曰。吾爲益州征强敵 師 徒勤瘁。不遑寗居。今積帑藏之財

資寶。欲以東行

。璋但許兵四千

。其餘背給半。

備因激怒其衆

而恡於賞功 家註 。望士大夫爲出死力戰。其可得乎。由是相與破璋 卷

0

張預曰。激吾士卒。使上下同怒。則敵可殺。尉繚子曰 子 + 家 註

民之所以戰者氣也。謂氣怒則人人自戰

0

取敵之利者貨也。

賞勞之誘也。 李筌曰。利者。益軍寶也。杜牧曰 曹公曰。軍無財。士不來。軍無賞。士不往。 勝敵有厚賞之利。則冒白刃當矢石而樂以進戰者。皆貸財酬勳 敵之利者。貨財也。謂得敵之貨財。必以賞之。使人皆有欲。 杜佑曰。人知 。使士見取

海破其三屯。多獲珍寶。而鴻等黨聚猶衆。士卒驕富。莫有鬭 攻之。今軍恣聽射獵。兵士喜悅。大小相與從禽。尚乃密使人 志。尚曰。卜陽潘鴻作賊十年。皆習於攻守。當須諸郡併力可

各自爲戰。後漢荆州刺史度尚。討桂州賊帥卜陽潘鴻等。入南

故 軍戦 所欲 將伐蜀 自為 若使衆貪利自取 則激吾人以怒。取敵則利吾人以貨 憤踴願戰 乘銳遂破之。此乃是也。 貨足富數世 潛焚其營。珍積皆盡。獵者來還。莫不泣涕。尚曰。卜陽等財 惟土疆耳 0 戰 得 。以車戰能得敵車十乘已上賞賜之。不言車戰得車十乘 。諭之曰。所得州邑。當與我傾竭帑庫以饗士卒。國家 。則敵利可取。故曰重賞之下。必有勇夫。皇朝太祖命 華十乘已上。賞其先得者 。倘令秣馬蓐食。明晨徑赴賊屯。陽鴻不設備 。諸卿但不併力耳 。於是將吏死戰 。則或違節制耳 孟民同杜牧註 所 。所亡少少 0 至階下。 0 張預日。以貨略士。使 王晳曰。謂設厚賞耳 ٥ 。何足介意。衆聞咸 遂平蜀 梅堯臣日 0 。吏士 0 殺敵

o

採

子

+

家

註

卷 =

五五

已上者賞之。而言賞得者何。言欲開示賞其所得車之卒也。陳

車之法。五 乘將吏二人。因而用之。故別言賜之。欲使將恩下及也。或 車爲除。僕射一人。十車爲官。卒長一人。車士乘

云。言使自有車十乘已上與敵戰。但取其有功者賞之。其十乘

已下。雖一乘獨得。餘九乘皆賞之。所以率進上士也。 曰。重賞而勸進也。 杜牧曰。夫得車十乘已上者。蓋衆人用 李筌

命之所致也。若徧賞之則力不足。與其所獲之車。公家仍自以

利者貨也。言十乘者。舉其綱目也。 財貨。賞其唱謀先登者。此所以勸勵士卒。故上文云。取敵之 賈林曰。勸未得者使自 王晳曰。

勉也。梅堯臣曰。徧賞則難周。故獎一而勵百也。 張預曰。車一乘。凡七十五人。以車

以財賞其所先得之卒。

與敵戰。吾士卒能獲敵車十乘已上者。吾士卒必不下千餘人也

戰。令三軍曰。若車不得車。騎不得騎。徒不得徒。雖破軍皆 衆。古人用兵。必使車奪車。騎奪騎。步奪步。故吳起與秦人 。以其人衆。故不能徧賞。但以厚利賞其陷陳先獲者。以勸餘

而更其旌旗 曹公曰。與吾同也。

無功。

車雜而乘之。 識也。 張預日。變敵之色。令與已同。 李筌曰。令色與吾同。 買林白。令不

其事。車乃可用也 曹公曰。不獨任也。 孫 子 十家 註 . 卷 杜牧曰。士卒自獲敵車。任雜然自乘之 李筌曰。夫降虜之旌旗。必更其色而雜

接 二 三年進長

子 十

註

謂得敵車。可與我車雜用之也。 用之。不可獨任也。 。官不錄也。 梅堯臣曰。車許雜乘。旗無因故。 張預曰。已車與敵車參雜而 王晳曰

卒善而養之。

是謂勝敵而益强。 張預曰。所獲之卒。必以恩信撫養之。俾爲我用。

衆數萬 曹公曰。益己之强。 。各配部曲。然人心未安。光武令歸本營。乃輕行其閒 李筌曰。後漢光武破銅馬賊於南陽。虜

以勞之。相謂曰。蕭王推赤心置人腹中。安得不投死乎。於是 漢益振。則其義也。 梅堯臣曰。獲卒則任其所長。養之以恩。必爲我用也。 杜牧曰。得敵卒也。因敵之資。益己之

王皙曰。得敵卒。則養之與吾卒同。善者。謂勿侵辱之也

若厚撫初附。或失人心。 何氏曰。因敵以勝敵。何往不强。 張預曰。勝其敵而獲其車與卒。旣爲我用。則是增已之强。

光武推赤心。人人投死之類也。

故兵貴勝不貴久。

貴速勝疾還也。 梅堯臣曰。上所言皆貴速也。速則省財用。 曹公曰。久則不利。兵猶火也。不戢。將自焚也。 孟氏日 0

息民力也。 武不可黷之深也。 何氏曰。孫子首尾言兵久之理。蓋知兵不可玩。 張預曰。久則師老財竭。易以生變。故但

貴其速勝疾歸。

故知兵之將。民之司命。【莊二國家安危之主也。【註二】 孫子十家註 卷 二九

【註一】原本作生民之司命按猶夫論邏典御覽皆無生字今改正 【註二】猶夫論作而

國策危之主也

曹公曰。將賢則國安也。 李筌曰。將有殺伐之權。威欲卻敵 。人命所繫。國家安危在於此矣。 杜牧曰。民之性命。國之

將賢則民保其生。而國家安矣。否則民被毒殺。而國家危矣。 安危。皆由於將也。 梅堯臣曰。此言任將之重。 王晳曰

明君任屬。可不精乎。 何氏曰。民之性命。國之治亂。皆主

危。繫乎將之賢否。

於將。將之任難。古今所患也。

張預日。民之死生。國之安

孫子十家註卷二彩

賜進士出身署萊州府知府候補同知吳人驥同賜進士及第署山東提刑按察使分巡兗沂曹齊 校黄 河 兵備道孫星衍

謀 城也張預曰計議已定然後可以智謀攻故次作戰王晳曰謀攻敵之利害當全策以取之不銳於伐兵 攻篇 牧曰廟堂之上計算已定戰爭之具糧食之費已用備可以謀攻故曰謀攻也曹公曰欲攻敵必先謀 李答曰各陳為戰團城曰攻以此篇次戰之下 杜曹公曰欲攻敵必先謀 李答曰各陳為戰團城曰攻以此篇次戰之下 杜 攻

孫子曰 曹公曰。興師深入長驅 0 凡用兵之法 ø 全國爲上。破國次之。 0 距其城郭 0 絕其內外。敵舉國來服爲

上。以兵擊破敗而得之。 其次也。 杜佑日 0 敵國來服為 上 ٥

以兵擊破爲次 斬成安君 。奉咫尺之書 。此爲破國者 ٥ 李筌日 。不貴殺也。韓信虜魏王豹 。及用廣武君計 o, 北首燕路 擒 0 遣 夏說 一介

卷三

٥

燕從風而靡。則全國也

賈林曰

。全得

孫 子十家註 卷 \equiv

何

子曰。講武料敵。使敵氣失而師散。雖形全而不爲之用。此道 其 氏曰。以方略氣勢。令敵人以國降。上策也。 國。我國亦全。乃爲上。 王晳曰。若韓信舉燕是也 張預日。尉繚

道勝力勝者。卽全國破國之謂也。夫弔民伐罪。全勝爲上。爲 不得已而至於破。則其次也。

勝也。破車殺將。乘堙發機。會衆奪地。此力勝也。然則所謂

全軍爲上。破軍次之。 曹公杜牧曰。司馬法曰。一萬二千五百人爲軍。何氏曰。降其

全旅爲上。破旅次之。 城邑。不破我軍也 0

曹公曰。五百人爲旅。

全卒爲上。破卒次之。

曹公曰。一旅已下。【註二】至一百人也。

杜佑曰。一校下至

百人也。

(註一)原本作一校已上字之譌也今改正

李筌曰。百人已上爲卒。

全伍爲上。破伍次之。

曰。五人爲伍。 梅堯臣曰。謀之大者全得之。 曹公曰。百人巳下至五人。 李筌曰。百人已下爲伍。 王晳曰。國 杜牧

何氏曰。自軍之伍。皆次序上下言之。此意以策略取之爲妙。 軍本伍。不問小大。全之則威德爲優。破之則威德爲劣。【註一】

不惟一軍口至於一伍。不可不全。 張預曰。周制萬二千五百

嫰

子十家註

卷 =

人為軍。五百人為族。百人為卒。五人為伍。自軍至伍。皆以

不戰而勝之爲上。 (註一)按此注北堂書鈔引之蓋非王晳注也

是故百戰百勝。非善之善者也。

爲上也。詭詐爲謀。摧破敵衆。殘人傷物。然後得之。又其次 陳皞曰。戰必殺人故也。 賈林曰。兵威遠振。全來降伏。斯

不戰而屈人之兵。善之善者也。

多殺傷。故曰非善。

梅堯臣曰。惡乎殺傷殘害也。

張預曰。戰而能勝。必

以計勝敵。 曹公曰。未戰而敵自屈服。 陳皞曰。韓信用李左車之計。馳咫尺之書。不戰 孟氏曰。重廟勝也。

杜牧曰。

而下燕城也。 王晳曰。兵貴伐。不務戰也。 何氏日。後漢

正獨討周建蘇茂。旣戰歸營。賊復聚挑戰。霸堅臥不出。方饗 戰以徼一時之勝。今閉營休士。所謂不戰而屈人兵。善之善也 茂已破。今易擊。霸曰。不然。茂客兵遠來。糧食不足。故挑 士作倡樂。茂雨射營中。中霸前酒樽。霸安坐不動。軍吏曰 。茂乃引退。 張預曰。明賞罰。信號令。完器械。練士卒。

٠.

故上兵伐謀。 畏其有法而服之者。是也。

暴其所長。使敵從風而糜。則爲大善。若吳王黃池之會。晉人

曹公曰。敵治有謀。伐之易也。 孟氏曰。九攻九拒。是其謀

也。 孫子十家註、卷 杜佑曰。敵方設謀。欲舉衆師,伐而抑之。是其上。故

拞

家註

卷三

太公云。善除患者。理於未生。善勝敵者。勝於無形也。

也。 急降。 謁恂 之則峻亡其膽。所謂上兵伐謀。諸將曰。非所知也。 李筌曰。伐其始謀也。後漢寇恂圍高峻。峻遣謀臣皇甫文 恂日 。詞禮不屈。恂斬之。報峻曰。軍師無禮。已斬之。欲降 不欲固守。峻即日開壁而降。敢問殺其使而降其城 。皇甫文峻之心腹。其取謀者。留之則文得其計。殺 杜牧日 何

吾爲舞之。 來觀吾政。今子怒大國之使者。將奈何。晏子曰。觀范昭非陋 范昭佯醉。不悅而起舞。謂太師曰。能爲我奏成周之樂乎。 太師曰。瞑臣不習。范起出 。景公曰。晉大國也

之樽酌。公曰。寡人之樽進客。范昭已飮。晏子徹樽。更爲酌

。使范昭往觀之。景公觴之。酒酣。范昭請君

晉平公欲攻齊

軍掩晉上軍。趙穿追之。不及返。怒曰。裏粮坐甲。固敵是求 之外。晏子之謂也。春秋時秦伐晉。晉將趙盾禦之。上軍佐臾 臣欲犯其禮。太師識之。仲尼曰。不越樽俎之間 爲也。范昭歸報晉平公曰。齊未可伐。臣辱其君。晏子知之。 之樂也。惟人主舞之。今范昭人臣。而欲舞天子之樂。臣故不 事。好勇而狂。且惡臾駢之佐上軍。若使輕者肆焉 以老我師也。趙有側室曰穿。晉君之壻也。有籠而弱。不任軍 日。若何而戰。對曰。趙氏新出其屬曰與駢。必實爲此謀。將 駢曰。秦不能久。請深壘固軍以待之。秦人欲戰。秦伯謂士會 敵至不擊。將何俟焉。軍吏曰。將有待也。穿曰。 。而折衝千里 。其可 我不知謀 。秦

孫子十家註

=

於禮者。且欲慚於國。臣故不從也。太師曰夫成周之樂。天子

謀伐我。我先伐其謀。故敵人不得而伐我。士會之對。是我將 勝歸。我何以報。乃皆出戰。交綏而退。夫晏子之對敵也。將 智謀屈人最爲上。 何氏曰。敵始謀攻我。我先攻之易也。揣 成之計。固非止於一人。 梅堯臣曰。以智勝。 王晳曰。以 謀伐敵。敵人有謀拒我。乃伐其謀。敵人不得與我戰。斯二者 始發謀。我從而攻之。彼必喪計而屈服。若晏子之沮范昭是也 知敵人謀之趣向。因而加兵。攻其彼心之發也。 。皆伐謀也。故敵欲謀我。伐其未形之謀。我若伐敵。敗其已 。或曰。伐謀者。用謀以伐人也。言以奇策祕算。取勝不於戰 將獨出。乃以其屬出。趙曆曰。秦獲穿也。獲一卿矣。秦以 孫子干家註卷三

張預曰。敵

。兵之上也。

其次伐交。

日。不令合。【註一】

【註一】原本無據通典御覽補

曹公曰。交將合也。

孟氏曰。交合强國。敵不敢謀。

杜伊

。不敢窺山東也。 李筌曰。伐其始交也。蘇秦約六國不事秦。而秦閉關十五年

里於楚懷王。請絕齊交。隨何於黥布坐上殺楚使者。以絕項羽 杜牧曰。非止將合而已。合之者皆可伐也。張儀願獻秦地六百

疑侯景。終陷臺城。此皆伐交。權道變化。非一途也。陳皔曰 。曹公與韓遂交馬語。以疑馬超。高洋以蕭深明請和於梁。以

孫子十家註

卷三

或云。敵已輿師交合。伐而勝之。是其次也。若晉文公敵宋

當且問其交。使之解散。彼交。則事鉅敵堅。彼不交。則事 攜離曹衞也。梅堯臣曰。以威勝。王晳曰。謂未能全屈敵謀

交者。兵欲交合。設疑兵以懼之。使進退不得。因來屈服。旁 鄰旣爲我接敵不得不孤弱也。 張預曰。兵將交戰。將合則伐

小敵脆也。若何氏曰。杜稱己上四事。乃親而離之之義也。伐

之。傳曰。先人有奪人之心。謂兩軍將合。則先薄之。孫叔敖 之敗晉師。廚人濮之破華氏是也。或曰。伐交者。用交以伐人

也。言欲舉兵伐敵。先結鄰國爲掎角之勢。則我强而敵弱

曹公曰。兵形已成也。李筌曰。臨敵對陳。兵之下也。賈林曰

者。器械之總名也。太公曰。必勝之道。器械爲寶。 先者。非良將也。 張預曰。不能敗其始謀。破其將合。則犀利兵器以勝之。兵 善於攻取。舉無遺策。又其次也。故太公曰。爭勝於白刃之 梅堯臣曰。以戰勝。 王晳曰。戰者危事

下政攻城。【註二】

【註一】今本下政作其下詳注意則故政也據通典御覽改正

杜佑曰。

兵堅城之下。師老卒惰。攻守勢殊。客主力倍。政之爲下也。 出境。,則開壁送款。舉襯轅門。百姓怡悅。政之上也。若頓 言攻城屠邑。政之下者。【註二】所害者多。 曹公曰。敵國以收其外糧。城以攻之。爲下政也。 梅堯臣曰。費財役爲最下。 孫子十家註 王晳曰。士卒殺傷。城或未克 李筌曰。夫王師

張預曰。夫攻城屠邑。不惟老師費財。兼亦所害言多。是

子 十

誹

卷 Ξ

攻城之法。爲不得已。 【註一】原本政作攻字之誤據通典改正

爲政之下也。

修櫓轒鰛。【註一】具器械。三月而後成。距闡又而後已 張預曰。攻城則力屈。所以必攻者。蓋不獲已耳 【註一】藝文類聚引作

註一] 樓雲梯之屬。距闡者。踴土積 【註二】高。而前以附其城也 從中推之至城也。具。備也。器械者。機關攻守之總名。蜚【 曹公曰。修。治也。大楯也。轒輼者轒床也。轒床其下四輪

杜佑曰。上汾下溫。修櫓。長櫓也。轒輼四輪車。皆可推而

所謂 首而趨城下。轒轀者。四輪車也。其下藏兵數十人。填隍推之 前。以附於城也積土爲山曰堙。以距敵城。觀其虛實。春秋傳 名。言修此攻具。經一時乃成也。【註三】距闡者。踊土積高而 往來。冒以攻城。器械。謂雲梯浮格衝飛石連弩之屬。攻城總 十人。往來運土填塹。木石所不能傷。今所謂木驢是也。距斷 日。楚司馬子反乘堙而窺宋城也。 0 距闡 直就其城。石所不能壞也。器械。飛樓雲梯板屋本幔之類也 則其器也。役約三月。恐兵久而人疲。 。積土爲之。即今之所謂壘道也。三月者。一時也。言修治 彭排 者 。轒温四輪車。排大木爲之。上蒙以生牛皮 。土未山乘城也。東魏高歡之圍晉州。侯景之攻臺城 李筌曰。櫓。楯也。以蒙 杜牧曰。櫓即今之 。下可容

採

子十家註

卷三

Ξ

器械更其距闉。皆須經時。精好成就。恐傷人之甚也。管子曰

孫

註

卷三

不能致器者困。言無以應敵也。太公曰。必勝之道。器械爲

籫。漢書志曰。兵之技巧。一十有三家。習手足。便器械 合車狐鹿車影車高障車馬頭車獨行車運土豚魚車 關以立。攻守之勝者。夫攻城者。有撞車剗鉤車飛梯蝦蟇木解 杜稱櫓為彭排。非也。若是彭排。卽當用此樐字。 o 【註四】曹云 陳皞曰。

六月。將若不待此而生忿。速必須殺士卒。故下云將不勝其忿 而蟻附之災也。 則治攻具須經時也。曹公曰。櫓。大楯也。轒輼者轒牀也。 。庶或近之。蓋言候器械全具須三月。距闉又三月。已計 梅堯臣曰。威智不足以屈人。不獲已而攻城

其下四輪。從中推至城下也。器械。機關攻守之總名。蜚梯之

是也。器械言成者 心忿而亟攻之。故樂言以三月成器械。三月起距堙。其實不必 者。器威。攻城總名也。三月者。約經時成也。或曰。孫子戒 櫓。左執之。右拔戟以成一隊。註云。櫓。大楯也。以此觀之 車上爲櫓。又晉師圍偪陽。魯人建大車之輪。蒙之以甲。以爲 城上守禦樓曰櫓。櫓是轒牀上革屋。以蔽矢石者歟。 三月也。城尙不能下。則又積土與城齊。使士卒上之。或觀其 修樽爲大楯明矣 修櫓。大楯也。傳曰。晉侯登巢車以望楚軍。註云 孫 。或毀其樓櫓。欲必取也。土山曰堙楚子反乘堙而窺宋城 謂櫓爲大楯。非也。兵之具甚衆。何獨言修大楯耶。今 家註 。取其久而成就也。距堙言已者。以其經時 。轒輼四輪車其下可覆數十人。運土以實隍 卷 Ŧi 。巢車 張預日 0

屬也

孫子十家莊

而畢工也。皆不得已之謂。

【註一】古飛字原本作飛今據御覽改正從其初所用字也 【註二】原本作稅字之獨今

盾也又城上有榕樓所以立亦扞禦之義也釋名云榕露也露上無屋覆也今陳氏不遵字 據御覽及杜佑注改正 【註三】自修櫓以下原本無據通典補 【註四】按櫓櫃膏劃問

將不勝其忿而蟻附之。殺士三分之一而城不拔者。比攻之災。

曹公曰。將忿不待攻城器。而使士卒緣城而上。如蟻之緣牆。 【註一】通典其念作心之忿殺士作則殺士卒又攻字下有城字御覽其念作心怒

殺傷士卒也。 杜佑曰。守過二時。敵人不服。將不勝心之忿

還爲已害。故韓非曰。一戰不勝。則禍聲矣。【註二】李筌曰。 。多使士卒蟻附其城。殺傷我士民三分之一也。言攻取不拔。

于盱眙 校之。 路。 平。 將怒而 自拔 城 此言爲敵所辱。不勝忿怒也 忿躁。不能持久。使戰士蟻緣而登城。則其士卒爲敵人所殺三 城且不下。斯害也已。 ·o 見疾病甚衆。乃解退。傳曰。一女乘城 復殺其高梁王。如此三旬。死者過半。太祖聞彭城斷其歸 乃命肉薄登城 ٥ 尚恐不啻。 不待攻城。而使士卒內薄登城。如蟻之所附牆。爲木石 。太武帝始就質求酒 。三有一焉 何氏日 。將心忿急。使士卒如蟻緣而登。死者過牛 。分番相待 買林日 。而城不拔者。此攻城災 張預曰。攻逾二時 。但使人心外附。士卒內離。城乃 。質封婆便與之。太武大怒。遂攻 。後魏太武帝率十萬衆。寇宋臧寶 0 墜而復昇 。莫有退者 0 。可敵十夫 敵猶不 也 0 服 。 P 杜牧曰 。將心 。以此 與城

孫

子

十家註

Ξ

子 註

卷 三

分之一。而堅城終不可拔。茲攻城之害也已。或曰。將心忿速 。不俟六月之久。而亟攻之。則其害如此 0

【註一】原本禍訛作過據通典改

杜佑曰。言伐謀伐交。不至於戰。故司馬法曰。上謀不鬥。

故善用兵者。屈人之兵。而非戰也

0

姜維來救 註二字筌曰。以計屈敵。非戰之屈者。晉將郭淮圍麴城。蜀將 。淮趨牛頭山。斷維糧道及歸路。維大震。不戰而遁

麴城逢降。則不戰而屈之義也。 杜牧曰。周亞夫敵七國 0

引兵東北壁昌邑。以梁委吳,使輕兵絕吳餉道。吳梁相弊而食 竭。吳遁去。因追擊。大破之。蜀將姜維。使將勾安李韶守麴 魏將陳泰圍之。姜維來救。出自牛頭山。與泰相對。泰曰

諸軍各守勿戰 兵法貴在不戰而屈人。今絕牛頭。維無返道。則我之擒也 。絕其還路。維懼遁走。安等逐降。 梅堯臣曰

戰則傷人 善用兵者則不然。或破其計。或敗其交。或絕其糧。或斷其 扼韓信於井陘之策。是也。 0 王晳曰。若李左車說成安君。請以奇兵三萬人 張預曰。前所陳者庸將之爲耳

不戰而遁。亦是也。

路

。則可不戰而服之。若田穰苴明法令。拊士卒。燕晉聞之。

拔人之城。而非攻也。 【註一】按此係杜佑語見通典原本作何氏非今改正

孟氏曰。言以威刑服敵。不攻而取。若鄭伯肉袒以迎楚莊王之

李筌曰。以計取之。後漢酇侯臧宮圍妖賊於原武 卷 Ξ 九

類

孫

子十家註

٥ 連月

=

杜牧曰。司馬文王圍諸

不拔。士卒疾癘。東海王謂宮曰。今擁兵圍必死之虜。非計也 葛誕於壽春。議者多欲急攻之。文王以誕城固衆多。攻之力屈 之而拔原武。魏攻臺關。亦其義也。 。若有外救。表裏受敵。此至危之道也。吾當以全策縻之。可 宜撤圍。 開其生路而示之。 彼必逃散 。一亭長足擒也。從

若彼我勢旣均。外有强援。力足制之。當羈縻守之。以待其斃 之。諸將勸恪急攻之。恪曰。軍勢有緩而克敵。有急而取之。 坐制也。誕二年丑月反。三年二月破滅。六軍按甲。深溝高壘 日。攻則傷財。 。而誕自困。十六國前燕將慕容恪。率兵討段龕於廣固。恪圍 乃築室反耕。嚴固圍壘。終克廣固。曾不血刃也。 王晳曰。若唐太宗降薛仁杲是也。 梅堯臣

張預日

而撓西安。脇巨里而斬費邑是也。或外絕其强援。以久持之。 。或攻其必救。使敵棄城而來援。則設伏取之。若耿弇攻臨淄

也。

坐俟其斃

。苦楚師築室反耕以服宋是也。茲皆不攻而拔城之義

毀人之國。而非久也。

曹公曰 滅敵國。不暴師衆也。 文問僕射高頌伐陳之策。頌曰。江外田收。與中國不同。伺彼 。毀滅人國。不久露師也。 李筌曰。以術毀人國。不久而斃。隋 杜佑曰。若誅理暴逆。毀

農時。我正暇豫。徵兵掩襲。彼釋農守禦。候其聚兵。我便解 退。再三若此。彼農事疲矣。南方地卑。舍悉茅竹。倉庫儲積

悉依其閒。密使行人。因風縱火。候其營立。更爲之行其謀

孫子十家註 卷三

:

陳始病也。 杜牧曰。因敵有可乘之勢。不失其機。如摧枯

兵不可久。久則生變。但毀滅其國。不傷殘於人。若武王伐殷 朽。沛公入關。晉降孫皓。隋取陳氏。皆不久之。 買林臼

殷人稱爲父母。 何氏曰。善攻者。不以兵攻、以計困之。令其自拔。令其 梅堯臣曰。久則生變。 王晳同梅堯臣註

師不久暴而滅敵國。何假六月之稽乎。

自毀。非勞久守而取之也。

張預曰。以順討逆。以智伐愚。

必以全爭於天下。故兵不頓而利可全。此謀攻之法也。

也。 曹公曰。不與敵戰。而必完全得之。立勝於天下。不頓兵血刃 李筌曰。以全勝之計爭天下。是以不頓收利也。 梅堯

臣曰。全爭者。兵不戰。城不攻。毀不久。皆以謀而屈敵。是

害。而有國富兵强之利。斯良將計攻之術也。 力不屈。不久則財不費。以完全立勝於天下。故無頓吳血刃之 日謀攻。故不鈍兵利自完。 張預曰。不戰則士不傷。不攻則

故用兵之法。十則圍之。【註二】

【註一】通典十作什非

弱客勁。不用十也。曹公操所以倍兵圍下邳。生擒呂布。若敵 杜佑曰。以十敵一則圍之。是爲將智勇等而兵利鈍均也。若主 客强。不用十也。【註二】操所以倍兵圍下邳。生擒呂布也。 曹公曰。以十敵一則圍之。是將智勇等而兵利鈍均也。若主弱

便。未必十倍然後圍之。李筌曰。愚智勇怯等。十倍於敵則圍 堅壘固守。依附險阻。彼一我十。乃可圍也。敵雖盛。所據不

子十家註

Ξ

0

逸。凡圍四合。必須去敵城稍遠。占地旣廣 令不一。設使不圍。自當潰叛。何況圍之。固須破滅。孫子所 陳宮委布降。所以能擒。非曹公力而能取之。若上下相疑。政 兵多則有闕漏。故用兵有十倍也。呂布敗是上下相疑。侯成執 量彼我兵勢。將才愚智勇怯等。而我十倍勝於敵人。是以十對 公稱倍兵降布。蓋非圍之力窮也。此不可以訓也。 言十則圍之。是將勇智等而兵利鈍均。不言敵人自有離叛。曹 面圍合以取之。是爲將智勇等而兵利鈍均也。若主弱答强。不 彼一我十。 可以圍之。無令越逸也 可以圍 。何氏日 張預曰。吾之衆十倍於敵。則 。圍者。四面合兵以圍城 。守備須嚴。若非 梅堯臣日 。而校

百而當千。千而當萬。 言守者十人。 而當圍者百人。 與此法 必十倍。然後圍之。 尉繚子曰。 守法一而當十。 十而當百

同

【註一】按杜佑作通典每全引曹注義有未了卽以已意增釋之不用十也四字據通典補

五則攻之。【註二】

【註一】通典五作伍非

殊也。 曹公曰。以五敵一。則三術爲正。二術爲奇。 人内外之應。未必五倍然後攻。 。若敵幷兵自守。不與我戰。彼一我五。乃可攻戰也。或無敵 杜牧曰。術猶道也。言以五敵一。則當取己三分爲三 李筌日。五則攻之。攻守勢 【註二】 杜佑日

道。以攻敵之一面。留己之二。候其無備之處。出奇而乘之。 子十家註 卷

孫

註

之。仲和嬰城固守。信夜令諸將以衝梯攻其城東北。信親帥將 西魏末。梁州刺史宇文仲和。據州不受代。魏將獨孤信率兵討 士襲其西南。遂克之也。 餘力。彼之勢分也。豈止分爲三道以攻敵。此獨說攻城。故下 陳皞曰。兵旣五倍於敵。自是我有

亦謂智勇利鈍均耳。 文云。小敵之堅。大敵之擒也。 。謂十圍而取五則攻者。皆勢力有餘。不待其虛懈也。此以下 何氏曰。愚智勇怯等量。我五倍多於敵 梅堯臣同杜佑註。 王晳曰

內應。則不須五倍。然後攻之。 於敵。則當驚前掩後。聲東擊西。無五倍之衆。則不能爲此計 人。可以三分攻城。二分出奇以取勝。 。曹公謂三術爲正。二術爲奇。不其然乎。若敵無外援。我有 張預曰。吾之衆五倍

倍則分之。

戰法非論衆寡。每陳皆有奇正。非待人衆然後能設奇。項羽于 之必救。使敵一分之中。復須分減相救。因以一分而擊之。夫 非也。此言以二敵一。則當取己之一。或趣敵之要害。或攻敵 水。不分而敗。王僧辯至張公洲。分而勝也。 夫兵者倍於敵。則分半爲奇。我衆彼寡。動而難制。苻堅至沈 分離其軍也。故太公曰。不能分移。不可以語奇。 敵一。則一術爲正。一術爲奇。彼一我二。不足爲變。故疑兵 曹公曰。以二敵一。則一術爲正。一術爲奇。 杜牧曰。此言 杜佑曰。己二 李筌曰。

孫子十家註

卷

烏江。二十八騎。尙不聚之。猶設奇正。循環相救。況其于他

孫 子十家 註

> 卷 Ξ

0 陳皡曰。 直言我倍于敵。分兵趨其所必救。 卽我倍中 梅堯臣

爲奇。我衆彼寡。足可分兵。主客力均。善戰者勝也。張預曰 腹背受敵。則我得一倍之利也。 曰。彼一我二。可分其勢。 更倍。以擊敵之中分也。杜雖得之。未盡其說也。

王晳曰。謂分者分爲二軍。使其 何氏曰。兵倍於敵。則分牛

吾之衆一倍于敵。則當分爲二部。一以當其前。一以衝其後 彼應前則後擊之。應後則前擊之。茲所謂一術爲正。一術爲

奇也。杜氏不曉兵。分則爲奇。聚則爲正。而遽非曹公。何誤 也

敵則能戰之。 曹公曰。己與敵人衆等。善者猶當設伏。奇以勝之。李筌曰。

寡相等。先爲奇兵可勝之計。則戰之。故下文云。不若則能避 前。或在敵後。或因深林叢薄。或因暮夜昏晦。或因隘阨山阪 多少。智勇利鈍。一旦相敵。則可以戰。夫伏兵之設。或在敵 主客力敵。惟善者戰。杜牧曰。此說非也。凡已與敵人。兵衆 擊敵不備。自名伏兵。非奇兵也。 陳皡曰。料己與敵人衆

預曰。彼我相敵 有揚奇備伏。而云伏兵當在山林。非也。 測。以與之戰。茲所謂設奇伏以勝之也。杜氏不曉。凡置陳皆 在兵敵也。 謂能感士卒心。得其死戰耳。若設奇伏以取勝。是謂智優 之。杜說奇伏得之也。 何氏曰。敵言等敵也。唯能者可以戰勝耳 。則以正爲奇。以奇爲正。變化紛紜。使敵莫 梅堯臣曰。勢力均則戰。 王晳日 。 。 不

0

孫子十家註

卷 Ξ

少則能逃之。

也。彼之衆。我之寡。不可敵。則當自逃。守匿其形。李筌曰 曹公曰。高壁堅壘。勿與戰也。 。量力不如。則堅壁不出。挫其鋒。待其氣懈。而出擊之。齊 杜佑曰。高壁堅壘。勿與戰

不敵。且避其鋒。當侯隊便。奮决求勝。言能者。謂能忍忿受 將田單守卽墨。燒牛尾。卽殺騎刧。則其義也。 非也。但敵人兵倍於我。則宜避之。以驕其志。用爲後圖 恥。敵人求挑不出也。不似曹咎汜水之戰也。 謂忍忿受恥。太宗辱宋老生以虜其衆。豈是兵力不等也。 陳皡曰。此說 杜牧曰。兵

林曰。彼衆我寡。逃匿兵形。不令敵知。當設奇伏以待之。設

詐以疑之。亦取勝之道。又一云。逃匿兵形。敵不知所備。懼

之宫。或兵少而有以勝者。蓋將優卒强耳。何氏曰。兵少固壁 晳曰。逃。伏也。謂能倚固逃伏以自守也。傳曰。師逃於夫人 其變詐。全軍亦逃。 。觀變潛形。見可則進也。 梅堯臣曰。彼衆我寡。去而勿戰。

怠。則敵雖衆。亦可以合戰。若吳起以五百乘。破秦五十萬衆 。謝元以八千卒。敗苻堅一百萬。豈須逃之乎。

勿與戰。是亦爲將智勇等而兵利鈍均也。若我治彼亂。我奮彼

張預日。彼衆我寡。宜逃去之。

不若則能避之。

援。俱不如也。則須速去之。不可遷延也。如敵人守我要害。 曹公日。引兵避之也。 相若。則引軍避之。待利而動。 孫子十家註 Ξ 杜佑曰。引兵避之。强弱不敵。勢不 杜牧曰。言不若者。勢力交

歷子子 寒眠 卷 三

發我津梁。合園於我。則欲去不復得也。 梅堯臣曰。勢力不 預曰。兵力謀勇。皆劣於敵。則當引而避之。以伺其隊 如。則引而避。一王晳曰。將與兵俱不若。遇敵攻不敗也。張

曹公曰。小不能當大也。 孟氏曰。小不能當大也。言小國不 量其力。敢與大邦爲讎。雖權時堅城固守。然後必見擒獲。春 秋傳曰。旣不能强。又不能弱。所以敗也。 李筌日。小敵不

故小敵之堅。大敵之擒也

量力而堅戰者。必爲大敵所擒也。漢都尉李陵以步卒五千人衆 。對十萬之軍。而見歿匈奴也。 杜牧日。言堅者將性堅忍。

不能逃。不能避。故爲大者之所擒也。 梅堯臣曰。不逃不避 《雖堅亦擒。"王晳註同梅堯臣。《何氏曰。如右將軍蘇建。

數萬 前將軍趙信。將兵三千餘人。與大將軍衞青分行。獨逢單于兵 誘之。遂將其餘騎可八百餘。奔降單于。右將蘇建。遂盡亡其 0 力戦 一日。漢兵且盡。前將軍信胡人。降爲翕侯。匈奴

爲云何 以數千 以明威重。閔安曰不然。兵佉小敵之堅。大敵之擒也。今建獨 軍。 斬之。是示後人無歸意也。 獨以身得亡自歸。大將軍問其正閎長史安議耶周霸等 。當單于數萬 。霸日 。自大將軍出。未嘗斬一裨將。今建棄軍可斬 。力戰一日餘。士盡不敢有二心。自歸而 張預日。小敵不度强弱而 堅戰 。建 o

夫將者。國之輔也。輔周則國必强 日 0 小固不可以敵大。弱固不可以敵强。寡固不可以敵衆。 o

必爲大敵之所擒。息侯屈於鄭伯。李陵降於匈奴。是也。孟子

孫

7

十家

註

卷

 \equiv

曹公日 。將周密 0 謀不泄也。 李筌曰。輔猶助也。將才足則

兵强。 杜牧日 o オ周 也 0 賈林曰。國之强弱 。必在於將 o

。則弱

۰

之將。國乃安强也 擇人授任。不可不慎 將輔於君 而 才周其國 0 。則强。不輔於君。內懷其貳 何氏曰。周謂才智具也。得才智周備

輔隙則國必弱 o

曹公曰。形見於外也。 李筌曰。隙。缺也。將才不備。兵必

隙缺 弱。 先知五事六行五權之用。與夫九變四機之說。然後可以內御士 何氏日 ٥ 。言其才不可不周用。事不可不周知也。故將 杜牧曰。才不周也。 王 香日 ٥ 周謂將賢 。則忠才棄備。隙謂有所缺 梅堯臣日 。得賢則周備。失士則 在軍 也 0 o 必

衆。外料戰形。苟昧於茲。雖一日不可居三軍之上矣。 張預

其國弱。太公曰。得士者昌。失士者亡。 。將謀周密。則敵不能窺。故其國强。微缺則乘釁而入。故

孟氏曰。已下語是。 梅堯臣曰。患君之所不知。 張預曰。

故君之所以患於軍者三。

不知軍之不可以進而謂之進。不知軍之不可以退而謂之退。是謂 下三事也。

縻軍 不知軍之形勢。而欲從中御也。故太公曰。國不可以從外治。 曹公曰。縻。御也。 杜佑曰。靡。御也。縻爲反。【註二】君

注 卷 Ξ

採

軍不可以從中御。

【註三】

三五

李筌曰。縻。絆也。不知進退者

卷

Ξ

孫

子

軍 進。秦將苻融揮軍少郤而敗。是不知其退 必令次戰 受鉞凶門推轂閫外之事。將軍裁之。如趙充國欲爲屯田。漢宣 必敗 使不自由也。君 0 如絆驥足無馳驟也。楚將龍且逐韓信而敗。是不知其 。孫皓臨滅。賈充尙請班師 。國君也。患於軍者。爲軍之患害也。夫 。君命內御。患莫大焉。故 。此不知進退謂之也

0

杜牧日

。猶駕縻

買林日

。軍之進退。將可臨時制變

。君

0

從中御 不知進退之宜。而專進退。是縻繫其軍。六韜所謂。軍不可以 太公曰。國不可以從外治。軍不可以從中御 進。軍未可以退。而必使之退。是謂縻絆其軍也。故曰進退由 必忠才兼備之臣爲之將也。 0 王晳曰 。縻。繁也。去此患則當託以不御之權。以 張預口。軍未可以進 o 梅堯臣日 。而必使不

內御。則功難成。

【註一】按通典縻爲反作又繫也 【註二】故太公曰已下據通典補

不知二軍【註二之事。而同【註二二二軍之政者。則軍士惑矣。

【註一】通典作軍中 【註二】通典作而同下同

變。軍國一政。以用治民。則軍士疑惑。不知所措。故兵經曰 **尚義。【註三】兵貴於權詐。形勢各異。教化不同。而君不知其** 日。軍容不入國。國容不入軍。禮不可以治兵也【註二】夫治國 曹公曰。軍容不入國。國容不入軍。禮不可以治兵也。 杜牧

慕容評出軍。所在因山泉賣樵水。貪鄙積貨。爲三軍帥。不知 在國以信。在軍以許也。 李筌曰。任將不以其人也。燕將

其政也。 杜牧曰。蓋謂禮度法令。自有軍法從事。若使同於

孫子

十家胜

註

尋常治團之道。則軍士生惑矣。至周亞夫見天子不拜。漢文知

也。 從軍師之謀。而以偏師先進。終爲楚之所敗也。 其勇不可犯。魏尚守雲中上首級。爲有司所劾。馮唐所以發憤 陳皞曰。言不知三軍之事。違衆沮議。左傳稱晉彘季不 梅堯臣日

o

容不入國。國容不入軍是也。 不知治軍之務。而參其政。則衆惑亂也。曹公引司馬法曰。軍 以治國。而不可治軍。權變可以治軍。而不可以治國。理然也 號公不修慈愛。而爲晉所滅。晉侯不守四德。而爲秦所克。 欲以治國之法。以治軍旅。則軍旅惡亂 何氏曰。軍國異容。所治各殊 0 張預日。仁義可

是不以仁義治國也。齊侯不射君子。而敗於晉。宋侯不擒二毛

而衂於楚。是不以權變治軍也。故當仁義而用權譎。則國必

危。晉虢是也。當變詐而尙禮義。則吳必敗。齊宋是也。然則

治國之道。不可以治軍也。

【莊一】據通典補

【註二】通典作禮讓

不知三軍之權。而同三軍之任。則軍士疑矣。【註一】

【註一】通典作軍覆疑矣按杜佑注直以覆敗釋之

措失所。軍覆敗也。若趙不用廣武君。而用成安君。 當精擇焉。將若不知權變。不可付以勢位。茍授非其人。則舉 曹公曰。不得其人意也。 杜佑曰。不得其人也。君之任將。 杜牧日

其材。則三軍生疑矣。黃石公曰。善任人者。使智使愚。智者 。謂將無權智。不能銓度軍士。各任所長。而雷同使之。不盡

樂立其功。勇者好行其志。貪者邀盡其利。愚者不顧其死 孫子十家註

i

陳皞曰。將在軍。權不專制。任不自由。三軍之士。自然疑也 梅堯臣曰。不知權謀之道。而參其任用。其衆疑貳也。

王晳曰。政也。權也。使不知者同之。則動有違異。必相牽制 用兵權謀之人。用之爲將。則軍不治而士疑。 上不能專任賢將。則使同之。故通謂之三患。 也。是則軍衆疑惑矣。裴度所以奏去監軍平蔡州也。此皆由君 張預日。軍吏 何氏曰。不知

罷之。遂能成功 軍疑矣。若邲之戰。中軍師荀林父欲還。裨將先穀不從。爲楚 中有不知兵家權謀之人。而使同居將帥之任。則政令不一。而 **所敗。是也。近世以中官監軍。其疉正如此。高崇文伐蜀。因**

二軍旣惑且疑。則諸侯之難至矣。是謂亂軍引勝。

致擾亂 能用其人。而乃同其政。任俾衆疑惑。故諸侯之難作。是自亂 從。果有長平之敗。諸侯之難至也。 卿藺相如。言趙括徒能讀其父書。然未知合變。王今以名使括 曹公曰。引。奪也 疑惑。未肯用命。則諸侯之兵。乘隙而至。是自潰其軍。自奪 惑而無畏則亂 **其軍。自去其勝。** 則鄰國諸侯。因其乖錯。作難而至也。太公曰。疑志不可以 如膠柱鼓瑟。此則不知三軍之權。而同三軍之任者。趙王不 0 。如引敵人使勝我也。 李筌曰。引。奪也。兵權道也。不可謬而使處。趙上 。故敵國得以乘我隙釁而至矣。 孟氏曰。三軍之衆。疑其所任。惑其所爲 王晳曰。引諸侯勝己也。 梅堯臣曰。君徒知制其將。不 杜牧曰。言我疑惑。自 張預日 何氏曰 [。軍士

孫子

十家註

Ξ

故知勝有五。

其勝也

也 孫 。 子

十家註

卷

Ξ

李筌曰。謂下五事也。 張預日。下五事也。

知可以戰與不可以戰者勝。

逆順 孟氏曰。能料知敵情。審其虛實者。勝也。 。然後以太一遁甲。算三門遇奇五將。無關格迫,主客之 李筌曰。料人事

日。 計者。必勝也。 知可不可之宜。 杜牧曰。下文所謂知彼知己是也。 王晳曰。可則進。否則止。保勝之道也 梅堯臣

守。能審攻守之宜。則無不勝。

何氏曰。審已與敵。

張預曰。可戰則進攻。不可戰則退

識衆寡之用者勝【註一】

杜佑曰。言兵之形。有衆而不可擊寡。或可以弱制强。而能變 之者。勝也。故春秋傳曰。師克在和不在衆。是也。

李筌日

晳曰。謂我對敵兵之衆寡。圍攻分戰是也。 翦伐荆。曰非六十萬不可是也。 宜則善。如吳子所謂用衆者務易。用少者務隘是也。 法。有以少而勝衆者。有以多而勝寡者。在乎度其所而不失其 。量力也。 杜牧曰。先知敵之衆寡。然後起兵以應之。如王 梅堯臣曰。量力而動。 張預曰。用兵之

上下同欲者勝 0

杜佑曰。言君臣和同。勇而欲戰者勝

曹公曰。君臣同欲 故孟子曰。天時不如地利。地利不如人和。 李筌曰。觀士卒

孫 子 十家

註

卷

≓

心。上下同欲。如報私仇者勝。陳皞曰。言上下共同其利欲

卷 Ξ

愎以取敗。呂布違異以致亡。皆上下不同欲之所致。 也。 則三軍無怨。敵可勝也。傳曰。以欲從人則可。以人從欲鮮濟 梅堯臣曰。心齊一也。 王晳曰。上下一心。若先縠剛 何氏日

。書云。受有億兆夷人。離心離德。予有亂臣十人。同心同德 商滅而周興。 ,張預曰。百將一心。三軍同力。人人欲戰 o

則所向無前矣

以虞待不虞者勝。 0

勝也。 兵。故春秋傳曰。不備不虞。不可以師是也。 孟氏曰。虞。度也。左傳曰。不備不虞。不可以師。待敵之可 杜佑曰。虞。度也。以我有法度之師。擊彼無法度之 【註二】 李筌杜

虞也。 邲之後 也。 牧 以禮。重之以睦。是以楚弗能加晉。又周末。荆人伐陳。吳敦 爲食。我行三十里。擊之必克。從之。遂破吳軍。魏大將軍南 之。軍行三十里。雨十日。夜不見星。左史倚相謂大將子期曰 曰。今夕風甚猛。賊必來燒營。宜預爲之備。諸軍皆警。夜半 征吳到積湖。魏將滿籠帥諸軍在前。與敵隔水相對 人至。見荆有備而反。左史曰。其反覆六十里。其君子外小人 日。有備預也。 陳皞日。謂先爲不可勝之師。待敵之可勝 雨丹乍夜。甲輯兵聚。吳人必至。不如備之。乃爲陳。而吳 孫子十編註 梅堯臣日 。楚無晉備 何氏曰。春秋時。城濮之後。晉無楚備。以敗於邲。 。愼備非常 。以敗於鄢。自鄢己來。晉不失備。而加之 . 王晳曰。以我之虞。待敵之不 四五 。龍令諸將

莊

燕人畏鄭三軍。而不處制人。六月。鄭二公子以制人敗燕師於 鄭祭足原繁洩駕。以三軍軍其前。使曼伯與子元潛軍軍其後 賊果遺十部來燒營。籠掩擊破之。又春秋衞人以燕師伐鄭。

渠丘。渠丘城恶。衆潰奔莒。楚入渠丘。莒人囚楚公子平。楚 北制。君子曰。不備不虞。不可以師。又楚子重自陳伐莒

大者也。備豫不虞。善之大者也。莒恃其陋。而不修城郭。浹 人曰。勿殺。吾歸其俘。莒人殺之。楚人圍莒。莒城亦惡。庚 申莒潰。楚遂入鄆。莒無備故也。君子曰。恃陋而不備。罪之

待敵。故吳起曰。出門如見敵。士季曰。有備不敗。 【註一】放春秋傳曰下據通典御覽補

辰之閒。而楚克其三都。無備也夫。

張預曰。常爲不可勝以

將能而君不御者勝。

法曰。進退惟時。無曰寡人。【註二】將既精能。曉練兵勢。君 曹公曰。司馬法曰。進退帷時。無曰寡人也。 杜佑曰。司馬

李筌曰。將在外。君命有所不受者勝。眞將軍也。吳伐楚。吳 能專任。事不從中御。故王子曰。指授在君。决戰在將也。 公子光弟夫槪王至。請擊楚子常。不許。夫概曰。所謂見義而

行。不符命也。今日我死。楚可入也。以其屬五千。先擊子常

千里請戰。假言天子不許。示武於衆。此是不能之將 任後日 子使辛毗仗節軍門。日敢問戰者斬。亮闡笑曰。荀能制吾。豈 敗之。審此則將能而君不能御也。晉宣帝拒諸葛於五丈原。天

尉繚子曰。夫將者。上不削乎天。下不削乎地。中不制乎人

+ 家

。故兵者凶器也。將者死官也。 梅荛臣曰。自閫以外。將軍

制之。 王晳曰。君御能將者。不能絕疑忌耳。若賢明之主。

乘機◆閒不容髮。安可遙制之乎。 必能知人。固當委任。以責成効。推轂授鉞。是其義也。攻戰 之事。一以專之。不從中御。所以一威。且盡其才也。兄臨敵 親操鉞。持其首。授其柄。曰。從是以上至天者。將軍制之 何氏曰。古者遣將於太廟

故李牧之為趙將居邊。軍市之租皆自用。饗士賞賜决於外。不

操斧。持其柄。授與刃。曰。從是以下至淵者。將軍制之。

韶也。蓋用兵之法。一步百變。見可則進。知難而退。而曰有 從中御也。周亞夫之軍細柳。軍中唯聞將軍之命。不聞天子之

王命焉。是白大人以救火也。未及反命而煨燼久矣。曰有監軍

焉。是作舍道邊也。謀無適從。而終不可成矣。故御能將而責

平猾虜者。如絆韓盧而求獲狡冤者。又何異焉。 事。將軍裁之。 有智勇之能。則當任以責成功。不可從中御也。故曰。闔外之 張預日。將

此五者。知勝之道也。 【註一】據通典御覽補

曹公曰。此上五事也。

故曰知彼知己。百戰不殆。【註二】

【註一】原本有者字今據通典北堂書鈔太平御覽改正又通典引作知己知彼者誤

孟氏曰。審知彼己之勢。雖百戰實無危殆。 拒敵。有何危殆乎。 杜牧曰。以我之政。料敵之政。以我之 李筌曰。量力而 四九

孫子十家註

卷

=

十家註 Ξ

以我之地。料敵之地。校量已定。優劣短長。皆先見之。然後 將。料敵之將。以我之衆。料敵之衆。以我之食。料敵之食。

敗。 百戰不危。 王晳曰。殆。危也。謂校盡彼我之情。知勝而後戰。則 張預曰。知彼知己者。攻守之謂也。知彼則可以

兵起。故有百戰百勝也。 梅堯臣曰。彼己五者盡知之。故無

是知彼知己也。 百戰不危也。或曰士會察楚師之不可敵。陳平料劉項之長短。 攻。知已則可以守。攻是守之機。守是攻之策。苟能知之。雖

不知彼而知己。一勝一貫。

曰。自以己强而不料敵。則勝貧未定。秦主苻堅。以百萬之衆 杜佑曰。雖不知敵之形勢。恃已能克之者。勝覓各半。

後果敗績。則其義也。 堅曰。我有八州之衆。士馬百萬。投鞭可斷江水。何難之有 南 百萬。投鞭可濟。遂有淝水之敗也。 稟。謝安桓冲。江表偉人。不可伐也。及堅南伐。曰。吾士馬 知已者。勝覔半也。 。 一勝一負。王猛將終。諫苻堅曰。晉氏雖爲江表。而正朔所 知守而不知攻。則勝貧之半。 知己。則安有不利乎。所謂知己者。守吾氣而有待焉者也。故 勝或覔。 伐。或謂曰。彼有人焉。謝安桓冲。江表偉才。不可輕之。 無名而有罪。所以敗也。非一勝一負之義。 張預曰。唐太宗曰。今之將臣。雖未能知彼。茍能 王晳曰。但能計己。不知敵之强弱。或 杜牧曰。恃我之强。不知敵不可伐者 陳皡曰。杜說恃强之兵 梅堯臣曰。自

子十家註

卷

五一

木知彼。不知已。每戰必殆。【註二】

【註一】北堂書鈔作必敗非通典御覽俱作必必

白。全昧於計也。 謂狂寇。不敗何待也。 梅堯臣曰。一不知。何以勝。 杜佑曰。外不料敵。內不知己。用戰必殆。【註二】李筌曰。是 張預日。攻守之術皆不知。以戰則敗。

王晳

【註一】御覽非必危也

孫子十家註卷三終

總校王詒壽分校孫鼎勳校

孫子十家註卷四

何 兵備

賜賜 進進 士出身署萊州府知府候補同知吳人驥同校士及第署山東提刑按察使分巡兗沂曹濟黃 道孫星衍

形

陰陽向背之形 杜牧日因形見曹公曰軍之形也我動彼應兩敵

凡情無形者情密有影敞相察情也 李筌日

:形者情疎密則勝疎則敗

也聲

預日兩軍攻守之形也隱於中則人不可得而知見於外則敵乘隙而至形因攻守而王哲曰形者定形也謂兩敵强弱有定形也善用兵者能變化其形因敵以制勝

謀故 攻次

孫子曰 ٠, 昔之善戰者。先爲不可勝 0

張預日。所謂知已者也

以待敵之可勝。

梅堯臣曰

。藏形內治

0

伺其虚懈

ø

張預曰。所謂彼者也

不可勝在己 0 可勝在敵。

計 塞

孫

子

+

家

四

卷 ш

曹公曰。自修理以待敵之虚懈也。 首尾相應者。為不可勝也。夫善戰者。能為不勝也。不能使敵 澤右丘陵。【註一】背孤向虛。從疑擊閒。善戰者。掎角勢連。 食。善其教練。攻其城。則尙撞棚雲梯。土山地道。陳則左川 之形。然後可勝。 則可勝之。言制敵在我自修理。以侯敵之虚懈。已見敵有闕漏 其危難。然後高壘深溝。使兵練響。以此守備之固。待敵之闕 之必可勝。故曰勝可知而不可爲。不可勝者守也。可勝者攻也 備。閑跡藏形。使敵人不能測度。因伺敵人有可乘之便 無此數者。以爲可勝也。 王晳曰。不可勝者。修道保法也。可勝者。有所 李筌曰。夫善用兵者。守則深壁。多具車 杜牧曰。自整軍事。長有待敵之 杜佑曰。先咨之廟堂。慮 ~。然後

出而攻之。

張預曰。守之故在已。攻之故在彼

隙耳。 【註一】原本作在山川丘陵誤據下文

故善戰者。能爲不可勝。 杜牧曰。不可勝者。上文註解。所謂修整軍事。閉形藏跡是也 此事在己。故曰能爲 0

張預曰。藏形晦跡。居常嚴備

。則

己能焉 0

不能使敵必可勝。【註一】

【註一】原本作之可勝按注則故書正作必也從通典御覽改正又按呂氏春秋云不可勝

杜佑曰。若敵曉練兵事。【註一】策與道合。深爲備者。亦不可

在己可勝在彼聖人必在己者不必在彼者是其證

强勝之。 子十家 杜牧曰。敵若無形可窺。無虛懈可乘。則我雖操可 註 卷 四 Ξ

子 十家 註 卷

29

0

不能强令不已備。 梅堯臣曰。崔己故能爲。在敵故無必 勝之具。亦安能取勝敵乎。 <u>_</u> [23] 買林曰。敵有智謀。深爲已備 ٥

。則我豈能必勝於彼。

王晳曰。在敵不在我也。

張預曰。若敵强弱之形。不顯於外

典御覽改正 【註一】原本作在已故練兵士按杜佑注本釋必可勝句後人臆改之以牽合上句今從通

故曰勝可知 曹公曰。見成形也。 杜牧曰。知者但能知己之力。可以勝敵

也。 陳皡曰。取勝於形。勝可知也 0

丽 三不可為

曹公曰。敵有備故也。 杜佑曰。敵有備也。已料敵見敵形者

則勝貧可知。若敵密而無形。亦不可强使爲敗。故范蠡曰

勝敗 人虚懈。為我可勝之資。 賈林曰。若敵隱而無形。不可强為 時不至不可强生 。可知之勝在我 ò 梅堯臣日。敵有闕則可知 。事不究不可强成 。我有備也。不可爲之勝在敵。敵無形也。 。敵無闕則不可爲 0 杜牧曰。言我不能使敵 0 何氏

不可勝者守也

張預曰。已有備則勝可知。敵有備則不可爲

o

曹公曰。藏形也。 杜佑曰。藏形也。若未見其形。彼衆我寡

見敵人形勢虛實。有可勝之理。則宜固守。 爲不勝之備以自守也 0 則自守也 0 杜牧日 0 。言未見敵人有可勝之形 梅堯臣一。且有待也。 張預日 ٥. 己則藏形 何 氏日

Ŧ

知己未 l。未

0

孫

子十家

註

ÞЧ

可勝者攻也。【註二】 可以勝。則守其氣而待之。

【註一】御覽一引作不可勝則守可勝則攻非一 別分] 。

守則高壘堅壁也。攻其城。則尚撞棚雲梯。土山地道。【註二】 見其形。彼寡我衆。【註二】則可攻。 曹公曰。敵攻己。乃可勝。 杜佑曰。敵攻己。乃可勝也。己 李筌曰。夫善用兵者。

陝。左川澤。右邱陵。背孤向虛。從疑擊閒。識辨五令以節衆 掎角【註三】勢連。首尾相應者。爲不可勝也。無此數者。以 杜牧曰。敵人有可勝之形。則當出而攻之。 梅

有餘。 堯臣曰 爲可勝也。 。見其闕也。 **提預曰。知彼有可勝之理。則攻其心而取之。** 王晳曰。守者似於勝不足。攻者似於勝

守則不足。攻則有餘。

【註一】原本作彼衆我寡亙誤按杜佑作通典引用曹注下附己意此云敵攻己乃可勝者 引曹注也己下云云杜佑賠也後人以其義不相比又下文有攻則有餘之言故臆改爲彼 **衆我寡**誤也據御覽改正 【註二】原本無城則尚三字據上文注補 【註三】原本無掎

筌曰。力不足者可以守。力有餘者可以攻也 曹公曰。吾所以守者。为不足也。所以攻者。力有餘也。 梅堯臣日 。守則

知力不足。攻則知力有餘。張預曰。吾所以守者。謂取勝之道 故出擊之。言非百勝不戰。非萬全不鬥也。後人謂不足爲弱 有所不足。故且待之。吾所以攻者。謂勝敵之事。己有其餘

有餘爲强者 。非也。

子 十家

註

卷 ш

七

卷 Щ

<u>U</u>.

曹公曰。固山川邱陵之固者。藏於九地之下。因天時之便者 之固。使不知所攻。言其深密。藏於九地之下。善攻者。務因 動於九天之上。 杜佑曰。善守備者。務因其山川之阻。邱陵

地之下。可以伏藏。常以直符加時干。後一所臨宮爲九天。後 之上也。 天時地利水火之變。慎敵不知所備。言其雷震發動。若於九天 李筌曰。天一遁甲經云。九天之上。可以陳兵。九

於遁。以九地爲山川。九天爲天時也。夫以天一太一之遁幽微 二所臨宮爲九地。地者靜而利藏。天者運而利動。故魏武不明

知而用之故全也。經云。知三遊五。魁然獨處。能知三五。

韜聲滅 利。 横行天下。以此法出。不拘諸咎。則其義也。 不可測。蓋守備密而攻取迅也。 勝先為九地之下也。 三月午勝先爲九天之上。子神后爲九地之下。秋三月申傳送爲 烈。疾若雷電 者極言之耳 攻之利。當高遠神速。乘其不意。懼敵人覺我而爲之備也。九 九天之上。寅功曹爲軋地之下。冬三月子神后爲九天之上。午 陳皡曰。春三月寅功曹爲九天之上。申傳送爲九地之下。夏 當潛藏其形。沈靜幽默。不使敵人窺測之也。攻者爲見可 孫 跡 子十家 。幽比鬼神。在於地下。不可得而見之。攻者勢迅聲 。如來天上。不可得而備也。九者高深數之極。 註 何 氏曰。九地九天。言其深微。尉繚子曰。治 梅堯臣曰。九地言深不可知。九天言高 王晳曰。守者爲未見可攻之 杜牧曰。守者

卷

四

0

孫子十

家註

卷四

兵者若祕於地。若邃於天。言其祕密邃遠之甚也。後漢涼州賊 王國圍陳倉。左將軍皇甫嵩督前軍董卓教之。卓欲速進赴陳倉 嵩 不聽 。卓曰。智者不後時。勇者不留决。速救則城全。不

不足者陷於九地之下。今陳倉雖小。城守固備。非九地之陷也 不 救則城滅。全滅之勢在於此也。嵩曰。不然。百戰百勝。不如 殿而屈人之兵。是以先爲不可勝。以待敵之可勝。不可勝在 王國雖强。而攻我之所不救。非九天之勢也。夫勢非九天。 。可勝在彼。彼守不足。我攻有餘。有餘者動於九天之上。

遂不聽。王國圍陳倉。自冬迄春。八十餘日。城堅守固。竟不 保不拔之小城。我可不煩兵動衆。而取全勝之功。將何救焉 攻者受害。 陷非九地。守者不拔。國今已陷受害之地。而陳倉

而不可知也。動於九天之上。喻來而不可備也。尉繚子曰。若 能 :拔。賊衆疲弊。果自解去。 張預曰。藏於九地之下。喩幽

。若邃於天。是也。守則固。是自保也。攻則取。是全

見勝不過衆人之所知。非善之善者也。

勝心 於此

曹公曰。當見未萌 0 孟氏曰。當見未萌。言兩軍已交。雖料

而出井陘曰。破趙會食。時諸將應然佯應曰。諾。乃背水陳 非國師也 見勝負。策不能過於人。但見近形非遠。太公曰。智與衆同 o 李筌曰。知不出衆。知非善也。韓信破趙。未餐

此則衆所不知也 孫 註 ٥ 卷 杜牧曰。衆人之所見。破軍殺將 四

心然後

趙乘壁望見。皆大笑。言漢將不便兵也。乃破趙食。斬成安君

孫

註

四

林囗。*守必固。攻必克。能自保全而常不失。勝見未然之勝。 知勝。我之所見。廟堂之上。罇俎之間。已知勝貧者矣。 子十家

不知制勝之形。 善知將然之敗。謂實徵妙通元。非衆人之所見也。 梅堯臣曰 。人所見而見。故非善。 張預曰。衆人所知。已成己蓍也。我之所見 王晳曰。衆常之人。見所以勝。而

未形未萌也。

戰勝而天下曰善。 【註二】 非善之善者也。

【註一】御覽作日軍善

曹公曰。交爭勝也。【註一】太公曰。爭勝於白刃之口。非良將 牧曰。天下。猶上文言衆也。言天下人皆稱戰勝者。故破軍殺 也。【註三】 李筌曰。爭鋒力戰。天下易見。故非善也。

杜

將者也。我之善者。陰謀潛運。攻心伐謀。勝敵之日。曾不血

刃 善之善者心。 不日善。 衆人稱之曰善。是有智名勇功也。故云非善。若見微察隱 o 陳皞日 王晳曰。以謀屈人則善矣。 。潛運其智。專伐其謀。未戰而屈人之兵。乃是 梅堯臣曰。見不過衆。戰雖勝。天下稱之。猶 **張預**曰。戰而後能勝

【注一】原本作爭鋒也據御覽改正 【註二】據御覽補

取勝於無形。則眞善者也。

0

٥

故舉秋毫不爲多力。見日月不爲明目。聞雷霆不爲聰耳 曹公曰。易見聞也。 李筌曰。易見聞也。以爲攻戰勝。而天

下不曰善也。夫智能之將。人所莫測。爲之深謀。故孫武曰 ٥

難 知如陰也。 王晳曰。衆人之所知。不爲智。力戰而勝人。

卷 ш

子十家

註

+ 家 註 卷

Щ

兵矣。 不為善 步為聰也。兵之成形而見之。誰不能也。故蔣於未形。乃爲知 獲舉千鈞之鼎爲力。離朱百步覩纖芥之物爲明。師曠聽蚊行螘 張預曰。人皆能也。引此以喻衆人之見勝也。秋毫謂 何氏曰。此言衆人之所見所聞。不足爲異也。昔鳥

古之所謂善戰者勝 。勝易勝者也。【註一】

兔毛至秋而勁。經言至輕也。

【註一】原本作古之所謂善戰者勝於易勝者也此後人所改今據御覽訂正

曹公曰。原微易勝。攻其可勝。不攻其不可勝也。 杜牧日

微。 敵人之謀。初有萌兆。我則潛運以能攻之。用力旣少。制勝旣 故曰易勝也。 不出衆人之所能也。故見於蓍則勝於艱。見於微則勝於易 梅堯臣曰。力舉秋毫。明見日月。聰聞雷

霆。

何氏曰。言敵人之謀。初有萌兆。我則潛運已能攻之。用

力旣少 故善戰者常攻其易勝。而不攻其難勝也。 制敵者。是其勝難也。見微察隱而破于未形者。是其勝易也 0 制勝甚微。故曰易勝也。 張預曰。交鋒接刃而後能

勝敵而天下不知。何智名之有。 曹公曰。敵兵形未成。【註一】 勝之無赫赫之功也。 杜牧曰。勝於未萌。天下不 李筌日

故善戰者之勝也。無智名

。無勇功

٥

0

B 知 [。大智不彰。大功不揚。見微勝易。何勇何智。 。故無智名。曾不血刃。敵國已服 。故無勇功也 ٥ 何氏曰。 梅堯臣

裴度能之。 患銷未形。人誰稱智。 張預曰。陰謀潛運。取勝於無形。天下不聞料敵 不戰而服 。人誰言勇。漢之子房。唐之

孫

子

衣

'nŧ

卷

74

孫子十家註

制勝之智。不見搴旗斬將之功。若留侯未嘗有戰鬥功是也。

【註一】原本作未形從御覽改

故其戰勝不心。 李筌曰。百戰百勝。有何疑武也。此筌以忒字爲貳也。

陳皡

亦有敗時。旣見於未形。察於未成。百戰百勝。而無一差忒矣 日。籌不虛連。策不徒發。 張預日。力戰而求勝。勝雖善者

不武者其所措必勝。勝已敗者也。

曹公曰。察敵有可敗。不差忒也。,李筌曰。置勝於已敗之師

何忒焉。師老卒惰。法令不一。謂已敗也 o 杜牧曰。措

措置也,忒。差忒也。我能置勝不忒者。何也。蓋先見敵人巳

敗之形。然後攻之。故能制必勝之功。不差忒也 0 賈林曰

0

讀措為錯 。錯雜也 。取敵之勝。理非一途。故雜而料之也。常

於勝未形。已見敵之敗 何氏日 。善料也。 張預曰。所以能勝而不差者。蓋察知敵 0 梅堯臣曰。睹其可敗。勝則 不差 0

故善戰者立於不敗之地。而不失敵之敗也 o

有必可敗之形

。然後措兵以勝之云耳

o

李筌曰。兵得地者昌。失地者亡。地者要害之地。秦軍敗趙 先據北山者勝。宋師伐燕。過大観而勝 。皆得其地也 0 杜牧

敵人之敗者。言窺伺敵人可敗之形 曰。不敗之地者。爲不可爲之計。使敵人必不能敗我也。不失 杜佑註同杜牧。 梅堯臣曰。善候敵隊 。不失毫髮也。陳皡註同李 。我則常勝

Ŀ

孫子

十家註

Щ

-七

何氏日

。自恃

子

+

卷

74

有備 也。言我常爲勝所。 \pm 「晳曰。常爲不可勝。待敵可勝。不失其機。 則 無 患。常伺敵隊 張預曰。審吾法令。明吾賞罰。便吾器 。則勝之。不失也。立於不敗之地利

是故勝兵先勝而後求戰。敗兵先戰而後求勝

o

是不失敵之敗也

0

用

養吾武勇。是立於不敗之地也。我有節制

。則彼將自衂

0

曹公曰。有謀與無慮也 0 李筌曰。計與不計也。是以薛公知

計必先定於內。然後兵出乎境。不明敵人之政。不能功也。不 鯨布之必敗。田豐知魁武之必勝。是其義也。 。天時地利。其數多少。其要然出於計數。故凡攻伐之道 杜牧曰。管子

明敵人之積。不能約也。不明敵人之將。不見先軍。不明敵人

。不見先陳。故以衆擊寡。以理擊亂。以富擊貧。以能擊

謀深而慮遠。審於天時。稽乎人理。若不料其能。不達權變 後求戰之義也。衞公李靖曰。夫將之上務。在於明察而衆和 。以教士練卒。擊殿衆白徒。故能百戰百勝。此則先勝而

٥ o

勝而戰 我之情。陳兵輕進。 而腦狼虎者乎。此則先戰而後求勝之義也。 彼一此。進退狐疑。部伍狼籍。何異趣蒼生而赴湯火。驅牛羊 及臨機赴敵 。先定必勝之計。 。戰則勝矣。未見可勝。勝可得乎。 。方始趦趄。左顧右盼 而後出軍 意雖求勝 。若不先謀。而欲恃强。勝未必也 。而終自敗 。計無所出 也。 何氏曰。凡用兵 賈林曰。不知彼 。信任過 梅堯臣曰 諁 0 0

家註 四

子

-}-

張預曰。計謀先勝

。然後興師

。故以戰則克。尉繚子曰

兵不必勝。不可以言勝。攻不必拔。不可以言攻。謂危事不可

孫子

家註

卷四

善用兵者修道而保法。故能爲勝敗之政。 。欲幸其成功。故以戰則敗。 彼矣。此之謂也。若趙充國常先計而後戰。亦是也。不謀而進 輕舉也。又曰。兵貴先勝於此。則勝彼矣。弗勝於此。則弗勝

曹公曰。善用兵者。先自修治。爲不可勝之道。保法度。不失 敵之敗亂也。 李筌曰。以順討逆。不伐無罪之國。軍至無虜

亡國之事。謂之道法也。軍嚴肅。有死無犯。賞罰信義 掠。不伐樹木汚井竈。所過山川城社陵祠。必滌而除之。不習 此者。能勝敵之敗政也。 善用兵者。先修理仁義。保守法制。自爲不可勝之政。 杜牧曰《道者仁義也。法者法制也 (。 將若 一旬敵

有可敗之隙。則攻能勝之。 賈林日。常修用兵之勝道。保賞

堯臣曰。攻守自修。法令自保。在我而已。 罰之法度。如此則當為勝。不能則敗。故曰勝敗之政也。 王哲曰。法者下

愛而畏之。然後能為勝敗

勝。或曰。先修飾道義以和其衆。後保守法令以戢其下。使民

張預曰。修治爲戰之道。保守制敵之法。故能必

之五事也。

兵法。一曰度。

賈林曰。度土地也。 王晳曰。丈尺也。

一曰量。 賈林曰。 皮土地也。

三日數 賈林曰。量人力多少。倉廩虚實。

孫子十家

註

卷

四

王晳

賈林曰。算數也。以數推之。則衆寡可知。虛實可見。 孫 子 +

家 註

卷 四

既知衆寡。兼知彼我之德業輕重。才能之長短。

 \pm

賈林曰。

晳曰。權衡也。

五曰勝

曹公曰。滕敗之政。用兵之法。當以此五事稱量。知敵之情。

張預曰。此言安營布陳之法也。李衞公曰。教士猶布碁於盤

地生度。

0

若無畫路。碁安用之。

曹公曰。因地形勢而度之。

李筌曰。旣度有情。則量敵而禦

四日稱。

曰。百千也。

之。 牧日

所入。 何 。然後起兵 兵車所藉。山河險易。道理迂直。自度此事。與敵人如 。度者計也。言度我國土大小。人戶多少。徵賦 。夫小不能謀大。弱不能擊强。近不能襲遠。夷

生度 不能 0 0 攻險。此皆生於地。故先度也。 度所以度長短 王晳曰。地。人所履也。舉兵攻戰。先計於地。由地故 。知遠近也。凡行軍臨敵。先須知遠近之 梅堯臣曰。因地以度軍

敵國之險易 0 何氏曰。地者。遠近險易也。度。計 。道路迂直。兵甲孰多。勇怯孰是。計度可伐。然 也 0 未出軍 。先計

計

後興師動衆。 可以成功。

度生量

杜 牧日 子 。量者。酌量也。言度地已熟。然後能酌量彼我之强弱 家 註 卷 29

也 0 孫 梅堯臣曰。因度地以量敵情。 子 + 王晳曰。謂量有大小

家 註

> 苍 四

言旣知遠近之計。則須更量其地之大小也。

何氏曰

。量酌彼

量生數 己之形勢

弱。須備知士卒軍資之數而勝也。 曹公曰。知其遠近廣狹。知其人數也。 言强羽已定。然後能用機變數也。 買林日 杜 牧日 李筌曰。量敵遠近强 。數者。機數 。量地遠近廣狹

也

o

Ξ

則知敵人人數多少也。 數所以紀多少。言旣知敵之大小。則更計其精劣多少之 梅堯臣曰。因量以得衆寡之數 ٥

我强弱利害。然後為機數。 曹公曰。知其人數 o 張預曰。地有遠近廣狹之形。必 何 **氏**日 0 數 0 機變也。先酌量彼

數

先度知之。然後量其容人多少之數也。

數生稱 得賢者重。失賢者輕。如韓信之論楚漢也。須知輕重。別賢愚 曹公曰。稱量敵孰愈也。 o 0 李筌曰。分數既定。賢智之多少

稱生勝 牧計。 小之度。多少之數。以與敵相形。則知重輕所在。 晳曰。稱所以知重輕。喻强弱之形勢也。能盡知遠近之計。大 後可以稱校彼我之勝負也。 而稱之。錙銖則强 杜牧曰。稱。校也。機權之數已行。然 梅堯臣曰。因數以權輕重。 何氏同杜

曹公曰。稱量之數。知其勝覓所在。

李筌曰。稱知輕重。勝

子 + 家 註

卷 Ш

卷 29

敗之數可知也。 杜牧曰。稱校旣熟。我勝敵敗。分明見也

王晳曰。重勝輕也。 陳皞杜佑同杜牧上五事註 何氏曰。上五事。未戰先計必勝之法 0 梅堯臣日 。因輕重以知勝

稱則勝 與人數相稱。則疏密得宜。故可勝也。 度數。度謂尺寸。數謂什低。度以量地。數以量兵。地與兵相 故孫子引古法以疏勝敗之要也。 。五者皆因地形而得。故自地而生之也。李靖五陳隨地 張預曰。稱 尉繚子日 。宜也。地形 0 無過在於

故勝兵若以鎰稱銖 0

形而變是矣

梅堯臣曰。力易舉也。

敗兵若以銖稱鎰

0

李筌曰。二十兩爲鎰。銖之於鎰。

鎰。二十四銖爲兩。此言有制之兵。對無制之兵。輕重不侔也 輕重異位。勝敗之數。亦復如之。 曹公曰。輕不能舉重也。 王晳曰。言銖鎰者。以明輕重之至也。 梅堯臣曰。力難制也 張預曰。二十兩爲 0

勝者之戰。民也。若決積水於千仞之谿者。形也。 曹公曰。八尺曰仞。決水千仞。其勢疾也。〔註二〕李筌曰。八

也。 刃自解。則其義也。 尺曰仞。言其勢也。杜預伐吳。言兵如破竹。數節之後。皆迎 如我之守不見形也。及決水下。湍澤奔注。如我之攻不可禦 梅堯臣曰。水決千仞之谿。莫測其迅。兵動九天之上。 杜牧曰。夫積水在千仞之谿。不可測量

孫

子十家註

卷

ш

莫見其跡。此軍之形也。 孫子十家註 卷 四 王晳曰。千仞之谿。至陗絕也。喩

避高而趨下。决之赴深谿。固湍浚而莫之禦也。兵之形象水 不可勝對可勝之形。乘機攻之。决水是也。

張預曰。水之性

勢莫之能禦。如善守者。匿形晦跡。藏於九地之下。敵莫能測 千仞之谿。謂不測之淵。人莫能量其深淺。及決而下之。則其 乘敵之不備。掩敵之不意。避實而擊虛。亦莫之制也。或曰。

其强弱。及乘虚而出。則其鋒莫之能當也。

【註一】御覽注切七尺也其勢疾也原本云其高勢疾也衎從御覽

總校王詒壽分校孫 璘同校

孫子十家卷四終

賜進士出身署萊州府知府候補同知吳人驥同校賜進士及錦署山東提刑按察使分巡兗沂曹濟黃河兵備道孫星衔

埶篇 日勢者積勢之變也善戰者能任勢以取勝不勞力也 張預曰兵勢以成然後曹公曰用兵任勢也 李筌曰陳以形成如決建領之勢故以是篇次之 王督

勝数次形任勢以取

曹公曰。部曲爲分。什伍爲數。孫子曰。凡治衆如治寡。分數是也。

孟

氏

日

٥

分

。隊伍也

。數

0

鳴一金。舉一 兵之大數也 0 分數多少 旌 0 而三 軍盡 0 制置先定 應。 號全既定。 ۰. 李筌日 如寡焉 0 善用兵者 杜牧日 0 將

歺 分者。分別也 各任偏裨長伍 0 數者 --0 訓練昇降 0 人數 也 o 0 皆貴成之。 言部曲行 伍 故我所治者寡也 。皆分別其 八人數多

孫子十家註 卷 五

韓信曰。多多益辦是也。 子 註 五 陳皡曰。若聚兵既衆。即須多爲部

多。必先分偏裨之任。定行伍之數。使不相亂。然後可用。故 曰。部伍奇正之分數。各有所統。 王晳曰。分數。謂部曲也 遇敵臨陳。授以方略。則我統之雖衆。治之益寡。 梅堯臣 偏裨各有部分與其人數。若師旅卒兩之類。張預曰。統衆旣 部伍之內。各有小吏以主之。故分其人數。使之訓齊決斷

治兵之法。一人曰獨。二人曰比。三人曰參。比參爲伍。五

爲列。二列爲火。五火爲除。二除爲官。二官爲曲。二曲爲部 治百萬之衆。如治寡也 。二部爲校。二校爲碑。二裨爲軍。遽相統屬。各加訓練。雖

鬭衆如鬭寡。形名是也。

之。我安得獨爲形名。鬥衆如鬥寡也。夫形者。陳形也。名者 曹公曰 旌旗也。戰法曰。陳閒容陳。足曳白刃。故大陳之中。復有 。旌旗曰形。金鼓曰名 杜牧曰。旌旗鍾鼓。敵亦有

敗。 將某陳。自有名號。形名已定。志專勢孤。人自爲戰。敗則自 小 。夫軍士旣衆。分布必廣。臨陳對敵。遽不相知。故設旌旗之 陳。各占地分。皆有陳形。旗者各依方色。或認以鳥獸。某 勝則自勝 。戰百萬之兵。如戰一夫。此之是也。 陳皡日

旌旗。名以釆章。指麾應速。無有後先。 令之曰。聞鼓則進。聞金則止。曹說是也。 形。使各認之。進退遲速。又不相聞。故設金鼓以節之。所以 王晳曰。曹公曰。 梅堯臣曰。形以

=

。名者。各

旌旗曰形。金鼓曰名。晳謂形者。旌旗金鼓之制度

孫

子十家註

卷五

1。 視不

二軍之衆。可使必受敵而無敗者。奇正是也 相見 有其名號也。 得獨進。怯者不得獨退。故曰此用衆之法也 故令士卒望旌旗之形而前却。聽金鼓之號而行止。則勇者不 。故爲旌旗。今用兵旣衆。相去必遠。耳目之力所不聞見 + 家 註 張 預曰。軍政曰。言不相聞。故爲鼓鐸 卷五 o 0

曹公曰。先出合戰爲正。後出爲奇。李筌曰。當敵爲正。傍出 爲奇。將三軍無奇兵。未可與人爭利。漢吳王濞擁兵入大梁

臣願得五萬人。別循江淮而上。收淮南長沙。入武關與大王會 此亦一奇也。不從。遂爲周亞夫所敗。此則有正無奇。杜牧 。解在下文。 田伯祿。說吳王曰。兵屯聚而西 賈林曰。當敵以正陳。取勝以奇兵。前後左 。無他奇道。難以立功

靜爲

背水正也 浪戰也。如韓信背水而陳。以兵循山而拔趙幟。以破其國 奇 也 沌 正還相生。故畢受敵而無敗也。 正。靜以待之。動以勝之。 者。奇正之謂也。尉繚子曰。今以鏌鎁之利。犀兕之堅。三軍 0 。我之正。使敵視之爲奇。我之奇。使敵視之爲正。正亦爲 丽 。俱能相應 奇亦為 無不是正。無不是奇。若兵以義舉者正也。臨敵合變者奇 **廣魏王豹。則臨晉正也。夏奇陽也。由是觀之。受敵無敗** 。循山奇也。信又盛兵臨晉。而以木罌從夏陽襲安邑 正。大抵用兵皆有奇正。無奇正而勝者。幸勝也 0 則常勝而不敗也。 王晳曰。必當作畢。字誤也。奇 何氏曰。兵體萬變。紛紜混 梅堯臣曰。動爲奇。

。則 0

張預日。三軍雖衆

之衆。有所奇正。則天下莫當其戰矣。

孫

子十家註

Ŧi.

使人人皆受敵而不敗者。在乎奇正也。奇正之說。諸冢不同 奇。則吾以正擊之。混爲一法。使敵莫測。茲最詳矣。 爲正。使敵視以爲正。則吾以奇擊之。以正爲奇。使敵視以爲 正爲正。以奇爲奇。曾不說相變循環之義。唯唐太宗曰。以奇 尉繚子則曰。正兵貴先。奇兵貴後。曹公則曰。先出合戰爲正 。後出爲奇。李衞公則曰。兵以前向爲正。後却爲奇。此皆以

兵之所加。如以碨【註一】投卵者。虛實是也。曹公曰。以至實擊 至虛 筌曰。磤實卵虛。以實擊虛其勢易也。 料敵情。委知虛實。後以兵而加之。實同以磤石投卵也。 音遐。以實擊虛。獨以堅破脆也。 孟氏曰。磤石也。兵若訓練至整。部領分明。更能審 王晳曰。鍛。治鐵也。 梅堯臣曰。磤。石也

然後分奇正。奇正審然後虛實可見矣。四事所以次序也 之必矣。夫合軍聚衆。先定分數。分數明然後習形名。形名正 常虛。不往赴彼。則我勢常實。以實擊虛。如舉石投卵。其破 戰者致人而不致於人。此虛實彼我之法也。引致敵來。則彼勢 何氏曰。用兵識虛實之勢。則無不勝。 張預曰。下篇曰。善

【註一】按破當為破從段唐以後多遐音者以字之譌而作音也至王晳又以冶鐵之鍛賞

凡戰者以正合。以奇勝。

曹公曰。正者當敵。奇兵從傍擊不備也。 奇者從傍擊不備。以正道合戰。以奇變取勝也 杜牧曰。正者當敵 0 李筌日

0

戰無其詐。難以勝敵。 採 子 註 卷 Ŧī. 梅堯臣曰。用正合戰。用奇勝敵。 七

子 + 家 註 卷 Ŧī.

何氏日 0 如戰國廉頗爲趙將 。秦使閒曰。秦獨畏趙括耳 。廉頗

劐 0 使括代頗。至則出軍擊秦。秦軍佯敗而走。張二奇兵以 且降矣。會頗軍多亡失。數敗。堅壁不戰 0 叉聞秦反閒

劫之。趙軍遂勝。 追造秦壁。壁堅。拒不得入。 而秦奇兵二萬 0

五千 Ö 絕趙軍後。又五千騎絕趙壁。閒趙兵分爲二。糧道絕 。率

括卒敗 衆備邊。會房寇馬邑。仁恭以衆寡不敵。有懼色。高祖曰 0 又唐突厥犯塞 0 煬帝令唐高祖與馬邑太守王仁恭

。 今

千。出爲遊軍。居處飲食。隨逐水草 主上遐遠。孤城絕接。若不死戰。難以圖全。於是親選精驗四 *。* 同於突厥 。見虜候騎

者爲別除。持滿以待之。廣莫能測。不敢决戰。因縱奇兵擊走 但馳聘遊獵 耳 。若輕之。 及與虜相遇。則掎角置陳。選善射

奇兵。皆黑衣元甲。分爲左右隊。建大旗。令騎將秦叔寶程饒 之。 獲其特勒所乘駿馬。斬首千餘級。又太宗選精銳千餘騎為

進往依之。漢祖壯其材。會北虜屠安陽城。因遺進攻拔之。戎 所向摧殄。常以少擊之。賊徒氣懾。又五代漢高祖在晉陽 金等分統之。每臨寇。太宗躬被元甲。先鋒率之。候機而進 ·遁去。授坊州刺史。廣主道斃。高祖出奇兵井陘 郭 o

先入沼北。 **因定河北。此皆以奇勝之迹也。** 張預日 1。 兩軍

。進以閒道

勝之。 相臨 。先以正兵與之合戰。徐發奇兵。或擣其旁。或擊其後以 **考鄭伯禦燕師。以三軍軍其前。以潛軍軍其後是也**

故善出奇者。【註一】 無窮如天地

【註一】北堂書鈔作善出兵按作兵者義長也後人以其如天地如江河之言臆改爲奇耳

孫

子 + 家

註

卷 Ŧī.

九

畤

更互

0

月四時

0

孫

子

-家 註

卷 Ŧi.

宋時 諸本則 皆作奇故鄭友賢云不言正闕文也

不竭如江河 李筌日 。動靜也

杜佑日 。言應變出奇。無有窮竭 。言應變出奇無窮竭。 o 李筌曰。通流不絕。 張預日

終而復始。日月是也。死而復生。 杜佑日 。日月運行。入而復出 0 四時 四時是也 更王 。 興而復廢 。言奇正

變化。或若日月之進退。 四時之盛衰也。 李筌曰。奇變如日

盛而復衰。喻奇正相變。紛紜渾沌。終始無窮也 虧盈寒署不停。 張預曰。日月運行。入而復出 0 0 四

李筌曰。宫商角徵羽也

0

丘拏之)楚。不可勝庙 (1737日。宫郡月28

五聲之變。不可勝聽也 李筌曰。變入八音。奏樂之曲。不可盡聽。 0

色不過五。

李筌曰。青黃赤白黑也。

【註二】北堂書鈔製作視五色之變。不可勝觀也。【註二】味不過五。

李筌曰。酸辛醎甘苦也。

五味之變。不可勝嘗也 曹公曰。自無窮如天地已下。皆以喻奇正之無窮也。 ٥

孫子十家註 卷

Ŧī.

五味之變。庖宰鼎飪也。

句正之無窮也。 李筌日

杜牧臼。白無窮如天地已下。皆

喻八陳奇正也。, 孫 子 十 家 註 脹頹曰。引五聲五色五味之變。以喻奇正法

生之無窮

戰埶不過奇正。奇正之變。不可勝窮也。

李筌曰。邀截掩襲。萬途之勢。不可窮盡也。

梅堯臣曰。奇

正之變。猶五聲五色五昧之變無盡也。 王晳曰。奇正者。川

兵之針鍵。制勝之樞機也。臨敵運變。循環不窮 。窮則敗也。

陳之勢。止於奇正一事而已。及其變而用之。則萬途千轍 何氏曰。六韜云。奇正發於無窮之源。【註一】 張預日。戰 。烏

可窮盡也

奇正相生。如循環之無端。孰能窮之。 【註一】原本作孟氏按合注之例孟氏在前今置於此當是何氏法傳寫誤耳改從何氏

李筌曰。奇正相依而生。如環團圓。不可窮倪也。 變動周於不極。 王晳曰。敵不能窮我也。 何氏日。奇正 梅堯臣日

爲正。正亦爲奇。變化相生。若循環之無本末。誰能窮詰 生而轉相爲變。如循歷其環。求首尾之莫窮也 張預臼。奇亦

激水之疾。至於漂石者。執也。

性剛重。至於漂轉大石。投之洿下。皆由急疾之流。激得其勢 孟氏曰。勢峻則巨石雖重不能止。 杜佑日。言水性柔弱。石

石也。 。張預曰。水性柔弱。險徑要路。激之疾流。則其勢可以轉巨

鷙鳥之疾。【註一】至於毀折者。節也。

【註一】御覽作驚鳥之擊按當作擊詳注意惟李筌本作疾呂氏春秋云者驚鳥之擊也摶

孫

子十家

絓

卷

Ŧī.

攫 訶 殪

曹公曰 【註1】必能挫折禽獸者。皆有伺候之明。邀得屈折之節也。王 。發起擊敵。 杜佑曰。發起討敵。如鷹鸇之攫摶也 o

勢。 者。 威 子曰。 o 故能漂石也。節者 善於疾而有節制。 鷹隼一擊。百鳥無以爭其勢。猛虎一奮。萬獸無以爭其 李筌曰柔勢可以轉剛。況於兵者乎。彈射之所以中飛鳥 。節量遠近則攫之。故能毀折物也。梅 杜牧曰。勢者。自高注下。得險疾之

晳曰。鷙鳥之疾亦勢也。由勢然後有摶擊之節。下要云險 先取漂石之以喻也 堯臣曰。水雖柔。勢迅則漂石。鷙雖微。 0 何 氏曰。水能動石 張預曰。鷹鷦之擒鳥雀。必節量遠近 。高下之勢也。鷙能 節勁則折 物 。 故

0

搏物。能節其遠近也。

發之如擊。李靖曰。鷙鳥如擊。卑飛斂翼。皆言待之而後發 伺候審而後擊。故能折物。尉繚子曰。便吾器用。養吾武勇

也。

【註一】鸇通典作鶴搏原本作撮

是故善戰者。其埶險。

【註】

【注一】原本埶幷作勢按鶻冠子云埶急節短不作勢者古無勢字也今改正篇內

幷同

險隘而成勢。 殺人。故下文喻如彍弩。 曹公李筌曰。險猶疾也。 杜牧曰。險者。言戰爭之勢。發則 王晳曰。險者所以致其疾。如水得

其简短。

曹公李筌曰。短。

採 Ţ

荻 注 近也。 卷

Ŧi. 杜佑曰。短。近也。節。斷也。短

귶

六

「。險

孫

鷙鳥之發。近則搏之。力全志專。則必獲也。 近 如是耳。曹公曰。短者近也。 能搏者。發必中。來勢遠。而所摶之節至短也。兵之乘機 則迅。短則勁。故戰之勢。當險疾而短近也。 。言能因危取勝。以遠擊近也。 孟氏同杜牧註。 杜佑曰。言以近節也。如 王晳曰。鷙之 梅堯臣日 張預日

。險 。當

疾。短近也。言善戰者。先度地之遠近。形之廣狹。然後立陳 遠。故勢迅則難禦。節近則易勝 0 使部伍行列。相去不遠。其進擊。則以五十步爲節。不可過 0

埶如彍 中。彍。張也。言形勢之彍。如弩之張。奔擊之。易如機之發 曹公曰 弩。節如發機 。在度不遠。發則中也。 杜佑曰。在度內不遠。發則

者固須以近简量之。然後必能中。故上文云。其節短。短乃近 張。勢不逡巡。如機之發。節近易中也。 奮擊不近。則不能克敵而全勝。 也。故牧野誓曰。六步七步。四伐五伐。是以近也。 也。此言戰陳不可遠逐敵人。恐有隊伍離散斷絕。及爲敵所乘 之張者。所以有待也。待其有可乘之勢。如發其機 o 弩之發機。近則易中。戰之遇敵。疾則易捷。若趨馳不速 兵之勢。如弩之發 礦。張也。如弩已張。發則殺人。故上文云。其勢險也。機 採 子十家 註 卷 0 Ŧī. 梅堯臣曰。彍音霍。彍張也。如弩之 買林曰。戰之勢。如弩之張 王晳曰。戰勢如弩 0 何氏日 陳皡日

也

o

弩不疾則不遠。矢不近則不中。勢倘疾。節務速。

。故太公曰。擊之如發機。所以破精微也。

【註二】

杜 李 筌 臼

註 卷 Ħ.

八

子

+

所以破精微也。張預曰。如弩之張。勢不可緩 速 險。疾也。短。近也。此言擊戰得形。便如張弩發機。勢宜疾 不可遠。言趨利尚疾。奮擊貴近也。故太公曰。擊如發機者。 0 仍利於便近。不得追擊過差也。敵太公曰。擊如發機者。 0 如機之發。

節

所以破精微也

【註一】原本無今據通典補

紛紛紜紜 。鬥亂而不可亂也。渾渾沌沌。形圓而不可敗也。

形圓者 以金鼓齊之。紛紛。旌旗像。紜紜。士卒貌 曹公曰。旌旗亂也。示敵若亂。以金鼓齊之。車騎【註一】 0 出入有道齊整也 0 杜佑曰。旌旗亂也。示敵若亂 。言旌旗翻轉 一轉而 0

0

合一離。士卒進退。或往或來。視之若散。擾之若亂。然其法

其人之列 背也 法也 有部 本反 或總稱之。先出遊軍定兩端。此之是也。奇者零也。陳數有 馳。視其行陳縱橫 轉形圓者。出人有道齊整也 中 將 心有零者。大將握之不動。 0 欲 。示敵可敗而不可敗者。號全齊虧包。 o 0 沌陟損反 風后握奇文曰 鳴金有節 內明而 。度幟 【註三】 分明。各有分數。擾三不亂者也。車 。面面相向 外暗 。是以不了関し、 0 【註三】 李筌日 0 。内治而外混 。四爲 圓 。背背相承也。周禮蒐苗獮狩。車驟徒趨 而不方。然而指趨各有所 一。渾渾 正。四爲奇 以制四面 。所以示敵之輕己者也 。紛紜而鬥。示如可 渖 。站擊轉行。沌沌 浦 , 餘奇穹屋。奇音 人熟也。形 八陳。而取準則 杜牧曰 應 О 故王子曰 圓 亂 0 0 此言陳 步驟奔 。無向 o - 騎齊 が t 焉 機

讠 o

0

孫子

十家

註

卷

Ŧi.

Ħi.

及表乃止。進退疾徐疏密之節。一如戰陳。表乃旗也。旗者

本方旗 爲陳也。周禮蒐苗獮狩。車驟徒趨 蓔 與民期於下也。握奇文曰。先出遊軍。定兩端。蓋遊軍執 。先定地界。然後軍士赴之。 。及表乃止。此則八陳遺制 兵於旗下。乃出奇正。變

難其事耳。夫五兵之利。 握奇之文 。止此而已。其餘之詞。乃後之作者增加之。以重 無如弧矢之利以威天下。五兵同 致

天獨有弧矢星。聖人獨言弧矢能威天下。不言他兵何也。蓋戰

徒 法利於弧矢者。 制夷廚騎士。此乃弧矢之利也。在於近代可以驗之者 非得陳不見其利。故黃帝勝於蚩尤。以中夏車 音音

此時 **六鈞。弓四鈞。立標簡試。軍西渡溫水。廣樹機能以衆萬計遏** ·羌陷涼州 o 司 馬督馬隆請募勇士三千平之。募腰引弩三十

萬計 隆 隆 涼州 依八陳法 遂平 。且戰且前。弓矢所及。人皆應弦而倒。 隋時突厥入寇。楊素擊之。先是諸將與虜戰

誅殺

素至

悉除舊法

0

令諸軍各為步騎

。突厥聞之。以手加額

仰

曲 乃以 毎

0

ò

虞胡騎奔突。

皆戍車徒步相參。异鹿角爲方陳。騎在其

以標先後左右之陳。急繕其怒。言其卒之勁利威怒。 天文而陳法 怒。鄭司農云。以四獸爲軍陳。象天也。孔疏曰。此言軍行象 \mathbf{E} 徒制 曰。天賜我也。大率精騎十餘萬而至。素一戰大破之。此 0 行前朱雀而後元武 騎士。 若非有陳法 。但不知作之何如 。左青龍而 0 知開闔首尾之道。安能制勝 耳 o 何 右白虎。 徹云 · 畫此四獸於旗 招搖在上。急繕其 如天之怒 也 0 j.

也

招搖

北斗杓第七星也。

舉此則六星可知

。陳象天文

子十

註

苍

Ŧi.

也

|斗也。復日進退有度。鄭司農註曰。度謂伐與步數也。孔

卽北

孫

子 +

家

莊

卷 Ŧî.

如牧野誓云。六步七步。四伐五伐是也。曰左右有局

疏曰

0

爭

期在必勝

遊之讎不同國

·農註曰。局曰

對。前禦其前。後當其後

。左防其左。右防其右。行必魚貫

o

爲前。進無奔迸。退無違走。四頭八尾。

觸處爲首。

敵衝

其 中

兩

頭俱救

立必鴈行。長以參短。短以參長。囘軍轉陳。以前爲後。以後

州州前。諸葛武侯。以石縱橫八行。布爲方陳。奇正之出。皆

-

。此亦與曲禮之說同。數起於五。而終於八。今變

之深旨矣。軍志曰。陳間容陳。足曳白刃。隊間容隊。可與敵

。故不可不知陳法也。其文故相次而言

。乃聖賢

。四郊多壘。此卿大夫之辱也。此言讎辱至於戰

。父之讎弗與共戴天。兄弟之讎不返兵。交

0

生於此。奇亦爲正之正。正亦爲奇之奇彼此相用循環無窮也

諸葛出斜谷。以兵少但能正用六數。今盩厔司竹園乃有舊壘 無前後 司馬懿以十萬步騎。不敢决戰。蓋知其能也。 數已定 。陽旋陰轉。欲敗而不能敗。王晳曰。曹公曰。旌旗亂 。形名已立。離合散陳 0 似亂而不能亂 。形無首尾 梅堯臣曰。分 。應 o 0

者 也 0 節制嚴明耳 哲謂渾沌形圓 。又曹公曰。車騎轉而形圓者 。不測之貌也。不可敗者。無所隙缺。又不

也

。示敵若亂

。以金鼓齊之矣。晳謂紛紜鬥亂之貌也

。出入有道齊整

。不可亂

0

測故 然士馬素習。 敗 也 ō 而號令素明 何氏日 旌旗有節。非亂也。渾沌形勢 。此言鬥勢也。 0 離合有勢。非可敗也。形圓無行列也 善將兵者 。 乍離乍合。人以 0 進退紛紛似亂

孫

子 +

家

註

卷 Ŧi.

Ŧi.

子

張預曰。此八陳法也。此黃帝始立邱井之法。因以制兵。故井 卷

不亂 也。後世武侯之方陳。李靖之六花。唐太宗之破陳樂舞。皆其 繞。所謂終於八也。及乎變化制敵。則紛紜聚散。鬥雖亂而法 地。所謂數起於五也。虛其中。大將居之。環其四面 分四道。八家處之。井字之形。開方九焉。五爲陳法。四爲閑 。渾沌交錯。形雖圓而勢不敗。所謂分而成八。復而爲

。諸部

【註一】原本作卒騎者誤從通典改正 【註二】原本譌作職從通典改 【註三】據通典

遺制也

亂生於治

o 怯生於勇。弱生於强

曹公曰。皆毀形匿情也。 李筌曰。恃治之整。不撫其下而多

怨 。其 《亂必生。秦幷天下。銷兵焚書。以列國爲郡縣。而秦自

稱始皇

0

都關中

。以爲至萬代有之。至胡亥矜驕。陳勝吳廣乘

幷其 行伐晉 弊而 謂怯生於勇也 會稽。是其强也。為越所敗。城門不守。兵圍王宮。殺夫差而 起 國 。勇也 0 。所謂弱生於强也 所謂亂生於治也。以勇陵人。為敵所敗 。吳王夫差兵無敵於天下。陵晉於黃池。陵越於 。及其敗。聞風聲鶴唳以爲晉軍。是其怯也。所 0 杜牧曰。言欲僞爲亂形。以誘敵 0 秦王苻堅鼓

然後能爲僞弱也 梅堯臣曰 。先須至治 孫 。然後能爲僞怯也。欲僞爲弱形。以驕敵人。先須至强 子 。治則能僞爲亂。勇則能僞爲怯 。然後能僞亂 註 0 買林日 Ŧî. 。恃治則亂生。恃勇强則怯弱生 也。欲爲爲怯形。以伺敵人 。强則能僞爲弱 ٥ 先須

0

0

王皙同梅堯臣註 孫 子 -1-家 註 0 何氏曰。言戰時為奇正形勢以破敵也。 £i. 二六

我兵素治矣。我士素勇矣。我勢素强矣。若不匿治勇强之勢。

何以致敵。須張似亂似怯似弱之形以誘敵人。彼惑我誘之之狀 破之必矣。 張預曰。能示敵以紛亂。必己之治也。能示敵

以懦怯。必己之勇也。能示敵以羸弱。必己之强也。皆匿形以

誤敵人。

治亂。數也。

曹公曰。以部曲分名數爲之。故不亂也。 李筌曰。歷數也。 杜牧曰。言行伍

偽亂者。出入不時。樵採縱橫。刁斗不嚴是也。 各有分畫。部曲皆有名數。故能為治。然後能爲僞亂也。夫爲 百六之災。陰陽之數。不由人興。時所會也 買林日

亂之分。各有度數。 梅堯臣曰。以治爲亂。存之乎分數。

亂 。明其部曲行伍之數也

王哲曰。治亂者數之變。數謂法制。

張預曰。實治而僞示以

勇怯

。埶也

李筌曰。夫兵得其勢則怯者勇。失其勢則勇者怯。兵法無定。

惟因勢而成也 。敵人以我爲實怯也 杜牧曰。言以勇爲怯者也。見有利之勢而不動 陳皡曰。勇者奮速也。怯者淹緩也。敵

皡 勢之變。 人見我欲進不進。卽以我為怯也。必有輕易之心。我因其懈惰 。假勢以攻之。澶且輕韓信。鄭人誘我師是也。 梅堯臣曰。以勇爲怯。示之以不取。 張預曰。實勇而僞示以怯。因其勢也。魏將龐涓攻 王晳曰。勇怯者 孟氏註同與

孫

。齊將田忌救之。孫臏謂忌曰。彼三晉之兵。素悍勇而成輕 子 註 苍 Ŧi.

馬陵 其竈 齊 。齊號爲怯。善戰者因其勢而利導之。使齊軍入魏地 。涓聞之大喜曰。吾素知齊怯。乃倍日丼行逐之。遂敗於 。 日

減

。形也。

曹公曰。形勢所宜。 杜牧曰。以强爲弱。須示其形。匈奴冒

頓。示婁敬以羸老是也

0

陳皡曰。楚王毀中軍以張隨人。用爲後圖。此類也。 梅

臣曰。以强爲弱。形之以羸儒。 王晳曰。强弱者形之變

本整也 何氏日 。形勢暫變。以誘敵戰。非怯非弱也。示亂不亂。 張預曰。實强而僞示以弱。見其形也。漢高祖欲擊

隊伍

故善動敵者。形之。敵必從之。 杜牧曰。非止於羸弱也。言我强敵弱。則示以羸形。動之使來 陵爲齊人所敗。殺龎涓虜魏太子而旋。形以弱而敵從之也。 將龎涓逐之曰。齊虜【註一】何其怯也。入吾境亡者半矣。及馬 晉弱齊爲强也。齊伐魏。將田忌用孫臏謀。減體而趨大梁。魏 柴從之。齊人登山而望晉師。見旌旗揚塵。謂其衆而夜遁。則 也。晉人伐齊。斥山澤之險。雖所不至。必旆而疏陳之。輿曳 曹公曰。見羸形也。 弱。必有奇兵。不可擊也。帝不從。果有白登之圍。 輩。皆言可擊。惟婁敬曰。兩國相攻。宜矜誇所長。今徒見老 匈奴。遣使覘之。匈奴匿其壯士肥馬。見其弱兵羸畜。使者十 李筌曰。善誘敵者軍或强。能進退其敵

孫

子十家註

卷

Ħ.

二九

孫

我弱敵强 。則示之以强形。動之使去。敵之動作。皆須從我

明 H

急追之。至馬陵道狹。臏乃斫木書之曰。龎涓死此樹下。伏弩 爲五萬竈。魏龍涓逐之曰。齊虜何怯。入吾境士亡者大牛。因 於側。令曰。見火始發。涓至。鑽燧讀之。萬弩齊發。龎涓死 孫臏日 此乃示以羸形。能動龎涓。遂來從我而殺之也。隋煬帝於鴈 。齊國號怯。三晉輕之。令入魏境。爲十萬竈 0

將行謂定興日。必多齎旗鼓以設疑兵。且始畢可汗敢圍天子。 門。爲突厥始畢可汗所圍。太宗應募救援。隸將軍雲定興營

必以我倉卒無援。我張吾軍容。令數十里。晝則旌旗相續。夜 不能久矣。定興從之。師次嶢縣。始畢遁去。此乃我弱敵强。 則遊鼓相應:虜必以救兵雲集。覩城而遁。不然。彼衆我寡

0

予之。敵必取之。 曹公曰。以利誘敵。敵遠離其壘。而以便勢擊其空虚孤持也 楚伐隨。羸師以張之。季良曰。楚之羸。誘我也。皆此二義也 曰。若欒范易行以誘之。中行二部。必克二穆。果敗楚師。又 形變勢。誘動敵人。敵昧於戰。必落我計中而來。力足制之。 臣曰。形亂弱而必從。 示之以强。動之令去。故敵之來去。一皆從我之形也。 註一】原本作齊魯今改正 張預曰。形之以羸弱。敵必來從。晉楚相攻。苗賁皇謂晉侯 王晳曰。誘敵使必從。 何氏日。移

梅堯

追公。公營南阪。下馬解鞍。時白馬輜重在道。諸將以爲敵騎

孫 子

十家註

卷 Ŧi.

Ξ

杜牧曰。曹公與哀紹相持官渡。曹公循河而西。紹於是渡河

與劉備將五六千騎。前後繼至。或分趨輜重。公曰可矣。乃皆 不如還營。荀攸曰。此所以餌敵也。安可去之。紹將文醜 孫 子 + 家 註 卷 Ħ. Ξ

之以小利。敵必來取。吳以囚徒誘越。楚以樵者誘絞是也 畏怯而必取。 王晳曰。餌敵使必取。予與同。 張預曰。 0

上馬。時騎不滿六百人。遂大破之。斬文醜

o

梅堯臣曰。示

以利動之。以卒待之。

赤眉佯北。棄輜重而遁。車皆載土。覆之以豆。禹軍乏食。競 曹公曰。以利動敵也。 李筌曰後漢大司馬鄧禹之攻赤眉也。

杜牧曰。以利動敵。敵旣從我。則嚴兵以待之。上文所解是也 趨之。不爲行列。赤眉伏兵奄至擊之。禹大敗。則其義也 梅堯臣曰。以上數事。動誘敵而從我。則以精卒待之。

橋 道而南。賊退拒渭口。公乃多設疑兵。潛以舟載兵入渭。爲浮 赴船急戰。公放牛馬以餌賊 晃朱靈等夜渡蒲坂津。據河西爲營。公自潼關北渡。未濟。超 勝 o 也。 敵貪我利。則失行列 |晳日。或使之從。或使之取。必先嚴兵以待也之。 。夜分兵結營於渭南。賊夜攻營。伏兵分擊破之。十六國南 如曹公西征馬超。與超夾關為軍。公急持之。而潛遣徐 。利旣能動。則以所待之卒擊之。無不 。賊亂取牛馬。公得渡 0 循河爲甬 何氏日

深伐 乜列河等。三萬餘戶並款附。相率南遷。廣陽欲與謹至折敷嶺 化北狄 孫 子 。使于謹單騎入賊中。示以恩信。於是西部鐵勒酋長 十家註 Ŧi.

羊於野。弼衆採掠。傉檀分兵擊大破之。後魏末大將廣陽王元

。後秦姚興遣將姚弼等至於城下。傉檀驅牛

梁禿髮傉檀守姑臧

卷五

三四

孫子

迎接之。謹曰破六汗拔陵兵衆不少。聞乜列河等歸附。必來邀

擊。破乜列河於嶺上。部衆皆沒。謹伏兵發。賊遂大敗。悉收 抄掠。然後設伏而待。必指掌破之。廣陽然其計。拔陵果來邀 擊。彼若先據險要。則難與爭鋒。今以乜列河等餌之。當競來 得乜列河之衆。 兵節制之師 之而來也。則以勁卒待之。李靖以卒爲本。以本待之者。謂正 張預曰。形之旣從。予之叉取。是能以利動

故善戰者求之於執。不責於人。 杜佑曰。言勝頁之道。自圖於中。不求之下。責怒師衆。强者

力進也。若秦穆悔過。不替孟明也。

故能擇人而任埶。

者。專任權也。不責於人者。權變明也。 作故能擇人而任之。諸家作任勢者多矣 曹公曰 。求之於勢

杜佑曰。權變之明

能勇 李典樂進將一千餘人守合淝。教與護軍薛悌。署函邊曰。賊至 隨短長以任之。不責成於不材者也。曹公征張魯於漢中。張遼 能簡置於人。任己之形勢也。 無棄物也。 。故能擇其所能任之。夫勇者可戰。謹愼者可守智者可說 杜牧曰。言善戰者先料兵勢。然後量人之材。 李筌曰。得勢而戰。人怯者

乃發 折其威勢以安衆心。然後可守。成敗之機在此一舉。典與遼同 公征在外。比救至。彼破我必矣。是以教及其未合逆擊之。 張李將軍出戰。樂將軍守。護軍勿得與戰。諸將皆戰 。俄而吳孫權十萬人衆圍合淝。乃共發教曰。若孫權至者 。遼日

採

子 + 家註

卷 Ŧí.

三五

卷 Ŧī.

孫 子

。果大破孫權。吳人奪氣。還修守備。衆心乃安。權攻城十

勝。勝而後守。則必固矣。是以魏武雜選武力。參以異同。爲 衆我寡。衆者必懷貪惰。我以致命之師。擊貪惰之師。其勢必 言示以必勝之勢。使人從之。豈更外責於人。求其勝敗。擇勇 **苟不獲已而用人。卽擇而任之。** 之密教。節宣其用。事至而應。若合符契也。陳皞曰。善戰者 無援。專任勇者。則好戰生患。專任怯者。則懼心難保。且彼 日不拔。乃退。孫盛論曰。夫兵詭道也。至於合淝之守。懸弱 專求於勢。見利速進。不為敵先。專任機權。不責成於人。 買林曰。讀爲擇人而任勢

怯之人。任進退之勢。

梅堯臣曰。用人以勢則易。責人以力

何氏曰。得勢自勝。不專責人

則難。能者當在擇人而任勢。

偏稗與 以力也。 然之勢。不責人之所不能。故隨材大小。擇而任之。尉繚子曰 0 張預曰。任人之法。使貪使愚。使智使勇。各任自 王晳曰。謂將能擇人任勢以戰 。則自勝矣。人者謂

因能而用。則人盡其材。又晉侯類能而使之是也。

因其所長而用之。言三軍之中。有長於步者。有長於騎者

o

任埶者。 【註二】 其戰人也。如轉水石。水石之性。安則靜。危則

【註一】通典無任字

動。方則止。圓則行

0

曹公曰。任自然勢也。 則危。不知有所囘避也。任勢自然也。方圓之形。猶兵勝覓之 任勢御衆 杜佑曰。言投之安地則安。投之危地

形

李筌曰。

。當如此也。

梅堯臣曰。木石重物

採

子

十家

註

卷

Ŧi.

苍

Ŧî.

孫子十家註

也 易以勢動。難以力移。三軍至衆也。可以勢戰。不可以力

使。自然之道也。 何氏同梅堯臣註。 張預日。木石之性。

勢也。三軍之衆。甚陷則不懼。無所往則固。不得已則鬥。亦 置之安地則靜。置之危地則動。方正則止。圓斜則術。自然之

故善戰人之執。【註一】如轉圓石於千仞之山者。執也。

自然之道。

杜佑曰。言形勢之相因。【註一】 【註一】通典無善字 杜牧曰。轉石於千仞之山。不可止遏者。在山 李筌曰。蒯通以爲坂上走丸

公元凱曰。昔樂毅藉濟西一戰。能幷强齊。今兵威已戊。如破 不在石也。戰人有百勝之勇。强弱一貫者。在勢不在人也。杜 言其易也。

竹 東下建業 。數節之後。迎刃自解。無復著手。此勢也。勢不可失。乃 7。終滅 吳。此篇大抵言兵貴任勢。以險迅疾速爲 本

ċ

故能用力少而得功多也。 梅堯臣曰。圓石在山。屹然其勢 0

人推之。千人莫制也

0

王晳曰。石不能自轉

0

因山之勢而

.

亦勢使之也 轉於山而不可止遏者。由勢使之也。兵在於險而不可制禦者 不 可遏也。戰不能妄勝。因兵之勢而不可支也。 。李靖曰。兵有三勢。將輕敵。士樂戰 0 張預曰。石 志勵青雲 0

氣等飄風。謂之氣勢。關山狹路。羊腸狗門。一夫守之。千 不過。謂之地勢。因敵怠慢。勞役飢渴 謂之因勢。故用兵任勢。峻坂走丸。用力至微。而成功甚 。前營未舍。後軍牛

孫 子 + 註 朱 Ŧi.

博

也

三九

【註一】原本無據通典補

孫子十家註

卷

Ήí.

總校王詒壽分校孫、瑛同校、

賜進士出身署賜進士及第署 泰山 州東 府规 府按 候補同知吳人驥 河 兵 備 道 孫 星 裄 同 校

後知奇正先知奇正相縫之法然後知虛實蓋奇正自攻守而用虛實由奇正而見故夾以實攻敵以虛也 張預曰形篇言攻守勢篇說奇正善用兵者先知攻守兩齊之注然 虚實篇曹公曰能虚實彼已也 兵者避實擊虛先須謹也 李筌曰善用兵者 次

満

彼

我

之

虚

質

也

数

表

方

表

以

虚

為

質

表

表

の

表

表

の

表

表

表

の

表

表

の

表<br 王哲曰 医散者以實 凡為 自虚的

Ė ۰ 凡先處[註一]戰地而待敵者佚

o

曹公李筌並曰 則有備豫 。士馬閑逸 。力有餘也 0 杜佑同賈林註 買林曰。 先處形勝之地以待敵者 王皙同

0

曹公註

張

0

預日 。形勢之地。我先據之。以待敵人之來。 則士馬閑逸 0 而

力有餘

孫 子 + 家 註 卷

六

【注一】御覽作據下同

後處戰地而趨戰者勞 孟氏曰。若敵已處便勢之地。己方赴利。士馬勞倦。則不利矣

彼爲客。主易客難也。是以太一遁甲。言其定計之義。故知勞 李筌曰。力不足也。太一遁甲云。彼來攻我。則我爲主。

佚事不同。先後勢異。 齊將段韶禦之。時大雪之後。周人以步卒爲前鋒。從西而下 去城二里。諸將欲逆擊之。韶曰。步人氣力。勢自有限。今 杜牧曰。後周遣將。帥突厥之衆逼齊

積雪旣厚。逆戰非便。不如陳以待之。彼勞我佚。破之必矣。 旣而交戰。大破之。前鋒盡殪。自餘遁矣。賈林曰。敵處便利

我則不往。引兵別據。示不敵其軍。敵謂我無謀。必來攻襲

後 如 此 則反令敵倦而我不勞。 o 何 氏曰•戰國秦師伐韓 梅堯臣曰。先至待敵則力完 0 圍閼與 (。趙遺

0

趙奢救之。軍士許歷曰。秦人不意趙師

至此

。其來氣盛

山者勝

。後至者盛。將軍

必厚集其陳以待之。不然必敗。又曰。先據北

將皆曰。廣吳盛而新乘勝 萬餘人下隴。因分遣巡取漢邑。漢將馮異即馳馬欲先據之。 之。大破秦軍。遂解閼與之圍。後漢初諸將征隗囂 敗 0 光武令悉軍栒邑。未及至。隗囂乘勝。使其將王元行巡將二 。趙奢卽發萬人趨之。秦兵後至。爭山不得上。趙奢縫兵擊 。 不可 ·與爭。宜止軍 此 地 。徐思方略 。爲囂所敗

夫攻者不足。守者有餘。今先據城。以佚

。遂欲深入。若得栒邑。三

輔

十 家 註

o

孫

子

卷

六

動搖日

。虜兵方盛。臨境狃忕小利

卷

ДŲ

待勞。 之。 之。異乘其不意。卒擊鼓建旗而出 文帝軍至沙苑 東魏將齊神武伐西魏。軍過蒲津。涉洛至許原 非 所以爭鋒也。遂潛往閉城。偃旗鼓。行巡不 。齊神武聞周文至。引軍來會。詰朝候騎告齊神 0 巡軍驚亂奔走。追而大破 0 知。 西 **|魏將周** 馳赴

戰大破之。 十里有滑曲 武軍且至。周文步將李弼曰 。可先據以待之。遂軍至渭曲。背水東西爲陳 張預日 0 便利之地。彼已據之。我方趨彼以戰 。彼衆我寡。 不 可 平地置陳 待彼 此 。合 東

故善戰者。致人而不致於人。 則已 則士馬勞倦而力不足。或謂所戰之地。我宜先到立陳以 未既濟之類 」佚矣 。彼先結陳我後至 o 。則我勞矣。若宋人已成列。楚師

將曰 梅堯臣日 人守互里 歸者以弇期告邑。 降者。言邑聞 砦 杜 險而往。必能引致敵人。己不往從也。 o 宣勒諸部。後三日當悉力攻巨里城。陰緩生口。令得亡歸 耿弇進兵。先脅巨里。使多伐樹木。揚言以填坑墜。數日有 不就敵人。恐我勞也。後漢張步將賢邑。分遣其弟敢守旦里 佑日 。不致人之佚也。 。吾修攻具者。欲誘致邑耳。今來適其所求也。即分三千 。言兩軍相遠。 。自引精兵上冏阪 。能令敵來則敵勞。我不往就則我佚 弇欲攻巨里。謀來救之。弇乃嚴令軍中趨修攻具 至日果自將精兵三萬餘人來攻之。弇喜謂諸 强弱俱敵。彼可使歷險 杜牧日。致令敵來就我 。乘高大破之。遂臨陳斬費邑 李筌目 0 而來。我不可歷 。我當蓄力待之 。故能致人之 王晳曰。致

0

0

孫

子

十家

註

卷

人者以供乘其勞。致於人者以勞乘其佚。 此乃虛實彼我之術也。耿弇先逼巨里。以誘致費邑。近之。 張預曰。致敵來戰。則彼勢常虛。不往赴戰。則我勢常實 何氏曰。令敵自來

能使敵人自至者。利之也。

曹公曰。誘之以利也。 趙將李牧誘匈奴。則其義也。 . 李筌曰。以利誘之。敵則自遠而至也 杜牧曰。李牧大縱畜牧。人

衆來入。牧大破之。殺匈奴十萬騎。單于奔走。歲餘不敢犯邊 衆滿野 也。梅堯臣曰。何能自來。示之以利。 。匈奴小人。佯北不勝。以數千人委之。單于大喜。率 何氏曰 。以利誘之而

來

我佚敵勞。

張預曰。

所以能致敵人之來者

。誘之以利耳

李牧佯北以致匈奴。楊素毀車以誘突厥是也。

能使敵人不得至者。害之也。

杜牧 **弊魏** 乃引兵西入山。攻毒本屯。毒聞之。棄武陽還。曹公要擊於內 日 曹公曰 曰。害其所急。彼必釋我而自固也。魏人寇趙邯鄲。乞師於齊 【莊二】攻其所必救。能守其險害之要路。敵不得自至。故王子 疲老殆地 批亢擣虚。形格勢禁。則自解爾。今二國相持 齊將田忌欲救趙。孫臏曰。夫解紛者不控捲。救鬥者不摶賴 Ĕ 也 一貓當穴。萬鼠不敢出。一虎當溪 0 。後魏果釋趙而奔大梁。遭齊人於馬陵 。出其所必趨 曹公攻河北。師次頓丘。黑山賊於毒等攻武陽。曹公 內 。我襲其虛。彼必解圍而奔命。所謂一舉存趙而 。攻其所必救 0 。萬鹿不得過。 杜佑曰。出其所必趨 。魏師敗績 。輕銳竭地外 李筌 o

採

子

註

卷

六

七

梅堯臣曰。敵不得來。當制之以害。 大破之也。 陳皡曰。子胥疲楚師。孫臏走魏將之謂也 王晳曰。以害形之。敵

耳。孫臏走輜梁而解邯鄲之圍是也。 患而不至。 張預曰。所以能令敵人必不得至者。害其所顧愛

【註一】原本作至其所必走字之誤也按杜每先引曹注下附己意故上之所釋下或不同 也今據曹注及下文改正

故敵佚能勞之。

曹公曰。以事煩之。【註一】李筌曰。攻其不意。使敵疲於奔命

杜牧曰。高頌言平陳之策於隋祖曰。江北寒地。收差晚。江

南土熱。水田早熟。量彼收穫之際。徵兵上馬。聲言掩襲。彼 必屯兵禦守。足得廢其農時。彼既聚兵。我便解甲。於是陳人

何氏曰。春秋時吳王闔閭問於伍員曰 病 o 梅堯臣曰。撓之使不得休息。 。伐楚何如 王晳曰。巧致之也 ~。對日 . ·楚執

始

則歸 政衆 o o 彼歸則出 莫適任患。若爲三師以肄焉。一 0 彼必道獘 。亟肄以疲之。多方以誤之。 師至。彼必皆出 0 旣罷 彼出

而後以三軍繼之。必大克之。闔閭從之。楚於是乎始病。吳遂

張預曰。爲多方以誤之之術。使其不得休息。

或日

0

彼若先處戰地以待我。則是彼佚也。我不可起而與之戰。我旣

.註一】御覽作以利煩之者非

不往

。彼必自來。即是變佚爲勞也

入.

郢

0

飽能 曹公曰 飢 也 O 証 絕糧道以饑之。

家 註 卷

六

孫

子

-1-

李筌曰。焚其積聚。芟其禾苗

絕

ħ.

當突圍 葛誕文欽據壽春。及招吳請援。司馬景王討之。謂諸將曰 出 有蓄積皆非地窖。密遣人因風縱火。待敵修立。更復燒之。不 穀淮北。廩軍士豆人三升。誕欽聞之果喜。景王愈羸形以示之 如我為客 凝道 誕等益寬恣食。俄而城中粮盡 料賊之情。不出此二者。當多以亂之。因命合圍。遣羸疾寄 數 但能饑之則是。隋高熲平陳之策 年 自 。決一朝之命。或謂大軍不能久。省食減口。冀有他變 但能飾之。我緣主。敵爲客。則可以絕粮道而饑之。 。敵爲主。則如之何。答曰。饑敵之術 可財力俱盡。遂行其策。由是陳人益困。三國時諸 。攻而拔之。隋末宇文化及率 0 日江南土薄。舍多茅屋 。非止絕粮道

兵攻李密於黎陽。密知化及粮少。因僞和之以獘其衆。化及大

之術 喜。恣其兵食。冀密饋之。其後食盡。其將王智略張童仁等 率所部兵歸於密。前後相繼。化及以此遂敗。 亦是也 梁 侯等絕吳楚兵後食道。兵乏粮饑欲退。 留輜重於藍鄉。引精兵十餘萬人南渡、橫臨沘水。 **謂敵人足食。我能使之饑耳。曹公曰。絕其粮道。晳謂火積** 著將甄阜梁丘賜所敗。復收會兵衆。 0 。精兵追擊大破之。王莽末天下亂。 0 梁急請救 願以梁委之。絕其食道。乃可制也。亞夫會兵榮陽,吳攻 。在臨事應機。梅堯臣日 0 何氏日 。亞夫引兵東北走昌邑。深壁而守。使輕騎弓高 。如吳楚反 。周亞夫曰。楚兵剽輕。難與爭 。要其粮 還保於棘陽。阜賜乘勝 光武兄伯升起兵討莽 數挑戰終不出 。使不得饋 陳皡曰。饑敵 阻兩山閒為 0 。乃引兵 王晳日

0

F

苍 六

攻甄

孫 子

+

家

莊

卷

追 以攻贼壘 **兵斷其粮道** 徐紹宗奉 遣其僞將馮惠亮陳當世領水軍屯於博皇山 我 奔數里 O o o 先舉兵 絶後 下江兵自東南攻梁丘賜。乏食陳潰 爭六部潛師夜起 步騎軍於青州 0 o 橋 遇祖 使盧祖尚率精騎列 ٥, o 。示無還心 賊漸餒。夜薄我營 則我為客 尚軍 。與 0 1。彼爲 Ш 襲収藍郷 。伯升於是大饗軍士。設盟約 一戰大敗之。正通棄營而走。 0 河 陳以待 ŧ 間王孝恭至 。孝恭安臥不動 。爲客則食不足。 。盡獲其輜重 之。俄 。遂斬阜賜。唐輔公祐 。堅壁不與門。使奇 0 陳 而攻壘者敗走 一。明晨 正通河間 0 爲 明日縱羸兵 主 白南 。休卒三 頭飽有 張預日 王孝恭

餘

若奪其蓄積

0 因 、根於彼

0

館穀於敵。則

我

. 反飽彼反饑矣

0

出

0

則是變容為主也。不必從其積聚,廢其農時。然後能饑敵矣

或彼客則絕其粮道。廣武君欲請奇兵以遮韓信軍後是也 【註一】原本作饑之者後人臆改也今據通典御覽正之

安能動之。

曹公曰。攻其所必愛。出其所必趨。則使敵不得不相救 也

李筌目 出其所必趨。擊其所不意。攻其所必愛。使不得不救

。宣王曰。賊堅營高壘以老我師。攻之正入其計。古人云 杜牧日 司馬宣王攻公孫文懿於遼東。阻遼水以拒魏軍

也

0

雖高 懷 內懼 壘。 懼而求戰。破之必矣。遂整陳而過。賊見兵出其後 不得不與我戰者。攻其所必救。我今直指襄平。則人 。敵 o

果來邀之。 宋告急於晉。晉先軫曰。 乃縱擊大破之。竟平遼東 我執曹君。而分曹衞之田。以賜宋 o 陳皡曰。左傳楚伐宋

子十家

āŧ:

苍

人。楚愛曹衞。必不許也。喜賂怒碩。能無戰乎。遂破楚師

孫

子十家

註

杚 六

已而須出。奧駢堅壁。秦伯挑其裨將。遂皆出戰。是也 彼方安守以爲自固之術。不欲速戰。則當攻其所必救。使不得 同李筌註。 孟氏註同曹公。 何氏曰。攻其所愛豈能安視而不動哉。張預曰。 梅堯臣曰。趨其所顧。使不得止。 王晳

出其所必趨。 (註一) 趨其所不意。

o

曹公曰。使敵不得不相往而救之也。 一】原本作不趨按上文諸家注則作不趨者誤也從御覺改 何氏曰。令敵人須應我

行千里而不勞者。行於無人之地也。 曹公曰。出空擊虚。避其所守。擊其不意。

李筌曰。出敵無

勞也。 自潰。是我不勞苦。如行無人之地。 嚴。守之不固 以平蜀。言不勞者。空虛之地。無敵人之虞。行止在我。故不 行。險途則緩兵漸進。出其不意。攻其腹心。必向風不守。竟 **兵東下。將攻元帝。西魏大將周文帝曰** 何 不虞我師之至。宜以精甲銳騎。星夜奔襲之。平路則倍道兼 然計將安出。迴曰。蜀與中國隔絕百餘年矣。恃其山川險阻 諸將多有異同 ·氏曰。曹公北征鳥桓。謀臣郭嘉曰。兵貴神速。今千里襲 從孤擊虛。何人之有。 陳 。皡曰。夫言空虚者。非止爲敵人不備也。但備之不 。將弱兵亂。粮少勢孤。我整軍臨之。彼必望風 。文帝謂將軍尉遲迴曰。伐蜀之事。一以委公 杜牧曰。梁元帝時西蜀稱帝 梅堯臣曰。出所不意 0 平蜀制梁 。在茲一舉 容

採

子

十家註

卷

卷

六

寇邊。以李靖爲西海道行軍大總管。輕途二千里。行空虛之地 聞公至 兵兼道以出。掩其不意。公乃密出盧龍塞。直指單于庭。虜卒 輜重多難以趨利。且彼聞之。得以爲備。不如留輜重。輕 。惶怖合戰。大破之。斬蹋頓及名王已下。又唐吐谷渾

復定襄 里之征。人不疲勞。若鄧艾伐蜀。由陰平之徑。行無人之地。 。古今未有也。 張預曰。掩其空虛。攻其無備。雖千

平吐谷渾而還。故太宗曰。且李靖三千輕騎。深入虜庭。克

七百餘里。是也

攻而必取者。攻其所不守也。

其後。後漢張步都劇。使弟藍守西安。又令別將守臨潼。去臨 李筌曰。無虞易取。 杜牧曰。警其東。擊其西。誘其前

四十四里。耿弇引軍營其閒。弇視西安城小而堅。藍兵又精

潼

臨潼名雖大 。其實易攻。弇令軍吏治攻具。後五日攻西安。

。及

安聞吾欲攻。日夜爲備 明至臨潼 縱生口令歸。藍聞之晨夜守城 必拔 。拔臨潼即西安勢孤。所謂擊一得兩 城下 。護軍荀梁等爭之。以爲宜速攻西安。弇曰。西 。臨潼出其不意。至必驚擾 0 至期夜半。弇勒諸將蓐食 。盡如其策 。吾攻之一

H

末朱雋擊黃巾賊帥韓忠於宛 因鳴鼓攻其西南。賊悉衆赴之。為自將精兵五千掩其東 北。乘 0

。雋作長圍

。起土山以臨其城內

0

、後漢

王宰 城而 **稱失其** 入 知劉稹恃天井之險。不爲固守之計 險 。忠乃退保小城。惶懼乞降。 。終陷其巢穴也。 梅堯臣曰。言擊其南 0 陳皞曰。 宰悉力攻奪而後守 國家征上黨 。實攻其北

孫

子

+

計

孫 子

+

家

註

卷 六

王哲 Ē 。攻其虛也。謂將不能。兵不精。壘不堅。備不

嚴

之克臨潼 上。使敵人莫之能備。則吾之所攻者。乃敵之所不守也。耿弇 救不及。食不足。心不一爾。 。朱雋之討黃巾。但其 一端耳 張預曰。善攻者動於九天之 0

邑也。賊奔壁東南陬。亞夫使備其西北。俄而賊精卒攻西北 杜牧曰。不攻尚守。何况其所攻乎。漢太尉周亞夫擊七國於昌

守而必固者。守其所不攻也。

不得入。因遁 去。追破之。 陳皡曰。無慮敵不攻 。慮我不守

我西 救及食足心一爾 無所不攻。無所不守。乃用兵之計備也 。亦備乎東 0 ٥ 張預曰。善守者藏於九地之下。使敵人莫 王晳曰。守以實也。謂將能兵精壘堅備嚴 0 梅堯臣日 「。賊擊

擊東南而備西北。亦是其一端 之能測。莫之能測。則吾之所守者。乃敵之所不攻也。周亞夫

也 c

故善攻者敵不知其所守。善守者敵不知其所攻。

取備禦之情不泄也。 攻鄴是也。善守。謹備也。周韋寬守晉州是也 曹公曰。情不泄也。 李筌曰。善攻者。器械多也。東魏高歡 買林曰。教令行。人心附。備守堅固 o 杜牧曰 。攻

不 不泄。善守者周備不隙 微隱無形。敵人猶豫。智無所措也。 速而 ·能攻也。云不知者。攻守之計。不知所出耳 :攻之。則使其不能守也。善守者。常爲不可勝。則使其 0 王哲曰。善攻者。待敵有可乘之隙 梅堯臣曰。善攻者機密 0 何氏日 。言

九

張預曰。夫守則不足。攻則有餘。所

攻守之謀。令不可測。

孫

子十家註

仑

孫

÷

+

家

註

忿

六

謂不 Ĥ 知 守 北 足者 。此是敵不知其所守也。情不外泄。精乎攻守者 所 攻 0 非力弱也。蓋示敵以不足。則敵必來攻 О 所謂有餘 香。 非力强也。蓋示敵以有餘 。此是敵不 也 0

則敵必

微乎微乎 料敵 杜佑门 守 微 死 妙 4 。 不 ζ, 至於無形 Ö 可形於言說也。微妙神乎。 如天之司命也 微妙所不可見者。言變化之形 。神乎神乎。至於無聲。故能爲敵之司命 o 李筌曰。言二遁用兵之奇正。攻 敵之死生。懸形於我 。倏忽若 神 0 故能 o 0

難窺 微 敵之死 妙不 神 ijſ. 得而 速則難應 生。悉懸於我 窺 0 無聲則 。故能制敵之命 0 故如天之司命 神 速不可得 葥 何氏曰。武論虚實之法 知 o • 梅堯臣日 Ŧ 哲日 o 0 無形 微密則 則 0

С

故日司

命

o

杜牧曰。微者靜也。神者動也。靜者守

0

動者

攻

其非實 乎九泉之淵。微之微者 聞 所當攻。攻守之變。出於虛實之法 於西。是故吾之攻也。彼不知其所當守。吾之守也。敵不料其 者爲要。吾將示敵之虚。而鬥吾之實 批其亢而擣其虛。敵欲攻我也。知彼所攻者爲不急。而所不攻 於神微 知彼所守者爲實。而所不守者爲虚 。若從池出天下。倏出閒入。星耀鬼行。入於無閒之域 使敵視之爲實。敵之實。吾能使之爲虛。敵之虛。吾能 或 、動九天之上。以比吾之攻 。蓋敵不識我虛實。而吾能審敵之虛實也 。而後見成功之極也。吾之實。使敵視之爲虛。吾之 。神之神者。至於天下之明目 。滅跡而不可見。韜聲而不可 。或藏九地之下。以喻吾之 。彼示形在東 。吾將避其堅而 。吾欲攻敵也 a 攻其脆 而吾設備 0 不能窺

知

採

子十家

註

卷

其 **有聲者至於無聲。非無形也。敵人不能窺也** 形之微 孫 子 。天下之聰耳。不能聽其聲之神。有形者至於無形 + 家 註 卷 0 非無聲也

泯其形聲。而至於聞見者。是不知神微之妙。固在虛實之變也 三軍之衆 於神微之奧。不善者安然尋微窮神 。百萬之師。安得無形與聲哉。 0 丽 泥其用兵之跡 但敵人不能窺聽耳 。不能

不能聽也

0

虚實之變極也。善守兵者。通於虛實之變

。遂可以

0

٥

गा 崱 0 故敵人 《生死之命。皆主於我也 o

張預日

。攻守之術。微妙神密

0

至於無形之可覩

0

無聲之

· 乎依能隱於常形神乎神乎依能為敵司命又通典故能爲變化司命(註一]通典作微乎微乎至於無形神乎神乎至於無聲詢覽作微乎微

進而不可禦者。衝其虛也。退而不可追者。速而不可及也。【註一】 曹公曰。卒往進攻其虚懈、退义疾也。 杜佑曰 。衝突其空虛

始退 也 ٥ 0 已者以不 李筌曰。進者襲空虛懈怠。退必輸重在先。行遠而大軍 可追 。後趙王石勒兵在葛陂苦雨 0 欲班師

以速字爲遠者也 0 杜牧日 0 既攻其虚。 敵必敗。 敗喪之後 o

懼晉人躡其後。用張賓計。令輸重先行遠而不可及也。此筌

於鄴

安能追我 張繡也 。城未拔。力未屈而去之。繡兵出襲其後。賈詡止之。 0 我故得以疾退也。 陳皡曰 。杜說非也 。曹公之圍

勝。詡曰。復以敗卒襲之。繡從之。曹公果敗。豈是敗喪之後 繡 知所追也 .0 不能追之哉。蓋言乘虛之進。敵不知所 不聽。 果被曹公所敗。繡謂謝曰 0 梅堯臣曰。進乘其虛。則莫我 。公旣能知其敗 o 逐利而 0 退因其弊。則 。 必能 退。敵 知其

莫我追

何氏日 家

0

兵進則衝虛。兵退則利速。我能制敵。而

孫 子

٠+

莊

苍

孫 子 -1-家

註

卷

二四

進而擣之。敵豈能追我也。獲利而退。則速還壁以自守。敵豈

能追我也。兵之情主速。風來電往。敵不能制。

,註一]御覽速作遠按此與李筌本同

故我欲戰。敵雖高壘深溝。不得不與我戰者。攻其所必救也 曹公李筌曰。絕其粮道。守其歸路。攻其君主也。

0

杜牧日

我為主。敵爲客。則絕其粮食。守其歸路。若我爲客。敵爲主 則攻其君主。司馬宣王攻遼東。直指襄平是也。

梅堯臣日

0 皙謂敵若堅守。但能攻其所必救 攻其要害 王晳曰。曹公曰。絕粮道。守歸路。攻君主也 何氏曰。如魏將司馬宣王攻公孫 。則與我戰也。若耿弇欲攻

巨里。以致費邑。亦是也。

兵也 人 **芃問曰。糧少而深入。何也。燧曰** 謂諸將曰。所以不攻其營。正欲致此。不可失也。乃縱兵逆擊 求 賊而作長圍 0 大 戦 0 燧令諸軍持十日糧。進次介口。與悅夾洹水而軍。李抱眞李 賊大衆在此。則窟穴虛矣。我直指襄平 c (破之。 **若分兵擊其左右。兵少未可必破。悦且來救。是前後受敵** 不致於人。今田悅與淄青兗三軍爲首尾計。欲不戰以老我 。破之必矣。遂整陳而 。古人言曰。敵雖高壘。不得不與我戰者。攻其所必救也 。汎舟潛濟遼水。作長圍。忽棄賊而向襄平。諸將言不攻 三戰皆捷。唐馬燧計田悅 。非所以示衆也 過 。宣王曰。贼堅營高壘。欲以老吾 。賊見兵出其後。果邀之。宣王 。 糧少利速戰 。時軍粮少。悅深壁不戰 。.必人懷內懼 。兵法善於致 0 懼

m

孫

子

家 註

卷 六

二五

燧所丼 乃造三橋道逾 也 兵法 燧乃引諸軍牛夜背食 孫 。引軍合於悅。悅與燧明日 子 所謂攻其必救。彼且當戰也。燧爲諸軍合而破之。 + 家 洹水 0 日挑戰。悅不 先鷄嗚明時 エ復挑戦 敢出 0 。擊鼓吹角。潛師 恆州 。乃伏兵萬 兵以 軍

X 办

0

傍洹

0

懼 欲

爲

燧

燧

0

٥

留於後 水 0 徑 赴魏 。仍抱薪持火。 州 0 令日 o 待軍畢發 聞賊至則 止為 。止鼓 陳 角 0 匿其傍。 又令百騎吹鼓 侗 悦軍畢渡 角 0

荆棘 焚 後 其 0 乘 廣百步以為陳。募勇力得五千餘人。分為前列 橋 風 。軍行十數里 縱 火 0 鼓躁 丽 0 乃率 進 0 燧乃 下淄青· 坐 · 兗州步騎四萬餘人。 踰橋淹 甲 。令無動 0 命 前除 。以候賊 草斬

至 0 比悅軍 。橋以焚矣。悅軍亂赴水。斬首二萬。淄青軍殆盡 至川 火止。 氣乏力衰 0 乃縱兵 、擊之。 悦軍 大敗

o

0

悅

在必戰。敵人雖有金城湯池之固。不得守其險。而必來與我戰 預曰。我爲客。被爲主。我兵强而食少。彼勢弱而糧多。則利

兇矣。從之而解。又晉宣帝討公孫文懿。忽棄城而走襄平。計 者。在攻其所顧愛之地。使相援救也。若楚人圍宋。晉將救之 狐 優日 一、楚始得曹而新婚於衞。若伐曹衞。楚必救之。 。則朱

我不欲戰。畫地而守之。 其巢穴。賊果出邀之。遂逆擊。三戰皆捷。亦其義也。

曹公曰 。軍不欲煩也。 孟氏曰。以物畫地而守。喻其義也

敵境 蓋我能戾敵人之心。不敢至也。 。則用天一遁甲眞人閉六戊之法。以刀畫地爲營也。 李筌曰。拒境自守也。若入

敵不得與我戰者。乖其所之也。

孫

子

十家註

卷六

孫

7

+

家

註

卷

曹公曰 河 。戾也。戾其道示以利害。使敵疑之。我未修壘塹

李筌日 不與戰 上谷大守李廣 敵八不以形勢之長。就能加之於我者。不敢攻我也 。乖。異也。設奇異而疑之。是以敵不可得與我戰。漢 。設權變以疑之。使敵人疑惑不決。與初來之心乖戾 0 縫馬卸鞍 () 疑 也 o 杜牧曰 。言敵來攻我 。【註一】 。我 0

不敢與我戰也。曹公爭漢中地。蜀先主拒之。時將趙雲守別屯 將數十騎輕出。卒遇大軍。雲且鬥且却。公軍追至 。圍雲 0

陽平 宣王日 軍中悉臥旗息鼓。不得輒出。 入營使大開門。偃旗息鼓。曹公軍疑有伏引去。諸葛武侯屯於 使魏延諸將 亮在城中。兵少力弱。將士失色。亮時意氣自若。勑 。幷兵東下。武侯惟留萬人守城。侯白司 開四門掃地却洒。宣王疑有伏

馬

٥

卒寡 矣。宣王後知。頗以爲恨。曹公與呂布相持。公軍出收麥 於是引去。趨北山。亮謂驂佐曰 未修壘塹。敵人不敢來攻於我也。 元伐鄭。入自純門。至於逵市。懸門不發。子元曰。鄭有人焉 領衆卒至。公營止有千人出陳。半隱於堤下。呂布遲疑不敢進 敢與我戰者。示以疑形 o 0 乃還 曰曹公多詐。勿入伏中。遂引兵去。陳皞曰。左傳楚令尹子 **乖其道而示以利。使其疑而不敢進也。** Ħ. 萌制之必有道也。 。彼食少而兵衆。則利在不戰。雖不爲營壘之固。敵必不 0 買林日 。置疑兵於敵惡之所。屯營於形勝之地。雖 。乖其所往也。若楚人伐鄭。 張預日 。司馬懿謂吾有設伏。循山走 。我爲主。彼爲客。 梅堯臣曰。畫地。喻易也 王晳曰。畫地言易 鄭懸門不 我糧多而 。布

孫

子十家

莊

忿

發。效楚言而出。楚師不敢進而遁。又司馬懿欲攻諸葛亮。亮

偃旗臥鼓。開門却洒。懿疑有伏兵。遂引而去。亦其義也

【註一】自我未修量以下據御覽補

故形人而我無形。則我專而敵分。【註二】

奇。使敵視以爲正。形人者也。以奇爲正。以正爲奇。變化紛 杜佑曰。兵專一而敵分散。 。故敵分兵以備我。 張預曰。吾之正。使敵視以爲奇。吾之 梅堯臣曰。他人有形。我形不見

紜。使敵莫測。無形者也。敵形旣見。我乃合衆以臨之。我形

不彰 。彼必分勢以防備

【註一】原本作忿今從通典改正

我專爲一。敵分爲十。是以十共其一也。【註一】

【註一】原本作以敵攻其一也誤今據通典御覽改正

我之專。擊彼之散是爲十共擊一也。 杜佑曰。我料見敵形。審其虚實。故所備者少。專爲一屯。以 梅堯臣曰。離一爲十。

則我衆而敵寡。

我常以十擊一分。

杜佑曰。我專爲一故衆。敵分爲十故寡。 。不勞多備。故專爲一屯。彼則不然。不見我形。故分爲一處 張預曰。見敵虛實

。是以我之十分。擊敵之一分也。故我不得不衆。敵不得不寡

能以衆擊寡者。【註一】則吾之所與戰者約矣。

【註一】典御覽擊作敵

孫子十家註 卷.六

杜佑曰。言約少而易勝。杜牧曰。納猶少也。我深壍高壘。滅

子

註

。出入無形。攻取莫測。或以輕兵健馬。衝其空虛。或

跡韜聲

旗。暮夜感之以大鼓。故敵人畏懼。分兵防虞。譬如登山瞰城 以强弩長弓。奪其要害。觸左履右。突後驚前。晝日誤之以旌 垂簾視外。敵人分張之勢。我則盡知。我之攻守之方。敵則

全擊寡 不測。故我能專一。敵則分離。專一者力全。分離者力寡。以 。王晳曰。多爲之形。使敵備已。其實攻者。則無備也。故我 。故能必勝也。 梅堯臣曰。以專擊分。則我所敵少也 何氏同

寡弱之兵。則用力少而成功多矣。 杜牧註 專敵分矣。專則衆。分則寡。十攻一者。大約言耳 0 張預曰。夫勢聚則彊。兵散則弱。以衆强之勢。擊 0

吾所與戰之地不 可知

0

杜牧曰。言舉動微密。情不可見 。使彼知所出而不知吾所舉。

知所舉而不知吾所集 0 張預日。 無形勢故也

不可知則敵所備者多 o

敵所備者多。 梅堯臣曰。敵不知則處處爲備。 則吾所與戰者寡矣

晳日 曹公曰。形藏敵疑。則分離其衆備我也。言少而易擊也。 0 與敵必戰之地。不可使敵知之。知則丼力得拒於我 。曹

公曰。形藏敵疑 徒果何從。故分離其衆。所在輒爲備。遂致衆散而弱 是以吾所與接戰之處。以大衆臨孤軍也 0 張預日 。不能測吾車果何出 0 。 騎果何 · 勢分而

來

o

王

子十家

註

卷

六

三四

故備前則後寡。備後則前寡。備左則右寡。備右則左寡。無所不 孫 子 家 註 卷 六

。則無所不寡。

梅堯臣日

杜佑曰。言敵之所備者多。則士卒無不分散而少。 所備皆寡也。

0

曹公曰。上所謂形藏敵疑。則分離其衆以備我也。 孟氏曰。

寡者。備人者也。衆者。使人備己者也。

備人則我散。備我則彼分。 人也。敵所以備已多者。由我專而衆故也。 杜牧曰。敵散分而少者 李筌曰。陳兵之 。皆先備

戰之地。不可令敵人知之。我形不可測。左右前後。遠近險易 地。不可令敵人知之。彼疑則謂衆離而備我也。 敵人不知。亦不知我何處來攻。何地會戰。故分兵徹衞。處 杜牧日

。所

處防備。形藏者衆。分多者寡。故衆者必勝也。寡者必敗也。

則俱寡 無處不兵寡也。所以寡者。爲分兵而廣備於人也。所以衆者 梅堯臣曰。使敵愈備則愈寡也。 。何氏同諸註。 張預曰。左右前後。無處不爲備。則 王皙曰。左右前後。俱備

爲專而使人備己也。

故知戰之地 曹公曰。以度量知空虚會戰之日。孟氏曰。以度量知空虚。先 。 知戰之日。則可千里而會戰。

敵先已至。可不往以勞之。 知戰地之形。又審必戰之日。則可千里期會。先往以待之。若 .杜牧曰。夫善戰者。必知戰之日

里之會。同時而合。若會都市。其會地之日。無令敵知。知之 知戰之地。度道設期。分軍雜卒。遠者先進。迫者後發。千

孫子十家註 卷六

Ξ Ti.

六

則 所備處少 專則力全。 。不知則所備處多。備寡則專。備多則分。分則力 李筌日 。知戰之地。則舟車步騎之所便也

魏 散 武 (以北土未安。捨鞍馬。仗舟楫。與吳越爭强。是以有黃蓋

之敗。吳王濟驅吳楚之衆。奔馳於梁鄭之間

。此不知戰地日者

故太一遁甲曰。計法三門五將。主客成敗則可知也。於是千

里會戰 來。而料我當出其不意。猶從內水來也。如此必以重兵守涪城 往年劉敬宣出內水。向黃武 而 勝 o 杜牧曰。宋武帝使朱齡石伐譙縱於蜀 。無功而退。賊謂我今應往外水 。宋武日

疑兵向內水。此則制敵之奇也。而慮此聲先馳。賊知虛實。別 有函書全封付齡石。函邊書曰。至白帝乃開。諸軍未知應分所 0 以備內道。若向黃武 。正墮其計。今以大衆自外水取成都

o

也。 之日 水。 廣漢 戰之日是也。 後以兵法之度量。計其遠近。知其空虛。 雖千里之遠。可剋期而與戰 師至之日 項羽謂曹咎曰。我十五日必定梁地。復與將軍會。 o 我若伐敵。至期不得與我戰。敵來侵我。我必預備以應之。 齡石滅之。 如是則雖千里可會戰而破敵矣。故曹公曰。以度知空虛會 採 0 。安能爲約 使羸弱乘高艦十餘。由內水向黃武。譙縱果以重兵備內 。能使人人如期而來。以與我戰。知戰地日。則所備 註 張預日 0 陳 卷 梅堯臣曰 **埠日。杜註止言知戰之地** 。凡舉兵伐敵 六 0 。若能度必戰之地。必戰之日 王晳曰。必先知地利敵情。 。所戰之地。必先知之。 審敵趣應之所及戰期 。未敍知戰之日 茍 不知必戰

然 0 至白帝發書曰。衆軍悉從外水取成都。臧熹朱林於中水取

者專。所守者固。雖千里之遠。可以赴戰。若蹙叔知晉人禦師 孫 于 4. 家 註 苍 六

知戰地。不知戰日。則左不能救右。右不能救左。前不能救後 必於殽。是知戰地也。陳湯料烏孫圍兵五日必解。是知戰日也 0 又若孫臏要龐涓於馬陵。度日暮必至。是也 ٥

o 後不能救前。而况遠者數十里。近者數里乎。 不

杜佑曰。敵已先據形勢之地。已方趣利欲戰。則左右前後疑惑 進退不能相救。況數十里之間也。 梅堯臣曰。不能救者寡也。左右 杜牧曰。管子曰。計未

定而出兵。則戰而自毀也。

前後尙不能救。况遠乎。 接戰。則所備者不專。所守者不固。忽遇勍敵。則倉遽而與之 。左右前後。猶不相援。又况首尾相去之遼乎 張預曰。不知敵人何地會兵 ()。何日

以吾度之。越人之兵雖多。亦奚益於勝敗哉

曹公曰。 越人相聚。紛然無知也 0 或曰。吳越讎國也。

李筌 0

曰。越。過也。不知戰地及戰日。兵雖過人。安知勝敗乎

多 制勝敗之政。亦何益也。 陳皞曰。孫子爲吳H闔閭論兵。吳王越讎。故言越。謂過人之 兵非義也。 0 亦爲我分之而寡也 賈林曰。不知戰地。不知戰日。士衆雖多 0 王晳曰。此武相時料敵也。言越兵 梅堯臣曰。吳越敵國也。言越人雖 。不能

字之誤也。吳越鄰國。數相侵伐。故下文云。吳人與越人相 。苟不善相救。亦無益於勝敗之數。 。言越國之分雖曰衆多。但不知戰地戰日。當分其勢而弱 張預曰。吾字作吳

孫 子 + 家 註 卷 悪也

也

雖多

三九

匹

故曰。勝可爲也。(註一)

【註一】御覽作勝可知而不可爲也按此因形篇語致誤

註 .。 爲勝在我。故言可爲之。 孟氏曰。若敵不知戰地期日。我之必勝可常有也。 言勝可爲者。何也。蓋形篇論攻守之勢。言敵若有備。則不可 必為也。今則主以越兵而言。度越人必不能知所戰之地日。故 張預曰。爲勝在我故也。形篇云 梅堯臣同杜牧註。 。勝可知而不可爲。今 王晳何氏同孟 杜牧曰。

云可爲也。

敵雖衆。可使無門。

孟氏曰。敵雖多兵。我能多設變詐。分其形勢。使不得丼力也 杜牧曰。以下四事。度量之。敵兵雖衆。使其不能與我門

勝 也 _ 賈林曰。敵雖衆多。不知已之兵情。常使急自備。不

暇謀門 奚所恃而鬥。 o 梅堯臣曰。荷能寡。何有鬥。 張預曰。分散其勢。不得齊力同進。則焉能 王晳曰。多益不救

與我爭 0

故策之而知得失之計。 孟氏曰。策度敵情。觀其施爲。則計數可知。 杜佑曰。策度

敵情。觀其所施。計數可知 可制太一遁甲五將之計。以定關格掩迫之數。得失可知也 0 李筌曰。用兵者取勝之兵法 0

賈林曰。樽俎帷幄之間。以策籌之。我將彼失之計。皆先知也

梅堯臣曰 。彼得失之計。我以算策而知 知其計之得失。 王晳曰 「。策其

ç

敵情。以見得失之數。 孫 子 十家 註 張預曰。籌策敵情。

孫子十家註 卷六

若薛公料黥布之三計是也。

作之、註二而知動靜之理 【註一】通典御覽并作候之按此與李筌本同又鄭友賢遺說亦作候之

爲其勝覓也。 杜佑曰。喜怒動作。察其舉止。則情理可得。故知動靜權變 李筌曰。候望雲氣風鳥人情。則動靜可知也

王莽時王尋征昆陽。有雲氣如壞山。當營而墜。去地數尺沒 0

光武 ,知其必敗。梁王僧辯營上有如堤之氣。侯景知其必勝。風 杜牧曰。作。激作

也。言激作敵人。使其應我。然後觀其動靜理亂之形也。魏武 鳥貪豺之類也。此筌以作字爲候字者也。

·。交合而北。北而勿罰。觀敵進退。一坐一起。其政以理 兩軍相當。不知其將如何。吳起日 。令賤勇者。將銳而

奔 北不追。見利不取。此將有謀。若其悉衆追北。旗旛雜亂

皡日。作。 行止縱橫 o 為也。為之利害。使敵赴之。則知進退之理也 **貪利務得** 。若此之類。將令不行。,而 勿疑 0 0 陳 o

宛春。以怒楚將子玉。子玉遂乘晉軍。是其躁動也。諸葛亮遺 發作久之。觀其喜怒。 理 賈林曰。善覘候者。必知其動靜之理 巾幗婦人之飾。以怒司馬宣王。宣王終不出戰。此是其安靜也 **因我所發而見**。 則動靜之理 王晳曰。候其理當動以否。 。可得而知也。若晉文公拘 0 梅堯臣日 o 彼動靜之 張預日 0

形之而知死生之地

o

一孟氏日 0 形相敵情 0 觀其所據。則地形勢生死 可得而知

孫 子

十家

註

卷

六

四三

0

李筌曰。夫破陳設奇。或偃旗鼓。形之以弱。或虛列鼈火旛幟 孫 子 + 家 註 四四四

。形之以强。投之以死。致之以生。是以死生因地而成也。

信下井陘。劉裕過大閱。則其義也。

杜牧曰。死生之地。益

0 皡

以親其應我之形。然後隨而制之。則死生之地可知也。 戰地也。投之死地必生。置之生地必死。言我多方誤撓敵人 曰。敵人旣有動靜 則我得見其謀。有謀者所處之地必生。無 陳

梅堯臣曰。彼生死之地。我因形見而識。 何氏同杜牧註

謀者所投之地必死也

0

買林日。見所理兵勢。

則可知其死所

其 進退之際。則知彼據之地死與生也。上文云。 裝預日。形之以弱。則彼必進。形之以强 。則彼必退 善動敵者

因

之敵必從之是也。死地謂傾覆之地。生地謂便利之地

角之而知有餘不足之處。【註一】

曹公曰。角量也。 實可知也。 則長短可知也。【註一】李筌曰。角。量也。量其力精勇。則虛 【注一】通典作不足有餘 杜牧曰。角。量也。言以我之有餘。角量敵人之 杜佑曰。角。量也。角量彼我軍馬之數

以攻衆。料食以攻食。食不存不攻。備不存不攻。司馬宣王伐 **右餘。以我之不足。角量敵人之不足。管子曰。善攻者。料衆** 司馬陳珪曰。昔攻上庸。八部並進。晝夜不息。故能一

旬之半。拔堅城。斬孟達。今者遠來。而更安穩。愚切惑焉 遼東。 王曰。孟達衆少而食支一年。吾將四倍於達。而粮不淹一月。

十家註 卷 六

孫

子

以一

月圖一年。

安可不速。

以四擊一。正命半解。猶當爲之。

四五

四六

十家

是以不計死傷。與粮競也。今賊衆我寡。賊飢我飽。雨水乃爾

之。竟平遼東。 功力不設。賊粮垂盡。當示無能以安之。旣而雨止。晝夜攻 王皙曰。角謂相角也。角彼我之力。則知有餘不足之處 梅堯臣曰、彼有餘不足之處。我以角量而審

0

然後可以謀攻守之利也。此而上亦所以量敵知戰 0 張預日

曰。凡臨陳。 有餘。强也。不足。弱也。角量敵形。知彼强弱之所。唐太宗 常以吾强對敵弱。常以吾弱對敵强。苟非角量

o

安得知之。

【註一】原本無據通典御覽補

故形兵之極。至於無形。無形則深閒不能窺。知者不能謀 李筌曰。形敵之妙。入於無形。閒不可窺。智不可謀。是謂形

· 則雖有間者。深來窺我。不能知我之虛實。强弱不泄於外。雖 杜牧曰。此言用兵之道。至於臻極。不過於無形。 梅堯臣曰。兵本有形。虛實有 無形

有智能之士。亦不能謀我也。

謂知微 得乎。 路。是以無形。此極致也。雖使間者以情僞。智者以謀料。可 何氏曰。行列在外。機變在內。因形制變。人難窺測 。張預曰。始以虚實形敵。敵不能測。故其極致。卒歸 王晳曰。制兵形於無形。是謂極致。孰能窺而謀之哉 o H

因形而錯勝於衆 。【註二衆不能知。

以運其計

於無形。旣有形可覩。無迹可求。則閒者不能窺其隙。智者無

【註一】御覽錯勝作作勝非

孫 子 + 家 註 卷 六

四七

四八

子

勢。因士卒之勇。而取勝焉。軍士尚密。非衆人之所知也 曹公曰。因敵形而立勝。【註二】李筌曰。錯。置也。設形險之

敵制勝 杜牧曰。窥形可置勝敗。非智者不能。固非衆人所能得知也。 梅堯臣曰。衆知我能置勝矣。不知因敵之形。 。衆不能知。張預曰。因敵變動之形以制勝。非衆人所 何氏日。因

能知

人皆知我所以勝之形。而莫知吾所以制勝之形 【註一】御覽敵形作地形按下文云兵因敵而制勝作地者非

曹公曰。不以一形之勝萬形。或曰不備知也。 制勝之法幽密。人莫知。 吾所以勝。莫形吾因敵形制勝也。 杜牧曰。言已勝之後。但知我制敵 李筌曰。,勝。人知之。 制勝者。人皆知

使有敗形。本自於我。然後我能勝也。上文云。近而示之

遠。遠而示之近。利而誘之。亂而取之。實而備之。强而避之 ٥ 怒而撓之。卑而驕之。佚而勞之。親而離之。斯皆制勝之道

若韓信背水拔幟是也。人但知水上軍。殊死戰不可敗。及趙軍 敗形 驚亂遁走。不知吾能制使之然者。以何道也。 0 Ì ·莫知之也。陳皡日。人但知我勝敵之善。不能知我因敵之 。梅堯臣曰。知得勝之跡。而不知作勝之象。 張預曰。立勝 王哲日

٥

故其戰勝 。不復而應。形於無窮

之迹。人皆知之。但莫測吾因敵形而制此勝也。

曹公曰 0 不復前謀以取勝。 孫 子 十家 不重復動而應之也。杜佑曰。死官也。【註一】李筌曰 註 卷 隨宜制變也。杜牧曰。敵每有形。 六 四九 我則始

能隨而應之以取勝。 賈林曰。應敵形而制勝乃無窮。梅堯臣

勝之形無窮也。 曰。不執故態。應形有機。 何氏曰。已勝之後。不再用也。敵來斯應 張預曰。已勝之後。不復更用前謀。但 0

王晳曰。夫制勝之理惟一。而所

隨敵之形而應之。出奇無窮也。

【註一】按此句疑有脫誤

不循前法

。故不窮。

夫兵形象水。

孟氏曰。兵之形勢如水流。遲速之勢無常也。

水之行。【註二】避高而趨下。 【註一】原本作形誤今從劉晝子及通典御覽改正

梅堯臣曰。性也。

兵之形。避實而擊虛

水因地【莊二而制流。【莊三】 梅堯臣曰。利也。張預曰。水趨下則順。兵擊虚則利。 【註一】通典御覽上有故字 【註二】通典兩引皆作制形御覽一作制形一作制行鄭友

直。 杜牧曰。因地之下。 因地而成形。 梅堯臣曰。順高下也。張預曰。方圖斜

賢作制流

兵因敵而制勝 杜佑曰。言水因地之傾側而制其流。兵因敵之虧闕而取其勝者

0

守之必敗。重兵挑之使出。怒兵辱之。强兵緩之。將驕宜卑之 о П 李筌曰。不因敵之勢。何以制之哉。夫輕兵不能持久。 Ŧi.

孫

÷

十家註

卷

六

五三

ی 將貪宜利之。將疑宜反閒之。故因敵而制勝。 孫 子 家 註 卷 六 杜牧曰。因

敵之虚

也

o

賈林曰。見敵盛衰之形。我得因而立勝

0 榳 因 堯

王晳曰。謂堤防疏導之也。

何氏曰。

臣曰。隨虛實也。

敵强弱而成功 0 張預日。虛實强弱。隨敵而取勝 0

故兵無常勢。

梅堯臣曰 0 應敵爲勢。 張預曰。敵有變動。故無常勢。

水無常形 0

預日。 孟氏曰。兵有變化。地有方圓 地有高下。故無常形 o 梅堯臣曰。因地為形。

張

o

能因敵變化而取勝者謂之神 【註一】通典因作隨 【註一】

曹公日

o

李筌日 無常形 也。 勢不在我。故無常勢。如水之形。因地乃有 。能知此道。謂之神兵也。 。勢盛必衰。形露必敗。故能因敵變化。取勝若神 梅堯臣曰。隨而變化。微不可測。王晳曰 。水因地之下。則可漂石。兵因敵之應。則可變化如神 杜牧曰。兵之勢因敵乃見 。形不在水。故 。兵有常理而

平 以制之也。夫兵勢有變。則雖敗卒。尚 者。因敵以應之也。水有常性者。就下是也。無常形者。因地 無常勢。 0 何氏曰。行權應變在智略。智略不可測。則神妙者 復可使擊勝兵 。況精銳 也

水有常性而無常形。兵有常理者。擊虛是也。無常

孫 子 + 家 註 卷 六

故五行無常勝

張預曰。兵勢已定。能因敵變動。應而勝之。

其妙如神

五三

杜佑日 。五行更王 0 王晳曰。迭相克也。

子

十家

註

卷

六

四時無常位

0

杜佑曰。 四時迭用 o 王晳曰。迭相代也。

日有短長。月有死生。

曹公曰。兵無常勢。盈縮隨敵。 杜佑曰。兵無常勢。盈縮隨 行者。休囚王相。遞相勝也。四時者。寒暑往來。無常定也。 敵。日月盛衰 。猶兵之形勢。或弱或强也。【註二】李筌曰。五

日月者。周天三百六十五度。四分度之一。百刻者。春秋二分

五日爲望。二十四日爲下弦。三十日爲晦。則死生義也。孫子 四十刻。夜六十刻。長短不均也。月初爲朔。八日爲上弦。十 則日夜均。夏至之日。晝六十刻。夜四十刻。冬至之日。晝

孫子十家註卷六終

孫 子十家註

籺 六

總校王詒壽分校

【註一】據通典補

皆如兵勢之無定也。

一道也。張預曰。言五行之休王。四時之代謝。日月之盈昃。

堯臣曰。皆所以象兵之隨敵也。 王晳曰。皆喻兵之變化。非

以爲五行四時。日月盈縮無常。兄於兵之形變安常定也。

梅

五. 五.

徐鼎 蘇 校 教 教 校

五六